

**SEVENTH LEGISLATIVE ASSEMBLY OF MIZORAM
(FIFTEENTH SESSION)**

LIST OF BUSINESS

FOR SECOND SITTING ON WEDNESDAY, THE 14th MARCH, 2018
(Time 10:30 A.M. to 1:00 P.M. and 2:00 P.M. to 4:00 P.M.)

OBITUARY

1. **Pu LAL THANHAWLA**, Hon'ble Chief Minister to make obituary references on the demise of the following dignitaries :
 - 1) **Pu J. KAPTHIANGA**, Ex. MLA of Mizoram.
 - 2) **Pu LALCHUNGA CHINZAH**, Ex. MLA (Assam)

QUESTIONS

2. **Questions** entered in separate list to be asked and oral answers given.

LAYING OF PAPER

3. **Pu LALSAWTA**, Minister to lay on the Table of the House a copy of Economic Survey, 2017-2018.
4. **Pu H. ROHLUNA**, Minister to lay on the Table of the House a copy of Separate Audit Report of the Comptroller & Auditor General of India on the Accounts of The Mizoram Khadi & Village Industries Board, Aizawl for the year ended 31 March, 2010, 31 March, 2011, 31 March, 2012, 31 March, 2013 & 31 March, 2014.

DISCUSSION ON MOTION OF THANKS

5. Discussion on Motion of Thanks on the Address of the Governor (to be concluded).

S.R. ZOKHUMA
Commissioner & Secretary

....

S P E A K E R : Lalpa chu nghak la, a kawng chu zawh rawh; Tichuan ram hi luah turin a chawimawi ang che; Mi suaksualte tihborala an awm lai chu ila hmu ang. Sam 37:34

Tukinah hian lungchhiat thlak takin kan MLA hluite pahnih Pu J.Kapthianga leh Pu Lalchunga Chinzah sunna neih a lo ngai leh ta der mai a, a lungchhiat thlak hle a ni. Anmahni chanchin Chief Minister zahawm tak Pu Lal Thanhawla hnen atangin ngaihthlakna kan nei ang a. Hun kan duh rei lutuk loh nan chumi zawhah chuan Opposition Group Leader Pu Vanlalzawma, MLA zahawm tak kan sawm leh mai ang a, tahchuan a sunna in kan chhonzawm tawh mai dawn a ni. Tunah House Leader sawm ila.

Pu LAL THANHAWLA, CHIEF MINISTER : Pu Speaker, i sawi tawh ang khan tukinah helaia kan lo thawhpui tawh thin member zahawm tak pahnih Pu J.Kapthianga leh Pu Lalchunga Chinzah te sunna hun kan han hmang tur hi a lungchhiat thlak tak zet a. Amaherawhchu kan zavaiin kal tur vek kan ni a, anni an kal hmasa deuh a ni mai a. Kan thawhpui tawh thin te an ni a, helai House-ah kei ngei pawhin ka thawhpui tawh thin a, chuvangin kan ui tak zet a ni. Tunah hian he House-ah hian an chanchin te chhiar a hetiana sunna hun an han siam hi a lawmawm ka ti tak zet a ni.

Pu Speaker, Pu J.Kapthianga ex MLA hi March 7th 2018 zing lam dar 5:20-ah kum 89 mi niin a boral a. Pu J.Kapthianga hi Pu J.Zalawma leh Pi Helen Challiannguri te fa pali (4)-na niin April 10th 1929-ah Kelsih khuaah a piang a. An unau hi sawm pakhat niin mipa paruk leh hmeichhia panga an ni. Kum 1963 February 18th-ah Pi Mary Biakmawii d/o Chalngbaka (L) nen Christ The King Cathedral, Tlangnuamah an innei a, fapa pathum leh fanu pahnih an nei a, tu sawm pakhat leh tuchhuan pahnih an nei a ni.

Zirna lamah chuan Primary atangin High School thleng chu Donbosco School, Shillong-ah a kal a. Kum 1950-1961 chhungin Indian Defence Service-ah a tang a. A pa in natna khirh tak a tawh avangin a pa enkawl turin sipai atang hian a bang a. Kum 1962-ah Serkhan leh a chhehvel khua ten an ngen angin Pachhunga Memorial High School a din a, Headmaster hna a chelh nghal a. Kum 1967-ah sawi khawm avangin he School hi Lungdaiah sawn a ni a, tun thlengin a la ding a ni. Pu J.Kapthianga hi 1962 atangin politics-ah a zuang lut a. Kum 1967-1977 Emergency

lai khan P.C. party hruaitute Pu Thena ho in man an ni a, Nalbari Jail, Assam-ah a tang a. Kum 1978 Second Mizoram Legislative Assembly election-ah Khawbung constituency atangin P.C ticket in MLA-a thlantlin a ni a. Protem Speaker-a ruat niin Chief Whip, Assembly ruling party-ah a tang a ni. Tin, 1981 khan MNF leh India sawrkar Delhi-a an in biakna a tlawlh avangin Tuirial Jail-ah hun engemawti chhung a tang baw a ni. A hriselna a that loh avangin kum 1990 hnu lam hi chuan politics-ah a in hmang ta meuh lo a ni.

Pu J.Kapthianga hi mi inphal tak niin a neih te midang tan a ui ngai lo va. Rambuai avanga ei leh bar a harsat em em lai pawh khan mi harsa zual te tan ruai a thehsak a ni. A phak ang tawkin a that lai hun hian Pathian rawng a bawl ve thin a. Father te tawng let in Mizoram hmun hrang hrang ah rawngbawlin a kal thin a. Sairang dawr veng a in hmun chu Biak In sak nan a pe a, he hmunah hian St.Peter Biak In sak a ni.

Pu J.Kapthianga hian kum 1989 atangin lungna a nei tan a. 1999 July-ah B.M.Birla Heart Research Centre, Kolkata-ah by-pass surgery tih a ni a, December, 2013-ah pacemaker vuah a ni leh a. Hetatang hian a chaklo chho tial tial a, January 28th 2018-ah a hritlang a dam theih loh avangin Civil Hospital, Aizawlah admit a ni a. February 14th 2018-ah dam takin a chhuak a. March 6th 2018-ah doctorrawn a ni leh a, March ni 7, 2018 zing dar 5:20-ah chatuan ram min pan san ta a ni.

Ka sawi ang khan Pu Speaker, Pu J.Kapthianga hi pa kawm nuam tak, thilphal tak a ni a. A tawng tam vak lo va, mahse thiante tan chuan kawm nuam tak a ni. Ka hriatchian zawng tak mi a ni a, kan in zui ve fo thin a. Paty hranah te awm mah ila kha khan kan in thian thatna a dal chuang lova, chutiang mi chu a ni. Tin, mi harsa zawk te, ka tawng tu huatthu suh ah chhuan chhe zawk te, chung ang mite tan chuan mi in phal tak a ni a. Chuvangin, a nun kha a hlim hle thin a ni. Chutiang chuan rawngbawlina kawngah pawh Father te zuiin, thahnemngai takin hmun hrang hrangah a lo kal tawh thin a. Chutiang chuan Zoram dung leh vang hi politics vang chauh lo pawhin Pathian thu avangte pawhin a lo fang chhuak tawh thin a ni.

Sawi tawh ang khan pa kawm nuam, thenrual tha ngah deuh a ni a. Tunah hian a kalsan chhungkhat laina te kan tawrhpu tak zet a, Pathian in thlamuan in awmpui se tih hi kan tawngtaina a ni e. Tin, Pu Speaker, kan senior, mi pawimawh tak Pu Lalchunga Chinzah, ex MLA. hi Assam-ah MLA a lo ni tawh a, Undivided

Assam-ah January 28th 2018 zing lam dar 9:00-ah Lairam Christian Medical Centre (LCMC), Lawngtlaiah kum 86 mi niin a boral a ni.

Pu Lalchunga Chinzah hi Pu Lianhmunga Chinzah leh Pi Ngunchii Chinzah te fa panga na a ni a. An unau hi pariat niin hmeichhia pali leh mipa pali an ni. Kum 1959 April 10th-ah RENCHIN ZATHANG nen an innei a, fanu pathum leh fapa pathum an nei.

Zirna lamah chuan 1944-ah pawl thum Rulkual Primary School atangin a pass a. 1947-ah pawl ruk Tawipui khua atangin a zo leh a, Matric erawhchu 1952-ah Bengali High School, Imphal atangin a pass a. B.A. hi St. Anthony's College, Shillong atangin 1957-ah a pass a ni. Shillong-a a awmlai hian kohhran leh zirlai pawl lamah a theih ang tawkin a in hmang thin a ni.

Pu Lalchunga Chinzah hi B.A a pass hnu in Mizoramah a rawn hawng a. An sawm angin Lawngtlai Private High School-ah Headmaster hna a thawk a. He hna a thawh mek lai hian Member of Regional Council (MRC) inthlanna neih a ni a. Hetah hian uncontested in Bualpui (NG) constituency atangin thlantlin a ni a. Hemi tum hian Chairman-ah thlantlin a ni, Headmaster hna pawh chu a la thawk chhonzawm reng a. Hemi hun lai vek hian Pawi Lakher Regional Council (PLRC) in Court President & Recorder (CP&R) an la nei lova, B.A pass kher a ngaih avangin Member of Regional Council (MRC) nihna kalsan in Court President & Recorder (CP&R) hna chu 1960-1964 chung a chelh ta zawk a. Amaherawhchu hun engemaw chen a thawh tawh hnu in hlawh lak te a mumal lo hle a, an chungkua in a tuarin an rethei hle a, Shillong lamah hna zawngin a kal leh ta a. Shillong-ah hian vanneih thlak takin hna pali (4) lai mai pek a ni a, chung hna te chu - BDO Lawngtlai: Publicity Officer, Aizawl: Political Assistant & Asst.deputy Commissioner, Saiha : NEFA Base Superintendant (IFAS Jr.Rank) te an ni. Amaherawhchu, heng hna tha tak tak pawh hi thawk hman lovin ram leh hnam tana sawmna leh kohna nasa tak avangin a nu leh pa te remtiilo chungin politics lam a luhchilh chho ta a, nih a lo tum ber thin IAS lamtluang pawh a zawh ta lo a ni.

Politics lamah hian sulhnu leh nihna a ngah hle a, hetiang hi a tlangpui a ni, Pu Speaker :

- 1) Dt.1.5.1958 – 15.4.1964 ah Bualpui (NG) atangin uncontested in Pawi Lakher Regional Council (PLRC) member atan thlan a ni. Ni 1.5.1958 – 1.12.1958 chhung Chairman a ni.
- 2) Dt.15.4.1964 – 15.7.1970 ah Lawngtlai constituency atangin member atan thlan a ni, Chief Executive Member nihna a chelh.
- 3) Dt.16.7.1970-ah Lawngtlai Constituency atangin member atan thlan a ni a. Ni 29.4.1972-ah District Council ah hlan kai a ni a, hemi ni atanga ni 22.1.1973 thleng Chief Executive Member (CEM) nihna a chelh bawk a ni. (Hei hi interim period hun lai a ni.)

Kum 1968-ah hian Member of Legislative Assembly (Assam) atan Chhim bial atangin thlan tlin a a ni a, 1968-1969 chhung hian Chief Executive member (CEM) nihna a chelh kawp bawk a ni.

Pawi Autonomous District Council (PADC) hun chhung :

- 1) Dt.23.1.1973 – 16.11.1976 ah Lawngtlai constituency atangin thlan a ni a. Ni 25.9.1973 – 16.11.1976 chhung Chairman a ni.
- 2) Dt.1.2.1988 – 30.11.1991 ah Paithar constituency atangin thlan tlin leh niin ni 3.2.1988 – 2.8.1989 chhung Chief Executive Member (CEM) a ni.

Pu Lalchunga Chinzah hi mithiam leh tumruh, ram leh hnam hmangaih em em thin tu a ni a, CEM a nih lai hian thil chhinchhiah tlak tam tak an ti a, chung zinga pakhat chu Pawi Autonomous District Council ni thin chu 1st May,1989 atangin Lai Autonomous District Council ti a thlak a lo ni ta a ni.

Pu Lalchunga Chinzah hi a theih ang tawka kohhrana in hmang thin a ni a, a hun tawp thleng hian Lairam Isua Krista Baptist Kohhran (LIKKBK) Council vengah hian Upa min a ni.

Pu Lalchunga Chinzah hi 19th December 2017 khan Lairam Christian Medical Centre(LCMC) ah thawhah avangin dah luh a ni a, amah hi a ziaawm deuh avangin 31st December, 2017-ah in lama in enkawl turin an chhuak a. Amaherawhchu 7th January, 2018-ah a thawhah a chhuah leh avangin LCMC-ah bawk dah luh leh a ni a, a natna in zual lam a pan zel a, doctor leh nurse ten

theihtawp chhuaha an enkawl mek laiin 28th January (Pathianni) 2018, 9:00 AM-ah a rawng a bawl thin Lalpa hnenah min chawlhsan ta a ni.

Pu Speaker, Pu Lalchunga Chinzah hi Mizoram pumpui tan pawh politics lamah a hmahruaitu a ni a, a chanchin kan han sawi atang khan sawi belh tehchiam a ngaiin ka ring lo a. Tin, inchhung hrim hrim ah pa chengvawng tak, pa tha tak a ni a, a fate enkawl danah pawh, chuvangin a fate pawh hi District Council-ah te pawh EM lo ni tawh te pawh an awm a; tin, civil service lamah pawh mi chhuanawm tak tak te an awm bawka a ni.

Tin, amah hi mi kawm nuam tak a ni a, ka mi hriat zawng a ni a, keini aiin a upa deuh na in, Shillong-ah a ni emaw, Mizoramah a ni emaw kan inkawm thin a. Tin, sawlamah CEM te a nih thin avangin official thilah vawi tam tak inhmuh te a ngaih thin avangin; tin, official pawn ah pawh inhre tha tak kan ni. Mi kawm nuam tak, mi inngaitlawm tak, tawng tam vak lo, tin a kalkawngah leh a ngaih danah mi nghet tak a ni. Chutiang mi chu vawiin ah hian Mizoramin kan lo chan ta a. Tin, Lai ram bik tan phe chu an mi ropui tak , mi chhuanawm tak, hruaitu ropui tak an chan a, chu chu ram pumpui tan Mizoram aiawhin Assam-ah te MLA te lo ni tawh thin a nihna ang pawhin Zoram tan channa rapthlak tak a ni a. Vawiinah Pu Speaker, he laiaah amah sunna hun in buatsaih te hi thil duhawm tak niin ka hria a, lawmawm ka ti a. He House aiawh hian Pu J.Kapthianga nen khan kan ui thu leh kan sunna kan sawi rualin, an kalsan chhungkhat lainate, an thisen zawmpuite Pathianin awmpuiin thlamuan se tih hi kan tawngtaina a ni e. Ka lawm e.

SPEAKER : Tunah chuan Pu Zawma sawm ila.

Pu VANLALZAWMA : Pu Speaker, ka lawm e. Vawiin ah hian kan hriat tak ang khan kan mi hmasa pahnih Pu J.Kapthianga leh Pu Lalchunga Chinzah sunna hun hman a lo ngai ta a, i veilam amite ai awhin Pu Lalchunga Chinzah leh Pu J.Kapthianga hi kan ui takzet a, an chhungte leh an laina hnaite, an thenrual thate kan sunpui takzet a ni tih kan sawi duh a. Keini aiin an rual u deuh a, kan inkawm pha lo deuh a, amaherawhchu an chanchin an sawi kan hre thin a. Kan House Leader zahawm takin an chanchin chipchiar takin a rawn sawi a, Pu J.Kapthianga chanchin leh Pu Lalchunga Chinzah chanchin kha sawi belh tur vak ka hriat loh chu thu dang ni sela, khatah khan a kim khawpin ka hria a, chuvangin keini lam atangin ka sawi

belh vak lo mai ang a. Amaherawhchu Pu J.Kapthianga leh Pu Lalchunga Chinzah te hi kan ui takzet a, an chhungte kan tuarpui takzet a ni tih ka sawi duh a.

Pu J. Kapthianga hi mimal takin ka hre chianglo nachung khan a thawm leh a chanchin hi kan hre thin a, Aizawl khawpuiah an awmna vengah te pawh Pa chan chang tak a ni tih kan hre vek a. Tin, Pu Lalchunga Chinzah pawh a bik takin Lawngtlai lamah kan unau te zingah te pawh a chhuanawmin hruaitu ropui tak a ni tih kan hria a, vawiinah sun an lo ngai ta mai hi opposition lam aiawhin kan sunin kan tuar takzet a, an chhungte leh an lainate kan sunpui in kan tuarpui takzet a ni tih kan sawi ve a ni. Ka lawm e.

SPEAKER : Awle, sawi rawh le.

Pu C.NGUNLIANCHUNGA, MINISTER : Pu Speaker, ka lawm e. Pu J.Kapthianga chungchang kha chu kan ngaithla tawh a, Pu Lalchunga Chinzah chungchang hi helaiah Lai ram atanga lo kal ve kan nihna ang pawhin a sunna huna kan han tel ve thei hrim hrim pawh hi a lawmawm ka ti a, chutihruah chuan kan House Leader-in a chanchin chianguang tak a sawi tawh na in, han din ve hrim hrim pawimawh in ka hria a, hun min pek avangin lawmthu ka sawi nawn e.

Pu Lalchunga Chinzah hi kan ngaihthlak tak ang khan keini Lai fate tan chuan kan arsi lian a ni tak zet zet a, a chhan chu Mizo District Council a awm lai khan keini Regional Council neiin Lai, Mara te kan awm a. Chutah pawh chuan a sulsutu ber leh kan hnamin hma kan sawm theihna tura tana a theihna zawng zawng, a finna te hmang thin mi a ni a. Amah mithiam a nih mai piahlam ah mihuaisen, mahni tumna lamah chuan nghet taka ding a, a tum hrechiana a mipuite min hruai thin tu a ni a.

Tun tuma a boralna ah hian, kei damlohna avangin Mumbai-ah ka in check-up lai tak a ni a, ka tel thei lova, pawh ka ti em em a. Chutihruah chuan a sunna thu te pawh message-in ka va thawm ve nghe nghe a. Pu Lalchunga Chinzah hi rambuai thim chhaht ak lai pawha Lawngtlai-a CEM a nih lai te pawhin, a dinhmun pawh luah hleitheilo in, office te pawh kai hleitheilo in hmundangah Lunglei/Shillong-ah te kal a ngai a. Chungah pawh chuan silaimu karah pawh huaisen taka kan ram leh hnam tana ding tlat mihring a ni tih vawiinah hian he House zahawm tak leh Zoram mipui hriat

ah pawh hian han puan chhuah hrim hrim thain ka hria a. Tin, a upat tawh hnu pawhin keini an fate, an naute, an fate rual ni mahila, kan ram leh kan hnam chungchang thu ah chuan kan thurawnte min ngaihthlak sak in, advise tha tak tak te min pe thin a.

District Council-in hma kan sawn ve theihna tura District Council-a kan awm ve laia hma kan han lak te pawh in, Delhi tlang kal a ngaih pawhin kum upa lam a ni chung chung pawhin min kalpui hram hram thin a. Chutiang chuan Pu Speaker, a bik takin vawiinah hian nang leh Pu Lalchunga Chinzah hi Lai fate, Mara fate tan chuan arsi lian ropui tak in ni. Vawiinah kan arsi lian pakhat kan chan a ni tih lai hi tawite in ka'n sawi duh a.

Chutihrual chuan, chhungkaw lamah pawh, politician tam takte aia a chungnun bikna chu politician tam tak ten kan chhungkaw enkawlna chungchang ah ram leh mipuite tan rawng kan bawlna avangin chhungkua kan enkawl mumal theih loh na chin a awm a. Chungah chuan chhungkaw entawn tlak loh tam tak kan awm. Chutih laiin Pu Lalchunga Chinzah hi chuan nupui fel tak, nupui tha tak a neih avangin a fate pawh entawntlak tak tak hnutchhiatin he khawvel hi min chhuahsan a ni. A entawntlak a, vawiina keini ho ti ve khanglang ila, tlinglo tak tak te pawh hian Pu Lalchunga nun ah hian entawn tur tam tak, ram leh hnam a hruaina piahlam ah chhungkaw relbawlna ah pawh Pa chan chang thiam tak, chhungkaw relfel thiam tak, mi ril, ram leh hnam hmangaihna piahlam ah pawh chhungkua pawh thlahthlamlo mi a ni tih vawiinah ka'n sawitel hram duh a. Vawiinah hian a chanchin tawite sawina hun min pek avang hian ka lawm a. Pu Lalchunga Chinzah hi Lai fate tan chuan arsi lian in min kalsan a ni tih ka'n sawi nawn duh a ni e. Ka lawm e.

SPEAKER : Awle, Pu Zothangliana em ni, pakhat kha kan duhtawk mai dawn lawm ni ? Awle, sawi rawh le.

Pu H. ZOTHANGLIANA : Pu Speaker, ka lawm e. Pu Lalchunga Chinzah hi kan pa te rual, kan pute rual deuhthaw a ni a. Lai fate tan a bik takin, Mizoram pum piahlamah mi chhuanawm, entawn tlak kawng tam takin

a ni tak meuh meuh a. Vawiinah sun a lo ngai ta hi a uihawm ka ti tak meuh meuh a ni.

A chanchin kan hriat thuak thuak tawh ang khan ram rorelna kawngah entawn tlak, zir tlak a nih piah lamah, chhungkaw enkawl na ah te pawh a chhuanawm tak meuh a. A fate hian an zah em em rualin an ngaina hle a ni tih ka hrechiang ve a. Hengte hi chhinchhiah tlak tak niin ka hre ve a. Mi hmasa, ram hruaitu dinhmun pawimawh tak mai luah, thil ti thei dinhmuna ding, kum rei tak chhung a ni chungin, In leh Lo lak kawngah mite anga khawvel thil taka chhuan tur a neilo viau mai te hi a entawn tlakna danglam tak a ni pakhatin ka hria a. Tuna Lawngtlaia a In pui ve ber pawh saw amah in engvak mah a tih theih tawh loh hnua a faten an sak puitlin sak a ni te hi thil danglam tak, chhinchhiah tlak tak, entawn tlak tak a niin ka hria a ni.

Amah hi mithiam a ni a, politician ropui a nih bakah, a mimal tak pawhin mi lehkhathiam kan tih ang chi a ni a. Saptawngte hi a thiam em em mai a. A chhuanawm tak meuh meuh a. Ani he House zahawm taka sun a lo ngai ta hi kan ui tak zet zet a ni tih te chauh tal kha han din chhuah pui ve ka duh a ni. Pu Speaker, hun min pek hram avangin ka lawm e.

S P E A K E R : Pu Romawia.

Pu R. ROMAWIA, MINISTER : Pu Speaker, Pu J. Kapthianga chungchang hi kan Leader khan a sawi tawh na chungin ram a mutthluksan ngailo a. Zoram dung leh vang-ah Laldenga thianpa tih thin kha a ni a, Laldenga rammut laiin. Chuti khawpa underground-a ramhnua ilam rilru puho te lo huikhawmtu a ni a. Tin, politics hrim hrim ah hian MNF an lo haw hnu ah pawh ram a mutthluksan ngai lova, a hriselna te, an chhungkaw dinhmun te a lo harsat hle tawh hnu pawh-in, amah hi chu kawm tham tak a ni reng a ni.

Amaherawhchu, khawvela awm kan ni a, kan duh angin thil a kal fo loh ah a duhthlanna zawkin, an chhungkua te Lalpa hnen lama an hawi theih zawkna beisei in, chutiang chuan khawvel eizawna lam ah a inhmang nasa ta lo a ni a. A thih te pawhin mipui hriat meuh tawh loh a ni a. A hun pui lai chuan Mizorama contractor-ah cheque pawthla lian ber kan ti thin a, nuai

50 chuang cheque pawthla thei leh, khatiang a nih pawha mi rethei tana ruaitheh leh mai thin kha a ni a. Khang ang zawng zawng, a thil phalna leh ram a mutthluksan loh na te leh overground-a theihtawp-a ram hnuk vuan lama a lo kal tawhna te kha he House hian kan hriat a tha in ka hre ve a. Chungte chu tlemte in karawn sawi ri ve a ni. Hun min pek avangin ka lawm e.

SPEAKER : Awle, sawi duh dangte pawh kan awm thei a. Tin, keipawhin Chair atang hian sawitur ka ui em em thu te sawi tur ka nei ve a. Amaherawhchu, hun kan duh rei lutuk loh nan ka insum ve mai ang a. Tunah hian anmahni pahni, he House pumpui hian a sun a ni tih lantirnan ngawi renga rilrua lusun chhungte tawngtaina neih sak in, minute khat ngawi rengin i lo ding ang u. (Member te ngawi rengin minute khat an ding)

SPEAKER : Tunah chuan zawhna leh chhanna hun kan la tawh ang a. Zawhna No.1 neitu MLA zahawm tak Pu K.Sangthuama zawt turin i lo sawm ang u.

Pu K. SANGTHUAMA : Ka lawm e. PWD Minister zahawm tak chhan atan ka Starred Question No.1 hi ka zawt e.

SPEAKER : Minister zahawm tak Pu Lal Thanzara chhang turin i sawm ang.

Pu LAL THANZARA, MINISTER : Ka lawm e, Pu Speaker. Member zahawm tak Pu K.Sangthuama zawhna :

- a) 2017 – 2018 budget-ah kawng siamna tur pawisa engzat nge dah a nih? Kum 2017 – 2018 chhung atan Budget-ah kawng siamna turin ₹ 66,764.00 lakh dah a ni a . Additional fund ₹ 19,153.25 lakh hmuh a ni bawk. A vaiin kum 2017- 18 chhung hian kawng siamna atan ₹ 85,640.25 lakh dah a ni.

Kawng siamna tur pumpui ₹ 85,640.25 lakh atang hian kawng enkawlina tur (maintenance) atan hetiang hian sum dah a ni.

Minor Works	:	₹ 3,950.00 lakh
NEDP(Out of 11319.00 lakh)	:	₹ 2,754.37 lakh
Minor works(Additional)	:	₹ 1,264.30 lakh

State Priority Project(SPP)(Out of ₹ 5898.60 lakh) : ₹ 1,637.82 lakh

Total : ₹ 9606.49 lakh

b) Central atangin engzat nge hmuh a nih?

Kum 2017-2018 chhungin central atangin ₹ 26,521.15 lakh hmuh a ni.

c) Engzat nge hman a nih tawh?

Kum 2017-2018 chhung hian ₹ 32,757.07 lakh hman tawh a ni.

S P E A K E R : Zawhbelhna a awm em?

Pu K. SANGTHUAMA : Pu Speaker, pawisa kan lo ngah khawp mai a. Tunah hian ₹ 32,757.07 vel hi hman tawh a la ni chauh a. A tlangpuiin kan kawng siam hi khawi lai lai ah nge heng kan pawisa neih te hi kan hman a, tuna kan la hman zawh loh hi tun financial year hma hian hman zawh hman a ni ang em? Khami point 2 te kha min chhang leh thei se a that kan ring a. A hmanna kha minor work ti te khan in han sawi a.. Khawi lai kawng vel nge, Aizawl khawpui emaw, District khawpui emaw chauh ni lovin, khawi lai laiah te nge heng kan pawisa hi an hman a; tin, kan la hmang zo lova, kan hman zawh loh hi a zatve lai emaw, a aia tam mah a la awm a. Chu chu tun financial year hma hian hman zawh theih a ni ang em tih kha kan zawt leh a ni.

S P E A K E R : Minister zahawm tak chhang turin sawm ila. Pu Lal Thanzara.

Pu LAL THANZARA, MINISTER : Pu Speaker, ka lawm e. Member zahawm tak Pu K.Sangthuama zawhbelhna chhanna chu : Mizoram PWD-in kum 2017-18 chhunga kawng siamna leh enkawlina (maintenance) atana budget-a pawisa dah leh supplementary demand-a pawisa dah ruahman chu a hnuai ami ang hi a ni:

State minor works-ah budget estimate chu ₹ 3950 lakh a ni a, additional-ah ₹ 1264.30 lakh a ni. Tichuan a revise hnua total chu ₹ 5214.30 lakh a ni. Tikhan state NEDP te, state priority te capital, PMGSY, central road stand tih te a awm a. Chunga kan hmanna kawng hrang hrang a zawh a chhanna chu a tam mai a, ka chhiar chhuak dawn nge a copy hi kan pe dawn? (SPEAKER : Chhiar chuan a tam duh khawp ang) Suangpuilawn, Khawlian road- a hman chu ₹ 3,75,000 a ni. Pavement of Aizawl, Thenzawl, Lunglei, Thiak Maubuang village. Tin, repair and

maintenance of Chalrang-Vantlang road NEDP hnuaiah Construction and resurface of roads of Chaltlang, PPC L. Liankunga house to (Pu K.SANGTUAMA : Khawngaihin a pawisa te te ni lovin khawlai nge ni han tih kha ka zawt lo a.)

Kan sawi a nge aw! L.Liankunga house – Ngurzinga house inkar Rahsi venga black topping kawngte. Tin, a then faina leh retaining wall Serchhip field road-ah. Tin, repair and maintenance of road, pavement, footpath under SPP, RCC, Pushpak Thuampui. Tin, pedestrian footpath at NSC Presbyterian Church, special repair on Aibawk - Darlung road. Maintenance of road under Saiha division National highway 44A from Luangpawl to Mamit on Aizawl bypass road. Maintenance of road on Aizawl-Thenzawl-Lunglei, maintenance of Raj Bhavan, repair of all Tuirial airfield, retaining wall on College veng to Mualpui. Construction of retaining wall on Thuampui to Selesih road. Repair and maintenance of Thenzawl-Lunglei road. Retaining wall on Damdai-Sialsuk via river Changte road, Khatla link road in front of Nursery tuikhur. Pavement of road within Zotlang village, Champhai District. Pavement of road to NIT, Lengpui. Construction of golf course at Thenzawl. Construction of road to Horticulture College at Thenzawl. Improvement of internal roads within Mamit district headquarters. Construction of retaining wall West Phaileng to Dampa-Lengpui road. Lengpui airport, National Highway 44A upto terminal entrance. Construction of LSD and reconstruction of collapsed retaining wall within Lawngtlai, National highway 54. Strengthening and improvement of Rengtekawn to National Highway 54. Improvement of internal roads within Kolasib District Headquarters. Ramhlun Sport complex on Sihpui to Vengthar bus turning point Ramhlun. Improvement of Khanpui – Tualbung phase-II, Phairuang to Thenlung via Zawlpui and Phairuang to Zawlpui road. Improvement of Bualpui to Bunglemun....(Pu LALRUATKIMA : Pu Speaker, khawngaihin khang kha chu unstarred-in min pe mai se, hun a hek lutuk alawm! Kawng a tha chuang baw si lova. Pu Speaker, enge hmalakna awm chuang? Kan hmu hleinem, a ho em mai, unstarred tur a ni. Zawnha sei lutuk kha min drop sak zel tho alawm, unstarred-in min pe mai rawh se, khang em em kha chu. Starred Question pawh kha unstarred ah min convert sak nasa lutuk)

Pu LALRUATKIMA : Unstarred-in min pe mai rawh se, a ho em mai! Zawnha hnung lamah hian tha deuh deuh kan nei. (interruption)

Pu K. SANGTHUAMA : A mal te te khan min hrilh la kan ti lem lo va. Chuti laiah chuan chutiang chu a ni a tih kha a tawk mai a. Entirnan, Champhai District-ah chuan chulai vel chu kan thawk a, etc. Khatiang khan chhang ula a tawk mai a. Khatiang a nih chuan hun zawng zawng kan hmang zo dawn a. A ziaak khan min rawn pe ula ka lungawi mai e. (Interruption) A tlangpui a nih kha chuan kan hre mai a. Min rawn pe ta la, a harsa lem lo bawk a, chu chu kan pawm mai ang e, Pu Speaker.

Pu R. VANLALVENA : Hna an thawk tam em mai a, an ngaithla seng lo a ni.

Pu LAL THANZARA, MINISTER : Kan hnathawh zawng zawng hi an ngaithla hman lo a nih chuan ziaakin kan pe mai ang, a tam mai. Ka lawm e. A that leh that loh chu kan hre dawn chauh a ni. Fur laiin kawng a tha thei lo va, thalah hma kan la mek a ni, Pu Speaker.

S P E A K E R : Kum khat chhunga chawhmeh leina zawng zawng nuin a lo record vek ngaihthlak tum kha a tam lutuk ang tih kha a rinawm a ni.

Pu K. SANGTHUAMA : Pu Speaker, ka zawhna hnuhnung kha min chhang lo alawm. (SPEAKER : A chhan loh eng nge awm?) Nuai 3000 leh tih chauh hmang, a bak cheng nuai 9000 leh tih ah khan engzah nge hman loh awm ? Financial year hmain kan la hmang zo hman dawn em tih ka zawt alawm. (SPEAKER : Kha kha i la chhang lo a nia.)

Pu LAL THANZARA, MINISTER : Financial year hma chuan heng pawisa sanction ang zawng zawng hi kan hmang zo lo ang a. Amaherawhchu, dan pangngai angin sum hi dah that a ni ang a. Kum thar velel lak chhuaha hma lak tan leh nghal a ni ang. Pu Speaker.

S P E A K E R : A nih leh duhtawh tawh mai ang aw. Tunah chuan zawhna no. 2-naah kan kal ang a. Pu R. L. Pianmawia, MLA zahawm tak zawt turin i lo sawm ang.

Pu R.L. PIANMAWIA : Pu Speaker, Starred Question No. 2-na, PWD enkawltu Minister zahawm tak chhan atan:

- a) Darlawn playground leh Tourist Lodge panna kawng atan hian black-top turin hma lak tum a ni em?

- b) National Highway 150 enkawl tur hian Darlawnah Highway Division dah theih a ni em tih a ni e.

S P E A K E R : Department neitu Minister zahawm tak Pu Lal Thanzara bawh chhang turin sawm ila.

Pu LAL THANZARA, MINISTER : Pu Speaker, ka lawm e. Member zahawm tak Pu R.L. Pianmawia zawhna :

- a) Darlawn playground leh Tourist Lodge panna kawng atan hian black-top turin hma lak tum a ni em tih chhanna chu : Darlawn playground leh Tourist Lodge panna kawng black-top turin hmalakna engmah a awm rih lo. A chhan chu village road atan pawisa a indaih thin loh avangin hna tul tam tak tih theih loh a la awm a, pawisa awm dan/dinhmun azirin remchang hmasaah ruahmanna siam tum a la ni ang.
- b) National Highway 150 enkawl tur hian Darlawnah Highway Division dah theih a ni em tih chhanna chu : National Highway 150 enkawl tur hian Division Office Darlawnah dah tumna a awm rih lo. Mizoram chhunga National Highway-te hi a awmdan a zira a enkawltu Division-te pawh siksawia siam rem mek zel a nih avangin tun dinhmunah chuan National Highway 150 enkawltu Division thuthmun hi a ngaia awm rih thaa hriat a nih avangin chutiang chuan hma lak mek a ni.

SPEAKER : Zawhbelhna.

Pu R.L. PIANMAWIA : Pu Speaker, ka zawhbelhna chu Darlawn playground leh Tourist Lodge panna tia kan dah hi Sesih Veng kawng phei vek a ni a. Heng hi a veng tawpa awm a ni a. A veng hi mihring tam tak chenna a ni tawh a. Chuvangin ngaihthah mai mai chi niin a lang lova. Hun hmasa lamah khan PWD pawhin estimate an lo siam tawh a, sum indaih lohna avangin tih loh a ni a. Sum chuang hman loh pawh a la tam khawp mai a, a thlamuanthlak a. Khang sum leh pai atang khan a rang thei ang bera tih dan kawng min dapsak thei ang em tih ka zawt a.

Tin, National Highway 150 enkawl tur hian Darlawnah Highway Division dah theih a ni em tih hi tun hma Pu Robula PWD-a CE a nih lai atang khan “A hmun tur lo dah rawh u” a ti a, Darlawn VC ten an dah a, a hun chhungin engmah kan ti

hman ta bawk si lova. Tun hunah hian kan House Leader hnenah pawh ka thlen tawh a, PWD-ah min ziah phei sak tawh a. Keini lam khi Division 2-in min enkawl a. Tunah hian hna hi a tam tawh em em mai a, sorkarin hma a lak chak avangin. Khi Serzawl panna kawng te, Tinghmun te, kan bial khaw hrang hrang khi PMGSY kawng a lo ni a. Tunah black top leh engkim an thawk a. Tin, New Vervek – Vairengte hi high way a ni bawk a. A work load hian a zo ve hrim hrim tawh mai a. Division 2 hi min dah sak hram dan kawng ngaihtuah a tum dawn em tih kha ka zawt leh e.

S P E A K E R : Zawhna leh hrilhfhahna leh ngenna a inkawp vek a. Awle, Minister zahawm tak sawm ila.

Pu LAL THANZARA, MINISTER : Pu Speaker, member zahawm tak Pu R.L. Pianmawia zawhbelhna chhanna chu : Nia, estimate hi chu kan han siam thin tak na a, sum indaih lohna avang hian, (budget lama indaih lohna avang hian) duh angin kan estimate siam ang pawh hi kan puitlin hleithe thin lova. Sorkar kum tharah work programme lamah te a thara thun tumin hma kan lo la ang a. Tin, sum hi a bang a awm lova, ruahmanna siam sa, hmanna tura ruahmanna siam sa vek a ni a ni.

Tin, khilaiah Highway Division dah tur chungchang pawh a tul angin sorkarin la ngaihtuah zel tur a ni ang.

S P E A K E R : Zawhna No. 3-naah kan kal thei a. Zawhna neitu MLA zahawm tak Dr. K. Beichhua zawt turin i lo sawm ang.

Dr. K. BEICHHUA : Pu Speaker, ka lawm e. RD changtu Minister zahawm tak hnenah Starred Question No. 3-na ka zawt e.

S P E A K E R : Minister zahawm tak Pu R. Lalzirliana chhang turin sawm ang.

Pu R. LALZIRLIANA, MINISTER : Pu Speaker, ka lawm e. MLA zahawm tak Dr. K. Beichhua'n Parliament-a an tih dan dungthul deuhin a rawn zawt a. Khatiang kha hun ren nan a tha khawp mai a, an han chhiar chhuak vek a, keinin a zawhna No. 1 kan ti a kan han chhiar chhuak leh vek a. Khatiang khan hun hi a duh rei deuh thin a.

- a) Mizoram sorkar hian Rural Housing Scheme hi eng tik atangin nge a siam tan tih a ni a. Kum 2010-2011 atang khan a siam tan a ni.
- b) He scheme atana pawisa hi eng Ministry atanga dawn nge? Chhanna : Mizoram sorkar atangin dawn a ni.
- c) Chhungkaw engzat hnenah nge pek a nih tawh? Chhanna : Mizoram chhunga chhungkua 8624 hnenah pek a ni tawh. Chhungkaw khatah rangva (GCI sheet) 4 bundles zel pek a ni.

S P E A K E R : Zawhbelhna a awm em?

Dr. K. BEICHHUA : Pu Speaker, zawhbelhna ka'n zawt ang e. Pu Speaker, zawhbelhna ka'n zawt ang e. He Housing Scheme-ah hian beneficiary pakhatat hei hi Chief Minister Rural Housing Scheme nen khan a inang lo em ni tih ka zawhna pakhat ni ta se. Pahnihna ah chuan he scheme implement tur hian district tinah eng department nge hman a nih? A bik takin District Council hnuai ah hian eng department nge a hman tih kha ka zawt a. Tin, village ah hian selection committee din a ni em? Din ni ta se tute kutah nge dah a nih tih a ni leh a.

Pathumna ah chuan, a bik takin District Council hnuai ah hian MDC kan inthlang thin a, nikum lamah LADC-ah chuan kan inthlang ta a. Inthlan dawnah hian hetiang scheme neuh neuh Mizoram atanga kan siam hi a bik takin kan unau Congress te hian an ta ang deuh bik hian an sem thin in kan hria a. Hei hi Congress te tana siam bik a ni em? Mizoram pumpui tana siam nge ni Congress party tana siam tih kha ka zawhbelhna a ni e.

S P E A K E R : Awle, Minister zahawm tak Pu R. Lalzirliana chhang turin i lo sawm ang.

Pu R. LALZIRLIANA, MINISTER : Pu Speaker, ka lawm e. Zawhbelhna pakhatna kha CM Rural Housing Scheme leh Rural Housing Scheme hi scheme thuhmun an ni em tih a ni a. A hming ah hian Chief Minister tih a tel a, pakhatat chuan Rural Housing Scheme tih chauh a ni a. Hei hi hman atanga kan lo hman tawh a ni a, a hnu ami hi chu Chief Minister tih a tel avangin scheme dang a ni. Tin, ₹ 50000 assistance pek mai tur a ni. Chu chu kan tih dan a ni e. Tin, Chief Minister Rural Housing Scheme-ah khan thlangtu Board din a ni a, BDO te

chairman-na hnuaiah bialtu MLA te theuh kha member atan ruat an ni a, chu chu an tih dan a ni. Member dang zawng zawng kha chu ka hre ta lo a, keimahni MLA te concern kha ka sawi theih mai chu a ni a.

District Council hnuaiah hian hetiang scheme neuh neuh hi ruling party hian an ta neih deuh an tih hi a sual tam pawhin ka ring lo a. He scheme-in a tum tak chu a mamawh apiangte hnena pek atan eng sorkar pawhin an tih thin a ni. A hmangtu te hian tlema mahni lam chanthatna tura an lo ti a nih pawhin lo-a fanghma/vaimim thar hmasa chu thenawm fa te kan pek lem loh hi an ti tlangpui deuh niin ka hria. Chu chu ka chhan thiam dan a ni e.

S P E A K E R : Zawhbelhna a awm leh a.

Dr. K. BEICHHUA : Pu Speaker, mi dang an awm lo bawk a. CM Rural Housing Scheme pawh kha min rawn hrilh fiah a. ₹ 50,000 theuh a ni tih te. Tunah hian khawi district-ah te nge CM Rural Housing Scheme hi sem a nih tawh ? Tin, ka sawi ang khan BDO chairman-na hnuaiah khan MLA te hi min telh ve em? Kohna kan la hre miah lo a. Tin, Mizoram mipui hi he sorkar hian fa te ah a chhiar lo nge ? Congress chauh em ni he sorkar fa te tih kha ka zawhbelhna a ni e.

S P E A K E R : Awle, Minister.

Pu R. LALZIRLIANA, MINISTER : Pu Speaker, Mizoram mipui te hian paa he sorkar hi an ngai a nih chuan keini chuan kan fa te ah vek kan ngai a. Zoram pum huapin, mipui zawng zawng huapa kan scheme te, kan fund zawng zawng te sem rual a ni thin a. Tunah chuan a zawttu MLA zahawm tak Dr. K Beichhua kha chu a tel ve lo ang, MLA a ni na a. A chhan chu kan sem tawhna a ni a, a tel a ngai lo a ni, a thiante hi a be lo a ni mai thei a. Kan pu pawh hi tunah hi chuan a member ah khan a tel ve lo vang, Serchhip, Lawngtlai leh Saiha-ah sem tawh a ni a, chuvangin tunah hian kan sem leh tur chu kha laia la sem loh zawng kha a ni ang a. Chutiang chu a ni dawn a ni. Lawngtlai District-ah leh Serchhip District-ah leh Saiha District-a kan MLA zahawm tak te khan in sem ve dawn lo a nih chu.

SPEAKER : Tel ve lohna ah chuan lawmthu sawi ve mai tur a nih chu. Zawhna No. 4-na neitu Er. Lalrinawma MLA zahawm takin zawt se, i lo sawm ang.

Er. LALRINAWMA : Pu Speaker, ka lawm e. Finance Department changtu Minister zahawm tak hnena ka zawhna Starred Question 4-na :

- a) Heng kum te hian MR Bill atan cheng eng zat nge sen ral a nih Kum 2013-2014, 2014-2015, 2015-2016, 2016-2017, 2017-2018?
- b) Tun kum kal mek ah hian cheng engzatnge sen ral beisei a nih tih ka zawt e.

S P E A K E R : Minister zahawm tak Finance changtu, Pu Lalsawta i lo sawm ang.

Pu LALSAWTA, MINISTER : Pu Speaker, member zahawm tak Er. Lalrinawma zawhna chhanna :

- a) Heng kumah te hian hetiang hian MR bill te pek an ni.

YEAR	AMOUNT (₹ in lakh)
2013-2014	8,515.47
2014-2015	7,712.15
2015-2016	7,809.09
2016-2017	9,421.95
2017-2018	11,267.84

Tun kum kal mek ah cheng engzatnge sen ral beisei a nih tih chhanna chu a chungta tarlan ang khian tun kum kal mek 2017-2018-ah hian ₹ 11,267.84 sen ral rin a ni. Hei hi financial year a la zawh loh avangin a sawi chiah theih rih loh a ni

S P E A K E R : Aw, a neitu Pu Rinawma.

Er. LALRINAWMA : Pu Speaker, ka lawm e. Kan kan hmuh ang khan 2014-2015-a sen ral kha crore khat dawnin a tla thla a. 2015-2016-a kan sen atang hian crore 16 zetin 2016-2017-a kan senso hi a pung a. Heihi enge a chhan leh vang ? A hma kum hnih ah khan kan sen belh hi a tlem a. Kum 2014-2015-a sen hi 8 crore zetin a tlem a, hei hi enge a chhan ? 2015-2016 kuma kan sen hi a dawt leh chiah kum ah hian 16 crore zet pawisa sen belh leh a ni, kum khat chhungin. Hei hi a chhan leh vang enge sorkar-in a pawm dan ? Zu zawrh vang te hi a ni thei ang em tih kan zawt duh a.

Tin, a dawt leha ka sawi duh chu 2016-2017-a senso hi tun session hnuhnung ber khan ka zawt tawh a. Tah chuan crore 115 chuangin min chhang si a, tunah heti

zat hi a nil eh si a, crore 21 vel zet in inmillio a awm a. Hei hi enge a chhan ? Department lam hian an tisual palh nge ? Vaibelchhe 21 vel zeta tihsual hi a va lian ve tih hi min hrihfhah theih chuan ka lawm khawp ang.

S P E A K E R : Zawhbelhna

Dr.K. BEICHHUA : Pu Speaker, zawhbelhna : Pakhatna-ah chuan tun dinhmunah sorkar hian MR bill ba kan neih zat ni se. Pahnihna-ah chuan MR bill tam lutuk tih ziaawm nan sorkar hian Screening Committee (niin ka hria) kan din a. Chumi hnu ah pawh zawhna chhanna atang hi chuan a pung chho zel mai niin a lang a. Hei hi enge a chhan ? Pathumna-ah chuan sorkar hian sorkar hnathawk family declaration hi chianguang taka zir turin Screening Committee a din em? Declaration diklo a MR bill siam hi hmuhchhuah an awm em ?

S P E A K E R : Finance Minister

Pu LALSAWTA, MINISTER : Pu Speaker, zawhna neituin a rawn zawh, “Engatinge a hma aiin a tam” tih kha a figure neuh neuhin chhang thei lo mah ila a chhan tlangpui hi chu Pu Speaker, i hriat angin kum hnih chhung hi two years of Financial Consolidation kan nei a. Hengah hian kan sumte pawh tlema dinhmun tha deuh hlekah kan lo dah tha ve a. Chungte pawh chu hria in, keini pawhin kan tum dan pawh a ni reng a, pending bill tam tak hi hemi chhung hian kan pe chhuak a ni. A kum ngau ngau chhung, a finacial year khat chhunga expenditure kha khami chhunga damlo te enkawlina kha a ni lem lo a, a then chu kum hnih kum thum lai lo pending tawhte a awm a. Chungte avang chuan pawisa kan nei thei dawna hriatna avangin an rawn thehlut a, kan theih ang angin Finance lam atanga kan lo pek belh thin avangin kan engto, hemi MR bill sang lutuk kan engto-na, tih tlem kan tumna lama Committee hialte pawh dina khatia kan ti chung khan a senso takah chuan pending billte kan pek chhuah tam tak avang hian a tam chho tial tial a. Kuminah phei chuan cheng nuai 11267 lai a lo nih phah ta a, kha khan a sawifiah theiin ka ring a.Tin, zawhna neitu bawkin, “Engatinge ka zawhna chhanna 2016-2017 leh tun ami hi ava inang lo ve ? Tun ami hi a tlem ta daih mai zawk a. A hmam nuai singkhat a pel si a” tih kha heti mai hian ka hre thei lo a, mahse rinthu angin a chhan loh theih loh a. House chhanna nimahse ka rin dan chuan, hemi kan chhan laia kan figure hi financial year kal mek a nih ve bawk lai a nih chuan tuna kan chhan pawh hi he figure hi hei ai hian a tam thei in a tlem thei tho bawk a.Tin, MR bill sang

lutuk kan engto tlang a, chumi atan chuan dik takin kan tih theih nan tia Cabinet pawhin min rem tih pui kha, Committee pawh siam a ni a. Chu Committe ang chuan The Mizoram Health Care Society din a ni tawh a. Chumi Committe dina chu tun kum April ni khat atang hian hna an thawk tan ang a. Chu chuan MR bill lo kal an lo en dik dawn a (SPEAKER : Question hun a tawp tawh a, mahse han sawi zo rawh le, sawi zawh kha phal sak ila) Ka lawm e, Pu Speaker, khami an han endik tawh kha chuan a tlem phah deuh te pawh kan ring a. Tin, Dr. K Beichhua rawn zawh belh family declaration chungchangah pawh khan khang te pawh kha chung ho chuan an endik leh chhawn bakah kan kalphung hrim hrimah a dik lo ti lo turin, dik taka ti turin sorkar pawhin mahni department theuhah tih leh zual kan tum tawh dawn a ni. Chu chu Health Care Society kan tihina hma a lakna tur hi hmanni khan Finance department atangin tun thla March ni khat khan tih chhuah a ni a, April ni khat atang hian khami Committee kha, kha Society kha, a ding ang a, chu chuan kan medical reimbursement hi department tin a endik tawh dawn a ni, ka lawm e.

S P E A K E R : Tunah chuan thil dang kan tih leh hmain special mention Pu Ruatkima'n a ti lut a. MZP ten Zoram Khualbuk sak an tum chungchangah a pawimawh em mai a, kan phalsak a, amah i sawm ang. Mahse hun hman rei suh, chhiar chhuak mai rawh aw i ziah sa kha.

Pu LALRUATKIMA : Pu Speaker, ka lawm e. Kan dan leh kan practice-ina kan tih thin angin special mention, zero hour kan tih mai kha nimin lamah ka dil a (SPEAKER : Kan danah kan nei lo....) Practice-a kan tih angin ka ti a nih kha. Practice-a ka dil angin min phal sak a, (special mention erawh kha chu a awm a nia kan danah khan) lawmthu kan sawi hmasa ni sela. MZP ten Mizoram chhung Bairabi Zophaia Pu Ch.Chhunga ex-CM leileta a nupui Pi Rothangi'n ram a pekah Zofate Chawlbuk February ni 27, 2018-a an sak chu Assam Police leh Forest Department lam mi nia hriat ten an sak zan la la-ah an thiat ringawt mai a. MZP te chuan Zofate Chawlbuk hi sak that leh ngei ngaia hriain March ni 8, 2018-ah hnattlang an ko ta a. Hetih lai hian helai hmunah Assam magistrate leh Assam Police-te ralthuam famkim nen an lo inkulh rup mai a ni. MZP ten in sak leh tuma ban an phun mek lai chu Assam Police te chuan an thiah sak leh ta zel a. Chu mai chu duhtawh loin Assam Police ralthuam keng zawkte chuan zirlaite chu tianga vua-in kut an thlak ta chiam mai a ni. Boruak a muanawm loh tak em avang chuan March ni 10, 2018-a sak chhunzawm leh mai turin thutlukna an siam ta a ni. March

ni 10,2018-ah chuan In sak tuma zirilaite hnatlang tura thawk chhuakte leh chanchinbumite chu Assam Police-te chuan tiang leh hmanrua hmangin kut an thlak nawn leh ta chiam mai a, chumai chu duhtawh lovin silaiin an kap ta vak mai bawh a ni. MZP hnatlang zing ami te chu silaia kah hliam an ni a, vanneihthlaktakin nunna chan em an awm lo hlauh a ni. Tiang leh hmanraw dang hmanga Assam police-te chetna avanga zirilaite leh chanchinbumi tam takin hliam nasa tak an tuar bawh a ni.

Mizoram chhungah Assam sorkar chuan sec 144 CRPC puangin Magistrate nenrawn thawk chhuakin ramri kana dan bawhchhiaa thuneihna an rawn lek ringawt mai hi Mizote min tham loh zia lantirna a ni. He thil thlengah hian Assam Police-te hian MZP hnatlangte chauh hi kut an thlak lo a, Mizoram media/journalist-te he thil thleng a hmuna enfiatute pawh zahpahnai nei hauh lovin kut an thlak hi hriatthiam a har hle a ni. Mizo an hmuh apiangte an vaihma vek mai te kha pawh kan ti tak zet a, hetiang hi thil awm dan a nih avang hian Assam sorkar hmalak dan leh chet dan hi thenawm state-te hmuhsitna leh diriamna a nih avang hian an demawm tak zet a. Hliam tuarte kan tawrhpuin an inenkawlina senso hi sorkar-in pe ngei se ka duh tak zet a ni. Pu Speaker, hetih lai hian Congress Legislature Party resolution-in (i phalnain kan chhiar belh leh ang a) wawin March ni 11, 2018, Pathianni chawhnu dar 3 atanga zan dar 7 thlenga an leader Chief Minister Pu Lal Thanhawla hoa CM Conference room-a CLP emergency meeting chuan lungual takin resolution a pass. Mizoram chhung Pu Ch. Chhunga rama Zofate Chawlbuk sak tumna hmun hi zanin Chawlbukni zan la la hian Mizoram Police ten luah nghal se CLP chuan a duh a. Zofate Chawlbuk hi sak a nih ngei theihna turin sorkain hma la nghal se a ti bawh a ni tih kha kan hre leh a. Tin, Pu Speaker, hetiang hi thil awm dan a nih mek lai hian namin Khan Kolosib District leh Aizawl District Magistrate-te chuan CRPC 144 leh 188 IPC hi an puang ringawt mai a. Hetiang hi hriatthiam a har hle mai, tu thu pekin nge he order hi siam a nih tih hi kan zawhna a ni lo thei lo a ni. MZP avang hian Zofa tlang hrang hranga awm ten dam leh tlang khatah, thih leh ruam khatah an ti thei ta, a ropui hle mai! Wawinah chuan Mizo ten hmuhalh tur ram kan la neih zelna tura he hnam tana martar Lalnu Ropuiliani te, pasaltha Khuangchera te kaithawhin an lo awm leh ta.

Pu LALRUATKIMA : Pu Ch. Chhunga Chief Minister hlui, mi huaisen, daido ngam hruiatu ropui kan nei a, a lakah erawh zirtur kan nei. Kan nula leh tlangval te thinlungah hnam hmangaihna a rawn thar leh a, he hnam hian

chhantu val rual leh mi huaissen a nei hi kan chhuang in kan chawimawi a ni, “I ram chhana hma in lakna ah hian khawvelin a dem ngai lovang che u, Pathian in a hruai zel dawn che u a ni”.

Hetiang hi kan ram dinhmun a nih avang hian Assam ramri chingfel thuai turin kan sorkar hian hma a lak vat hi a ngai a. Kan ram leh mipui te humhalh a, mipui thlavang hauh kawng ah leh venhim kawng ah tun aia nasa leh zuala sorkar hian hma a lak a tul hle a ni.

Pu Speaker, kha kha a ni a, hun min pek avangin ka lawm hle a. He thil hi House-ah hian sawifiahna lam ala awm lova, chuvangin hun tha tak kan nei a, rem i tih pheii chuan he House-ah hian sawi hova, sorkar lam atang pawhin thil awm dan zawng zawng te, CRPC section te, IPC section hrang hrang te puan a nih a, Law & Order keng kawhtu te hi ministry-in a hriatpui reng em ? Engvanga lo puang ngawt nge a nih? Tunge hetiang instruction leh direction lo pe tu tih te pawh hi sawifiah a ngai hle in ka hria. Burning issue a ni a, kan tawrhna te, kan nula leh tlangval te thisen hial a chhuak a, hma lak na a la awm si lova. Chutihlai chuan CLP hmalakna te kha eng chen nge kan thlenpui tawh le ? Zofate Chawlhbuk sak hi enge kan dinhmun tih te thleng khan kan sorkar lam te pawh hian thu han chhuah emaw, sawifiah emaw, sawiho emaw hi a tulin ka hria a, chungte chu ka’n sawi tel a ni e. Ka lawm e.

S P E A K E R : Special Mention hi a tlangpuiin sawiho a ni ngai lova, in han sawi chhuak a, a pawimawh em avangin phalsak a ni a. Amaherawhchu, zawhna engemaw a han awm tak ah chuan Mizoram mipui ten an vei ber a nih avangin sorkar lam atanga chhanna Home Minister-in pek a duh chuan hun han hawng zawk ila a tha ang.

Pu VANLALZAWMA : Pu Speaker, min lo hrethiam la. Special Mention a nih vang ni lovin he issue hi a pawimawh khawp mai a, kan hre tlang vek a. Hei hi he House zahawm tak ah hian sawihona hun i siam thei em?

S P E A K E R : A theih tawh loh chu chu. (Interruption – Pu VANLALZAWMA : a theih loh tih ringawt kha a ni thei lo, special mention-a a luh vang ni lovin a pawimawh em avangin sawiho kan rawn dil a ni, i veilam ami ten, chu chu kan rawn

dil a ni).Sawihon tur chuan Motion dang a luh leh a ngai si a. (...interruption). Home Minister-in sawi tur a neih chuan han sawi phawt sela.

Pu R. LALZIRLIANA, MINISTER : Hetiang Special Mention-a awm hian a changtu Minister te hian engemaw sawifiah tur an nei em tih te hi hrilhlawk an ni thin a, tunah hian min hrilhlawk lova. Amaherawhchu, hriat loh tur a awm chuang lova, ka'n chhang tho ang e. Pi Rothangi w/o Pu Ch. Chhunga kan Ex-Chief Minister leh kan Chief Minister hmasa ber nupuiin Zofate Chawlhbuk tur sakna atan ram a pe a, chutah chuan kan nau te, MZP ten sak an lo zuk tum a. An tum hmasak chuan police kan ven tir a, police venna hnuaiah tha takin an sa a, an hawn hnua, zana rawn thiah leh a ni a. Chumi an thiahna ah chuan duty post an rawn sa ve leh nghal a. Mahse, kan nau ten a tukah an va thiat ve leh nghal a, kan MZP unau ten a ni ang. Chutiang chu thil awmzia a ni a. Tunah hian hnam hnatlang tih te, waviin hian eng eng emaw ti leh tura in ruahman an ni a. Amaherawhchu, sorkar-in ngun taka a han ngaihtuah khan hetiang a tih leh hi, "Tunah pawh Assam police kut in tuar a, kan lainat em em che u a, amaherawhchu, hei hi chu ka office-a leng tura ka sawm che u a, zawlnei chu ka ni lo na a, tunlaia ka sawi zawng zawng hi a dik chho vek a, in chungah pawh thil lo thleng tur kan sawi kha in hre sa a, khatiang huama ram chhan nan a kal in ni a, in ngaihsan awm khawp mai a. A vawikhatna ah kha chuan kan han veng che u a, amaherawhchu, Assam sorkar-in kan sorkar min dem em avangin (hetah hi chuan status quo maintain tura tih a ni a) a zuk provoke tu zawk kan ni flat mai a, kan tih dan hi chu a zuk foul zawk kan ni em tih te kha ngaihtuahna kan nei a, chuvangin ti tawh lo ula ka duh khawp mai" ka ti a. Tichuan, thingpuite hlim tlang takin kan in hova, an ti tawh lo turah ka'n beisei a. Bairabi khawtlang pawhin nasa takin an ngen a, "Aizawl atangin ram in rawn vei a, kan lawm khawp a, amaherawhchu, in tlan hawng leh daih a, a tuartu chu keini hi kan ni thin a ni, all NGO te pawhin an tih che u kha, chuvang chuan khami behchhan khan in thil tih hi chu call-off mai teh u, khawngaih takin" tiin kan naute thingpui ka in pui a. Amaherawhchu, an kal ta a, an kal dawn pawhin kan in thlah a, "in zuk kal leh a nih pawh in kan police te chu kan ven tir thei tawh lovang che u. Assam sorkar-in min dem tak zet a, chuvangin nangmah niin in va sa thei a nih chuan a tha khawp ang chu. Amaherawhchu, Mizoram police te nena in innawr ang ngawt kha chu a ni thei tawh lovang tih ka ring a, state dang police te chuan dimdawihna awm miah lovin in chungah thil an lo ti a nih pawhin nangmahnin in hriatthiam a ngai ang" tih

te kan sawi thleng vek a. Chutiang chuan an zuk ti leh a, thil duhawm lo tak a lo thleng ta a ni.

Khulai Assam sorkar thu petu te leh police te pawh kan dem em em a ni kan sorkar hian. Khatianga zirlai pawl sawi lo an lo bei a, an nawr let dawn a nih chuan silai-a in kah nghal tur kha a ni lo reng reng. A hmasa in tear gas te an hmang ang a, au rin na nen ‘tunah kal kiang rawh u, tiang ang chuan kan ti dawn a ni, ti ten an au ang a, chumi hnuah an bei tur a ni a. Chutiang ni lova hetiang a an han ti ringawt hi kan lungawi loh lantir nan Union Home Minister-ah kan Chief Minister zahawm takin ni 12.3.2018 khan lehkha a thawn a. Chutah chuan dan lova hetiang a Assam-in thil an ti hi kan lungawilo tak zet a ni tih te a zuk hrilh a. Niminah khan Union Home Minister zahawm tak Pu Rajnath Singh-an a rawn chhang ve nghal a. Engpawhnise a hma khan D.C leh D.C te inbia sela an ti tawh a, chutiang tur chuan a hma thei ang berin ni 15.3.2018 hma in D.C leh D.C te hi in hman hun remchang kan hre lova, keini chu ni 15.3.2018 hma hian engtik hunah pawh kan hman a ni tiin, a ni han fix dawt kha a chi loh a. Sorkar hrang kan nih avangin an convenience date ngaihtuah pui ve te a ngai a.

Tahchuan a ni kha an rawn sawi tak loh avangin hei chu Chief Secretary level law law ah sawi ni rawh se tiin lehkha thawn leh vat tur a nih hi, hetiang a official DC level-a in biak tih vel hi chuan ko ri a tu lo vang kan ti a. Chutih lai tak chuan Union Home Minister-in kan Chief Minister lehkha a rawn thawn chho leh a, ‘kar lelah Chief Secretary te ve ve in bia sela,’ a rawn ti a. A rawn tih hnuah a dang chu sutna pawh ni lovin ni 20-ah hian Assam Chief Secretary leh Mizoram Chief Secretary helai chungchang sawi tur hian Delhi-ah a ko thla a ni. Chutiang chu thil tih dan a ni a, ‘a tul chuan thil dangah pawh kan inrawlh zel ang a, a tul chuan state Chief Minister ve ve te pawh an in biak hi remtih sak a ni,’ a rawn ti tel nghe nghe bawh a ni. Kha kha thil lawmawm tak a ni a. Tin, han sawi fiah ve deuh hlek a ngaih avangin special mention-a kan ngaihtlak ang khan Chief Minister zahawm tak Bangla-a Conference Room-ah CLP emergency meeting kan nei a, kan thinrim em em avangin helaiah hian buk hi sak ngei tur a ni kan ti a. A hma chuan disputed area a ni a, status quo maintain a awm tur a ni tih kha ka dinna a nih lai khan engpawhnise khatianga Assam sorkar Police ten an rawn chet takah kha chuan kan vaiin kan thin a ur tlang a. Helaiah hian Chawlhbuk sak tur a ni tih resolution kan

passed a, Chief Minister zahawm takin min approved a. Khulaiah khuan engtik niah emaw chuan Zofate Chawlbuk hi sak ngei kan tum thu kan sawi a ni.

(Pu LALRUATKIMA : Pu Speaker, khalaiah khan lawk, khawngaihin min lo hrethiam se, Zofate Chawlbuk hi sak ngei a nih theih nan sorkarin hma la zui nghal se, 'nghal se' tih a nih avangin engtik niah emaw tih kha chu a va rei awm ve mawle! Nghal se a tia lawm mawle! I kawr lei tur chu a tial awm em mai tih ang vel a ni)

Ni e, kan hmanhmawh dan hi a inang lo deuh a, engpawhnise, hma kan la nghal char char a, tihian kan la kal zel a, a ni leh thla pawh a la ral em lo va, tumah la in dem lo phawt ila Pu Ruatkim, a mawi zawk ang. A sarhu laia thil tih hi a fin thlak loh maithei, huaisen tur chuan fin a ngai a, boruak sarhu laia hetiang tih buan buan hi thih te a hlauhawm a, politics advantage tumahin helaiah hian lak loh a tha kan ti a. Tin, MZP President pawhin political party ten min rawn be nasa lutuk a, min be leh an awm chuan kan puang tawh ang te pawh a ti hial a ni. Political party te hian an lo be nasa lutuk a, a lu a hai deuh aniang, khatiang te pawh kan ngaihtlak tawh kha. Chuvangin sorkar ngaichanga MZP ten vawiina Zofate Chawlbuk an sak tur an han thulh leh hi lawmawm kan ti a. Niminah all party leh all NGO meeting Chief Minister-in hemi chungchangah hian a ko a, all NGO-ah khan MKHC telh a ni ve hrim hrim a, an lo tel ve baw k a, Kohhran hruaituten min rawn ho va, kan lawm khawp mai, chutah pawh chuan ngaihdan fel tak kan nei nghe nghe a ni.

Tichuan, helaiah hian in rawn sawi tak, in thin tirimtu leh kei pawh ka thin tirimtu a awm a ni. Sorkar thu chhuakin, Chief Minister remtihnain khulaiah khuan Chawlbuk sak ni rawh se kan ti a, a buk sak ni tur takah 144 CRPC, DC ten (an thuneihna a ni tih ka hria) an lo puang a, khang kha an tih turah ka ngai lo reng reng. Chuvangin, sorkar kha an rawn tur a ni, Home Minister ka nih angin min rawn rawn ve tur a ni, thil thleng thei a awm. IAS ho hi, central ta an ni a, mahse kan state hnuaia thawk an ni a, hetiang an ti dawn a nih chuan Congress Legislature Party-in lungrual takin a passed a, Chief Minister-in a approved tawh a, hei hi in zah lohna nasa tak a ni. Hetiang hi chu kan ramah hian thleng tawh lo se ka duh khawp mai. Chu chu in mi rawn vui puina kha kei pawh ka vuina tak a ni, tha ti an awm pawh ka ring lo, chu chu kan sawi belh duh a nih chu, a rei ta mah mah awm e. Ka lawm e.

Pu VANLALZAWMA : Pu Speaker, khawngaihtakin. Kan Home Minister kha inpuahchah hman lovin i sawm a, a lawmawm khawp mai, tha deuhin a rawn sawi a. Amaherawhchu, a sawi leh boruak atang khan he thil hi he House hian a ngaih pawimawh a, kan sawiho hi a va tul em! I hre vek a, Parliament-ah pawh hetiang issue pawimawh a awm hi chuan Parliament Session business kal lai zawng zawng dahin an sawiho thin a ni. Chutiang chuan i sawiho ang u, engatinge Home Minister pawh rawn lo va khatiang thil kha an lo tih? Chutih laiin ni 20-ah CS an ko thla a, Home Minister-in khulam central-ah CS an ko thle a, engnge a sawi dawn? Kan ram te kha a lo zuk hlep thla vek a nge ? chuvang chuan hei hi i sawiho ang u, House hi kan in lungrual dawn lawm ni hemi chungchangah hi chuan. Khawngaihtakin, kan business dang te dah tha in hei hi i sawiho ang u. Dan lo pawh a ni lo, i hre vek.

S P E A K E R : Ka sawi ve tawh ang aw. Special Mention hi Parliament-ah pawh khan kan Leader hian a hria a, South Hlimen a min a, mi tam tak an thih tum khan, a tukah Special Mention Rajya Sabha-ah kei pawhin ka siam a ni. Khami siamah khan tumah kan hriattir lo va, ka siam tawp a, ka siamah khan member zawng zawng ten min lo pui lovin thuthmun atang khan ka ti a, khuta kan tih dan thin chu i hria a, associate an lo ti vek a, min pui tur a nia, khami House sawi dan atang khan, an rawn associate ve dan atang action sorkar department concern khan action an la mai a ni. Minister concern an ko lem lo, an vote lem lo. Amaherawhchu, vawiin hi keimahni kan tlem leh purview a inang lo deuh a, kan special mention pawm dan kha a inang lo deuh (**Pu VANLALZAWMA** : Pu Speaker, khawngaihtakin, special mention chu a kal tawh, a kal liam tawh, khami lam kha ka ti lo, he issue hi i sawi ang ka ti mai alawm) Ka sawi dawn alawm. Special Mention-ah chuan sawiho a awm lo va, mahse, zawhna a rawn siam avang khan kan chhan tir a ni mai a. Khatiang tur kha chu hria ila, Home Minister kha information kan pe em em ang, pek nachang kan lo hre lo leh khatiang zawnga kan lo ngaihtuah loh avang khan, Chuvangin Home Minister ngaihnathiamna pawh kan mamawh a. Amaherawhchu, sawiho tur chuan special mention atangin a sawiho theih loh reng reng. Khami ni tawh lo kha tunah a rel thluk mai theih loh, i hria alawm. A nih leh a dangin motion rawn pulut ula, kan pawm leh pawm loh chu thuhraan ni se. Motion dang emaw, lehkhaw dang emaw, heta rawt chawp mai kha a ni tawh a, kha kha chu tunah hian Chairman nihna atang chuan a tih thluk theih mai loh

ka tihna a ni, lo hrethiam ula (Pu K. SANGTHUAMA : Pu Speaker, he thil hi a pawimawh em mai a, House-ah kan in nuai nek ang tih lam a ni lova, kan zavaiin tan rual theihna kawng kan hotuten an rawn dap zawk a ni a. Hengah hi chuan thukhat vuaa sawiho kha a tha ang.

S P E A K E R : Lo thu rih rawh, khawngaihin. Tlawmngai la, lo thu rih rawh. Speaker din laiin an din khalh ngai lo. Chu chu a hrechiangtute in ni.

Pu LALRINLIANA SAILO : Pu Speaker, rawtna ka'n nei teh ang. I duh dan zawng tak a nih ka ring.

Ka rawtna chu, tuna Opposition hoin an sawi kha a dik a. Keini pawhin kan vei tlang a, a inangin ka ring a, kan vei chin pawh. Chutih rualin tunah hian, hei kan Business pangngai hi pahnih chauhin min dang tawh a, Laying of Papers 2 a awm a. Chumi dawt lehah chuan i veilam ami ten an duh ang chiah khan, "Discussion on Motion of Thanks" ah hian eng department pawh a sawi theih ta a. Tah hian duhtawkin thu kan sawi dawn a ni. Kha kha min hawn vat zawk la, duhtawkin i sawi tlang mai ang u.

S P E A K E R : Speaker sawi tur te kha min sawi khalh a, a lawmawm e. General Discussion kan nei dawn a, Budget Session kan neih hi engkim sawi kha a thiang, in zalenna a zau lutuk. Chuvangin rawtna dang a awm a tul lova. Budget Session hian in duh zawng zawng sawi theihna, zalenna zau tak a pe che u a ni. Eng subject pawh in sawi a thiang. Chutah chuan tawp san rih ila, khawngaihin, business dangah kan kal thei ang.

Tunah chuan Laying of Papers-ah kan kal ang a. Pu Lalsawta, Minister zahawm takin House dawhkanah "A copy of Economic Survey, 2017-2018" hi rawn lay sela, amah i lo sawm ang.

Pu LALSAWTA, MINISTER : Pu Speaker, i phalna leh he House remtihna in "Economic Survey, 2017-2018" hi he House zahawm takah hian rawn lay ka tum a. Ka lay hmain hemi chungchang hi kumin kan budget leh kum kal ta te atana figure pawimawh tak tak awmkhawmna a nih avangin tawi te han sawi ka duh a. Pakhatna ah chuan, Economic Survey, (a buin nakinah member zahawm takten an la hmu ang a) hi department zawng zawng huama sawrkarina a hmalakna te, hmalak a tumna te leh thil chipchiar tam tak a fun a. A tangkai em em a. Department zawng

zawngte tan hman tangkai tur a nih bakah Research Scholar te pawhin an hman atan thu rintlak a ni a. Tin, kan GSDP, kan hmasawna tehna ah pawh hian NITI Aayog pawhin state te ho zingah titha berah te min lo ngai vein India ram pumah pawh 4-na lai kan lo ni ve a. Gujarat te, Jharkhand te, Tripura te, Mizoram te kan ni. Hetah hian kan tel ve a. Hengte pawh hi House member ten information tha takah min lo pawm sak ka beisei a. Tin, nikum July ni 10 khan NITI Aayog baw, Planning Commission rawn luahlantu i ti mai ang, ah hian Chief Secretary zawng zawng an koh khawmna ah presentation siamin Mizoram economic-a kan than dante an han sawi hian kan thanna rate 9.35% a ni a. India ram hi a pumpui, aggregate/average a lakin 6.75% a nih laiin. Chuvangin kan NLUP te, NEDP te leh hetiang kan hmalakna avanga kan ram rorelna, sorkar, governance hrim hrim that vang te pawh a ni ve ang chu, chung angah chuan hma kan sawn a, khalai te kha a bu chhungah a awm vek a. Tin, per capita income ah hian India average-ah mi pakhat i ti mai ang, chhungkaw khat te pawh a niang chu, ₹ 1,03,219 a nih laiin hei hi kan khum a. Per capita income-ah hian ₹ 1,25,107 lai kan ni baw a.

Tin, he lehkhabu vawiina ka rawn lay tur hian a fun telte zinga pawimawh tak chu, Health Care lama malnutrition, eitur tha hmuh loh vanga harsatna (mi rethei bik te pawh a ni ngei ang a) heng atana harsatna tlemna ber hi Mizoram kan lo ni tih pawh kha a rawn tarlang tel dawn a. Tin, NITI Aayog leh World Bank te nena Health Index an tih ah small states te zinga pakhatna kan ni tih te pawh kha a bu chhungah hian a lang a. Hetih lai hian thil tihsual pakhat, phok 5-na velah khan a awm a, chu chu (tunlai chuan computer software-a dah luh thin a nih avangin a format lo inmillio ah khan tihsual palh a awm a) pawh kan ti khawp mai a, correction te pawh kan la siam leh ang a.

Engpawhnise, Pu Speaker, i phalna leh he House remtihna in “Economic Survey, 2017-2018” chu he House zahawm takah hian ka rawn lay e. Ka lawm e.

SPEAKER : A copy kha sem ni se. Pu H. Rohluna, Minister zahawm tak Audit Report House dawhkana lay turin i sawm ang.

Pu H. ROLHUNA, MINISTER : Mr. Speaker Sir, I beg to lay on the table of the House a copy of separate audit report of the Comptroller Auditor General of India on the accounts of The Mizoram Khadi and Village Industries for Aizawl for

the year ended 31 March 2010; 31 March 2011; 31 March 2012; 31 March 2013 & 31 March 2014. Thank you, Sir.

S P E A K E R : Awle, a copy kha sem leh nise.

Le, tunah chuan business dangah kan kai thei ta a. “Discussion of Motion of Thanks” kan la ang a. Sawi tur kan ngah hlawmin a lang a. Minute 10 mi pakhatin chang ta ila, a rei lutuk ang em? A nih minute 10 ti ang aw. (Dr. K. BEICHHUA : Pu Speaker, minute 10 chu a tlem lutuk ang a. MLA kan nih tawpna te pawh a ni ang a....) A lawmawm e, minute 20x40 chu, ngawi rawh. 20 sawi tur nei lo te pawh kan awm ang a. Chuvangin minute 10-ah ti ang aw.

S P E A K E R : Tunge sawi hmasa ber ang? Minute 10 ti ang. Minute 10 pawh hi rei tak a ni thusawi nan chuan. Awle, Pu Zothangliana.

Pu H. ZOTHANGLIANA : Pu Speaker, ka lawm e.

Motion of Thanks puluttu ka nih avang khan ka han phar hmasa ngawt mai a ni a, ka ti dik ang chu maw. Kan Governor zahawm takin he House a address-na kan ngaithla a nimin lamah khan. A thusawi ah hian lawmthu sawina tur hlir a ni mai a. A zavai phei chuan kan sawi senglo ang.

Engpawhnise, nikum kum liamta kha Mizoram ruahtui tam sa na takah pawh ruahtui tam zual kum ber niin ruahtui tlak dan pawh a mumallo em em a ni tih kan hria a. Chu chuan mipuite tan harsatna tam tak a thlen a. Chuti chung chung chuan kan Governor hian Mizoram sorkar chak takin a mipuite mamawh hrang hrang tha taka a phuhruk chhoh zel dan te chiang takin a hmu a ni tih min tarlan sak a, thil lawmawm tak a ni.

Heng harsatna tam tak karah hian a bik takin buhfai leh essential commodities kan tih hrang hrang te supply chungchangah Zoram in harsatna lian tham a tawh miah lo te hi a enkawltu kan Minister te leh anmahni puibawmtu sorkar hnathawkte an fakawm tak meuh meuhin ka hria a ni. NLUP chhunzawmna NEDP, (New Economic Development Policy) sorkarin tha takin, chak takin a kalpui mek a. Nikum 2016-2017 atanga tanin 2017-2018 chhung hian hmalakna hrang hrang atan NEDP hnuaiah sorkar chuan ₹ 1027 crores ngawt mai a hmang mek a ni a.

Heng pawisa hmang hian NLUP-NEDP convergence kan tihah kumin chhungin chhungkaw 16,000 lai tanpui an ni tan leh mek a. Nikum khan chhungkaw 1500 tanpui an ni tawh bawh a. A hma a mi te nen heng zawng zawngah hian NLUP hnuaiah ngawt pawh tanpui ngaite tanpui nan tun sorkar hian nasa taka hma la in chhungkaw 1,75,000 vel zet tanpuina dawn tir an ni mek a ni. Agricultural Link Road te, Agricultural Growth Centre lian leh tha tak mai chhawrnahawm tak tur te hma mek a ni a.

(SPEAKER : Kan inthlak rih lawk, khawngaihin)

(DEPUTY SPEAKER : Le, chhunzawm rawh le.)

Pu H. ZOTHANGLIANA : Pu Deputy Speaker, ka lawm e.

NLUP tha taka kalpui a nih avangin Jhum area kan tih, tlang lo neih area pawh hi tun kum 6 kalta chhung khan 31.37% zet in a tlahniam ta a. Chutih rualin a area tlahniam mahsela a production, buhbal tharchhuah erawh chu nasa takin a pung thung a ni. Hengte hi UNO meuh pawhin min hriatpuiin joint venture te pawh min rawn neihpui a ni a. Chung kan joint venture te pawh a hlawhtlin a zarah chuan tunah hian hmalakna chhunzawmna turin ruahmanna tha tak tak te pawh UNO hian kan ramah min neihpui mek a ni a. Thil chhinchhiahtlak tak, lawmawm tak a ni.

India ram president Shri Ram Nath Kovind chuan 29th November, 2017 khan Basic Services to Urban Poor (BSUP) kan tih scheme hnuaiah chhungkaw 1096 chen theihna tur In, dwelling unit kan tih te min hawnsak bawh a. Tin, sorkar laipui pawhin a ngaihpawimawh em em thianghlimna kawngah tha takin, chak takin state sorkarin hma a la mek zel a. Kum 2019 kum tawp ah hi chuan Mizoram hi 'Cleanest State in India' a nih theih hial pawh a beisei ngamawm ta a ni.

Asian Development Bank hmangin hmasawmna ruhrel hrang hrang buaipui a, thanchhohna tur kawng te hma chhoh mek zel a ni a. Heng hnuaiah hian water supply te, Aizawl khawpui bikah sewerage leh solid waste management te pawh kalpui mek niin heng ruahmanna hrang hrang atan hian ₹ 698.17 crores lai dah a ni bawh a ni.

Tin Pu Deputy Speaker, AH & Vety. Department hnuaiah bik pawh hian NEDP (New Economic Development Policy) hmangin kan rama tha duh tak mai kan

hman tangkai em em tur Vaimim, chhungkaw 500 a bika chintir an ni dawn a. Hei hian Vaimim metric tonne 10,000 vel lai a tharchhuak thei tura beisei a ni a. Tanhrila 'Animal Feed Plant' kan tihah hian kan farmer te mamawh phuhrukna turin thla tin metric tonne 480 siamchhuah theih kan beisei mek baw a ni.

India ram pumpui thlir pawhin state te te zingah hriselna kawnga kan hmalakna a tha a. Chu chu NITI Aayog meuh pawhin tehfungrang hrang min tehsak pawhin a tha ber, fakawm ber, chhuanawm berah min puansak hial a, kan lawm hle a ni. Hengte avang hian National Health Mission hnuaiah pawh pawisa kumin atan hian, kum lo thar leh tur atan hian nasa taka pek belhin kan awm mek baw a. Kan hmalakna a tha a ni tih a lanchianna pakhat chu Mizorama puitlingte zingah zuk leh hmuam, vaihlo hmangtute 67.2% atangin 58.7% ah kan lo tlathla ta te hi thil chhuanawm tak a ni.

Electric lamah pawh kan hmalakna a tha a. Tuirial Hydro Electric Project te pawh peihfel a lo ni ta in India ram Prime Minister meuhin min rawn hawnsak a ni a. Tuivai Hydro Electric Project, 210 Mega Watts lai tharchhuah theihna tur pawh NEEPCO te nena MoU sign felin hna tan mai tur a ni baw a ni.

Open Defecation Free, ODF kan tih, dai a inthiarna awm tawh lohna hmun tiin Aizawl te, Champhai leh Kolasib leh Serchhip District te chu puanfel theih niin puanfel a lo ni ta a. Kan hma lawkah hian Siaha District leh Mamit District te pawh final verification tihfel a, puan mai theih beiseiawm an ni a. Kumin 2017-2018 kum tawp, March thla tawp lamah hi chuan Lunglei leh Lawngtlai District hmabak la awmchhun te pawh hi ODF a puan mai theih kan beisei mek a ni.

Greater Aizawl Water Supply Scheme Phase-II te pawh he sorkar hnuaiah hian chak taka tihchangtlun a kalpui chhoh mek zel a ni te hi mipui tan a thlamuanthlak hle a ni.

National Food Security Act India ramah hman a lo nih takah hian, kan Minister chak leh fel tak, remhre tak Pu John Rotluangliana leh a thawhpuite thahnemngaihna, inpekzawhna zarah buhfai mana thla tina sorkarina kan senso pawh a lo hniam thla ta duai a. Thla tin ₹ 94,21,000 emaw lai kan lo hum thei ta a ni. Buhfai dahna kudam 17, a thar tha tak tak, lian tha tak tak sak a ni a. Kan hma lawkah hian NABARD sum hmangin ₹ 32.68 crores zet sengin kudam thar 27 lai

sak a ni dawn bawk a ni. Special Plan Assistance leh Special Central Assistance sum hmangin Serchhip-ah Educational Complex sak zawh tawh a ni a. Educational Guest House-cum-Training Centre, Lunglei-ah sak zawh tawh a ni bawk a. Tin, Education Centre, Treasury Square, Aizawl-ah kumin 2018 chhung hian sak zawh hman beisei a ni bawk a ni. Teachers Education Complex, Lunglei atan hian NLCPR atangin ₹ 10.4 crores sanction hmuhfel a ni tawh bawk a ni. Higher Education lamah pawh kan state sorkar hmalakna a chhuanawm khawp mai. Higher Education tih changtlunna atana central sorkar in scheme a siam thar RUSA-ah hian kan titha hle a. Mizoram hi northeast pumpui ah a titha ber, best performing state kan ni a. India ram pumpui thlir pawhin a titha ber state te zinga chhiar tel kan ni bawk. College hrang hrang, college 21 laiah classroom building te, seminar hall te, laboratory building tih te, laboratory te, mamawh hrang hrang sak a ni a. Chung mai bakah chuan Pukupui, Lunglei hmunah Mizoram Engineering College changtlung tak mai May, 2016 atang khan sak tan niin tun March, 2018 tawpah hi chuan sak zawh mai kan beisei mek bawk a ni.

National Council of Teachers Education hian thil lawmawm tak mai chu (District Institute of Education and Training DIET) Aizawl leh Lunglei te hi B.Ed zir theihna atan minrawn pawm fel sak ta a, kum 2018-2019 academic session atang hi chuan heng hmunah te hian B.Ed zir a nih theihna turin Mizoram University pawhin provisional affiliation pawh minrawn pe fel tawh bawk a ni. Rehabilitation Council of India, RCI chuan khaw hmuh leh bengah hriatna lama harsatna neite tan B.Ed special taka zir theihna turin SCERT, Aizawl hi min lo pawm fel sak ta bawk a. Hei hi India ram hmarchhak pumpuia a awmchhun a ni nghe nghe a ni. Kalkawng pui lama kan hmalakna te pawh a chhuanawm khawp mai. 2017-2018 chhung hian formation cutting work kan tih hi 62 km chuang zet mai thawh a ni a.

Tin, black topping pawh 18 km chuang lai zawhfel a ni bawk a ni. Lui te pawh permanent bridge kan tih tling chin ngat hi cheng vaibelchhe 103 chuang senga hmun 16 laiah thawh a, kalpui mek a ni bawk a ni.

Mizoram kan inchhuan fo na leh state dangte awh kan nihna chhan pakhat chu, law and order kawnga kan dinhmun tha tak mai hi a ni a. Hei hi thil ropui leh duhawm tak a ni tih hria in kan sorkar chuan hemi kawngah hian theihtawp a chhuah zelna azarah pawisawitute, thil tidiklo an lo awm palh thin pawhin chak takin kan

police ten chhuiin an man thin a. Chutiang chuan Mizoram hi ram ralmuang leh duhawm tak a lo ni a, vawiin thleng hian a ni mek zel a, hmalam hun ah pawh a ni zel ang tih a beiseiawm em em a ni.

Mizoram Forensic Science Laboratory hi “All India Conference of Directors of Finger Prints Bureau” ah chuan Finger Print Science-ah tihthat lamah a pahnihna a ni e tiin min lo thlang chhuak nghe nghe a, hei pawh hi thil lawmawm tak ani. Eklaviya Model Residential School kan tih te hi school tha leh duhawm tak tak an ni a. Siaha-ah te, Lawngtlai-ah te leh Ngopa-ah te sak mek a ni baw a ni. Aizawla kan training na hmunpui Administrative Training Institute hi tangkai leh tha taka hman chhoh mek zel a ni a.

Sorkar hnaa lut sa te tan “in-service” hrang hrangte, foundation course te, refresher course te, capacity building course hrang hrang te kalpui thin a ni a. Tin, elected representatives of the people kan han tih ho te leh NGO te leh helam chhawr tangkai tur mi hrang hrang te pawh an duh leh mamawh training pek thin an ni baw a ni. Mizoram-ah hian kan hriat angin Autonomous District Council pathum an awm a, heng Autonomous District Council pathum te hi 6th Schedule area tia hriat an ni baw a ni. Hengte hi an than chhoh ve zel loh chuan state pumpui hian hmasawmna duhawm a kalpui zel thei lovang tih a hlauhthawn awm a, chuvangin anni area te pawh hi ngaihpaawimawh an ni a, duhsak pawh an ni thin. Rubber Based Settlement Project an tih hmangin Lawngtlai thlang lamah chhungkaw 505 lai tanpuina pek an ni a. He project hi kum 3 chhunga zawh fel tura ruahman a ni baw a ni.

Autonomous District 3 te huam chhung ah hian sikul 49 sak thar tur a ni a. Heng zinga 20 te phe chu sak zawh fel tawh a ni baw a ni. Information and Public Relations Department-in Mizoram tana a thawh hlawk dan te, a pawimawh zia te kan hria a, an mawhphurhna zo tak, tlin tak leh hneh takin an kalpui zel te hi a lawmawm em em a, a thlamuan thlak baw a ni. He department kaltlang hian NEDP sum hmangin Upa Pawl ho te tour programme siam sak an ni a. Tunhmaa Aizawl dharshan kan tih ang chi te kha kalpui a ni a. MLA bial hrang hrang bial 40 cover fel a ni. Chubakah chuan NEDP sum hman bawkin Press mite tum 12 lai study tour-in kal chhuah tir an ni bawk.

Sainik School Chhingchhip-a kan nei hi a lawmawm tak meuh meuh va. Kan Chief Minister zahawm tak thahnemngaihna leh hmalaknain nakum academic

session thar lo awm tur, 2018-19 ah phei chuan mipa naupang mai ni lovin, he Sainik School-ah hian hmeichhe naupangte pawhin an zir ve thei dawn a ni. Hei hi India ram pumpuia a awmchhun a ni a. A lawmawm tak meuh meuh a ni.

High Court building te pawh sorkar hmasa lam hunah khan sak fuh loh a ni tih kan hria a, tun sorkar-ah hian ₹ 4624 lakhs chuang lai senga sak that tan mek a ni. Lok Ayukta te pawh thil pawimawh tak a ni tih kan hria a. Duhthusam anga tih zung zung theih a ni chiah lo na in tunah hian an office temporary deuha an luah lailawk tur te tihfel thawkhat ni tawhin an hmunhma nghet tur te pawh GAD-in New Secretariat Complex, Khatla-ah buatsaih in a pe fel tawh bawk a ni. Sports and Youth Services leh State Sports Council te leh Sports lama kan organization leh association hrang hrang te hmalakna leh thahnemngaihna zarah international level-ah te, national level-ah te, region hrang hrang level-a inelna angah te, state level-ah te pawh kan thalai, infiam mi ten hlawhtlinna ropui leh chhuanawm tak tak an paw chhuak teuh mai a, hengte hi thil chhinchhiah tlak niin chhunzawm zel thei tura theihtawp kan chhuah tlan na tur pawimawh tak a ni bawk awm e.

Hmunphiah tharchhuah hi NLUP kalpui atang khan nasa takin a pung a. NLUP kan kal pui tan atanga teh chuan a let 220 vel zetin kan thar chhuah a lo tam ta a, kut hnathawktu tam takin an that pui mek a ni. Thingtlang lam hrutin Self Help Group 3087 lai din fel a ni a. Mizoram State Rural Livelihood Mission kan tih te hi tangkai tak, awmze nei taka ram mipui te, hnathawktute, a bik takin hmeichhia te khai chhuah a, tundin nan leh tihhmasawna atan hman mek a ni bawk a ni.

Kan rama Kut pawimawh leh langsar ber pakhat chu Chapchar Kut a ni tih kan hria a. Kan hnung lawk March ni 1 leh ni 2 khan Aizawl-ah pawh ropui taka hman a ni a, District Capital hrang hrang ah te pawh hman a ni bawk a ni. Art and Culture Department chuan kan Mizo puan te hi humhalh a, vawnthat a, chawilar a ngai a ni tih hria in geographical indication emaw, patenting kan tih, neitu nihna hauh felna te buaipuiin tunah hian chak takin dan ang taka kan inhung fel dan tur kawng te ngaihtuahin hma an la mek a ni. Rural Tourism lamah pawh theihtawpa hma lak mek zel niin Champhai district-ah thingtlang khaw hrang hrang paruk ah Home Stay Scheme hi kalpui a ni a. Hei hian rural tourism lamah hmasawna duhawm tak min thlen tan nghal der mai a, a lawmawm em em a ni.

Chutih rual chuan thil pakhat, mahni bial chhung bik thil deuh a ni na in han sawi lan ka duh a, tun March ni 8 leh ni 9 khan kan Governor zahawm tak Lt. General Nirbhay Sharma ho in Phawngpui tlang bul thut Sangau khaw bul Sentetfiang khua, in 64 khua ah Rhododendron Festival, Chhawkhlei Kut kan tih chu a vawikhat nan kan hmang a. Kut hlimawm tak, potential nei tha tak a ni in ka hria a. Anthurium festival kan tih te a ropui em em rualin, Anthurium te hi chu kan rama awmsa te a ni lova, ram dang atanga chawkluh chawp, phuahchawp deuh hleka kan hman a ni a. Hengte ai hi chuan Phawngpui tlang ropui leh tlang sang hmingthang te, far park te, amah pangpar Chhawkhlei te leh kan hmanna hmun Sentetfiang, khawizu fir leh thlum tha thianghlim tak mai te nena tang hova Rhododendron Festival kan tih te hi kum dang zel ah chuan Mizoram sorkar pawhin kan tuipui a, kan ram phochhuahna tur leh tourist tam zawk kan hip luhna tur atan hmanruaa kan hman tur remchang tak te pawh niin ka hria a, ka'n sawilang tel a ni.

Pu Deputy Speaker, sawi tur a tam em em a, kan sawi vek seng lovang a, engpawhnise ITI kan ram in a that pui zia leh a hlawkpui zia, mitha tam tak min chher chhuah sak tawh zia te kan hria a, chuvangin Champhai leh Serchhip-ah te ITI sak belh mek leh buaipui mek a ni a. Tin, Kolasib-ah pawh tan thuai tum a ni bawk a ni. Kan state per capita net domestic product 2015-2016 hi ₹ 1,14,524/- lai niin a than chhoh na percentage growth rate hi 14.53% a ni a, a ropui in a chhuanawm khawp mai. UNO te nen kan thawhhona a that em avangin India ram pumpuia state ti tha zual panga te, thawhpui tlak an tih te zingah min telh ve in UN Global Environment Facility Project te pawh Mizoram-ah chak taka kalpui a ni dawn mek ta a.

Tin, IFAD (International Fund for Agricultural Development) project hnuaiah hian US Dollar maktaduai 35.75 lai nakum 2018 – 2019 chhung hian kalpui tan a ni mai dawn bawk a ni. Heng zawng zawngte avang hian kan Governor thusawi ah hian keini roreltute mai ni lovin, Mizoram mipuite tan hian lawmthu sawi sen loh a awm a ni tih hi Pu Deputy Speaker, ka rawn din pui a ni e, ka lawm e.

DEPUTY SPEAKER : A move-tu, Motion neitu a nih avangin member te hun bithliah ang kha kan ti lova, minute 20 hun a hmang a ni. Le, tunge han chhunzawm ang le? Pu K. Lalrinthanga.

Pu K. LALRINTHANGA : Pu Deputy Speaker, ka lawm e. Nimina kan Governor thusawi atang khan thil lawmawm tak tak, sawi tur tam tak a awm in ka hria a. Chuvangin a sawi hmasa pawla tan hi tha in ka hria a, nakinah hun kan chang lo mai ang tih ka hlau a, chuvang chuan sawi hma ka rawn chuh a ni.

Nikum-ah khan ruah sur rei ber, monsoon rei ber kan tuar a, chuti chung chung chuan kan Governor chuan sorkar chakna te, tumruhna te, commitment an neih dan zawng zawng te chiang takin sorkar hnathawh atangin a hmuh thu min hrih a, a lawmawm tak zet zet a. Chung atang chuan kan sorkar hian chutiang chung chuan hna a thawk a ni a. A point indawt deuh hlekin ka'n sawi ang a, a bul lam atang khan keu ta ula. No. 2-, UD & PA-ah khan kal ta ila, Shri Ram Nath Govind, President of India-in, November 29, 2016-ah Mizoram a rawn tlawh a ni. Chumi tum chuan khawpuia mirethei, chenna tur in 1,096 zet mai a rawn hawng a, a lawmawm tak zet zet a. Kan mirethei, mahni in sa thei lo ten chenna tur sorkar sak sak an han chang a, an nei thei ta hi lawmawm ka ti a. Engemaw hunlaia (a ni leh thla chu ka hrechiang ta chiah lova) allotment an han siam khan, a luah khat tur mihring pawh kan in hmu lo ni te pawhin a lang a. Sorkar-in luah sen loh (ti ang zawngin sawi ta ila a dik thei mai in ka hria a) mirethei te tan in a han sa hi ropui ka ti a, lawmawm ka ti hle a ni.

Sanitation lam atangin India ramah state fai ber ni thei turin beiseina a awm a ti a, sorkar-in hna a thawk tak tak a ni tih hetah hian chiang takin kan hmu a ni.

Power & Electricity lamah hian kal ta ila. No. 6-na ah khan Tuirial Hydro Electric Project hi 2017 – 2018 chhungin zawh theih beisei a ni tih a rawn ziah lai khan, hmanni ah kan Prime Minister chuan (zawh theih beisei a ni tih laiin) min rawn hawn sak daih tawh a ni. A ropui hle a, chhinchhiah tlak ni in ka hria. Mizoram sorkar-a India ram Prime Minister-in rinna a

ngahah zia tichiangtu a niin ka hria a. Zawh hma pawhin hawn tlakah a ngai tih kha a chiang reng mai. Chuvangin a ropui ka ti a, ka'n tarlang duh a. Tuivai Hydro Electric Project Mega watt 210 pechhuak thei tur NEEPCO te nen sign a lo ni hi lawmawm ka ti a. Heng te hi khuah zawh a nih a power a lo pek chhuah chuan Tuirial Hydel Project te nen power pechhuak thei Hydel Project te reuh te te, tlem te te state sorkar sum hmanga an thawh te nen belhkhawm chuan Mizoram state-in electric hnianghnar zawka kan neih hun tur hi a hla vak tawh lovin ka hria a. Mizoram mipui ten kan mamawh ber leh kan sawi tam ber te zing ami hi kan nei thei dawn niin ka hria a, a lawmawm tak zet a ni.

Tin, Aizawl te, Champhai te, Serchhip te leh Kolasib te Open Defecation Free-a puan a lo ni thei ta hi sorkar-in tih tak zet in hma a la a ni tih hi a chiang hle a, heng te hi kan Governor-in a rawn tarlang a, lawmawm ka ti tak zet a ni.

Food & Civil Supplies lamah National Food Security Act hman atangin cheng nuai 94.21 leh Open Market Sales Scheme, Mizoram sorkar-in a hman atangin crore 10.21 lai sum save a lo ni ta hi lawmawm ka ti hle a. Tunhma chuan kan sorkar-ah hian buhfai leina tur budget atanga daih si lo dil belh hi a tam hle thin a, tunah thung chuan khang atang khan sum tam tak kan lo save thei ta hi lawmawm ka ti hle a, ka han tarlang a ni.

Higher & Technical Education Department-ah RUSA hnathawh-ah North-East-ah ti tha ber kan ni a, a bakah India ram chhungah a ti tha ber te zingah kan han kai leh hi a lawmawm ka ti hle a. Hetiang zela kan kal chuan kan ramin kan zirlai te tan hna nasa takin a thawkin ka ring a, lawmthu ka han sawi a ni.

Thil dang ka han sawi belh leh duh chu No. 14 na-ah khan 2017 atanga 2018 chhungin kawng siam belh 62.63 kms a awm a. Tin, black top 118.71 kms a awm baw a, chubakah chuan siam belh mek 580.98 kms a ni a. Chungte chu kan ramah kalkawng kan neih belhna tur pawimawh tak niin ka hria a. Kalkawng tha tih hi midangte pawhin an ngaih pawimawh ber leh manifesto-ah te leh campaign na-ah te pawh an hman a ni a. Chutianga kalkawng nasa taka kan neih belh dawn avang hian lawmawm ka ti a, ka'n tarlang a ni.

PWD hian 2017-18 chhungin building 82 zet mai a sa a, chung zingah chuan 28 an lo zo tawh a, 54 te pawh sak mek niin an zawh mai a beiseiawm a, chuvang chuan lawmawm ka ti.

Tin, National Highway hi kan lo enkawl tam ta hle mai. Tunhmain Mizoram PWD hian National Highway hi a enkawl ngai lova. Tunah chuan 2008 bawr vel atang khan National Highway, BRTF ten an enkawl thin kha Mizoram PWD kutah an dah ta a. 1465.938 kms zet mai PWD-in a lo enkawl ta a ni. Hetiang zat zat kalkawng laih tawh zat, maintenance harsa lutuk, enkawl thei dinhmuna PWD a lo tang ta hi lawmawm ka ti a, vawiinah hian tarlan ngei tha in ka hria a. Chutiang te a nih avang chuan anni pawh hi ka'n sawibelh lawk duh chu staff te pawh hi pek belh an ngai ve hle in ka hria.

Thil dang ka han tarlan leh duh chu point 21 na-ah khan Sainik School, Chhingchhip-ah kan han nei ta hi ropui ka ti a ni. Tunhma chuan Manipur-ah kan naupangte Sainik School-a kal turin harsa takin an han kal a. Naupangte te, Middle School zir rualte, an aia naupang zawkte an han kal thin a. An exam a, an tlin loh chuan harsa taka an rawn haw leh a ngai a, a tlingte chuan an han zir thei ve a, a lawmawm a. Nimahsela tunah chuan Mizoram-ah, Sainik School-ah kan naupang ten an zir thei dawn ta hi a lawmawm ka ti a. Chu mai bakah chuan mover in a sawi ang khan session thara tan tur, India rama a hmasa ber tur ni baw, Sainik School-ah hmeichhia te zir ve thei tur dinhmuna an han ding hi lawmawm ka ti tak zet zet a. Heta tang hian Mizoroma kan Mizo hmeichhiate tan kawng nasa takin a kua in ka hria a, hun kal leh turah hian kan hma a eng hle in ka hria, chu chu ka'n tarlang duh a ni.

LAD kaltlangin Finance Commission in cheng nuai 680 zet mai Village Council Account-ah an han dah a. Mizoram-ah sum dinhmun a harsa a, kan sorkar hlim kha chuan Village Council ten an khua chei thatna tur sum leh pai an nei ngai lova, kan mangang a ni. Thingtlang bialtu te tan phei chuan bialtu MLA te hnenah kan kalkawng step, chutiang khatiang chu siam a ngai, tuikhur siam a ngai tih te, kalkawng laih a ngai tih te an rawn sawi thin. Mahse, chungah chuan kan siam thei ngai lova, tun dinhmunah chuan siam thei dinhmunah kan lo ding ta a, UDP Core Committee atangin (Pu Deputy Speaker, reilote ka'n ti leh lawk ang e, sawi tur ka la nei tam angreng a.)

Cheng nuai 6560 zet mai thingtlang khuate enkawlina tur pawh a niang chu, khawpui ve deuh hlek tawhah VC te pawh an awm ta a, chungah chuan LAD kaltlangin NEDP-ah sum dah a ni ta a. (RD atang ten sum leh paite kan hmu tawh ngai lova.) Hall sakna tur te leh step siamna tur te, tui luan kawr, culvert siamna tur te kan nei ngai ta lova. Mahse tunah chuan NEDP kaltlangin khangte kha siam a lo ni ta a, khawtlang pawh a lo nuam sawt sawt a, a lawmawm hle a ni. Chuvangin hun lo kal leh zel turah hengte pawh hi chhonzawm zel atan tha hle in ka hria a.

Pu Deputy Speaker, hei chauh hi ka'n sawi leh lawk ang e. Sports & Youth Services atanga hlawhtlinna hi tarlan ve loh theih loh niin ka hria. Helaiah kan Governor thusawi atang hian, international level-ah hian gold 24, silver 13, bronze 8; national level-ah gold 40, silver 28, broze 46. regional level-ah gold 16, silver 13, bronze 30 zet tun dinhmunah chuan Mizorama kan thalaiten Mizoramah an rawn hawn thei ta a ni. A lawmawm ka ti tak zet zet a. Chu bakah heng Gold lak bakah hian eizawn nan sorkarah kan thalaiten infiamna lamah eizawn nan nasa takin an lo hmang ta te hi lawmawm ka ti a, chungte chu hun tawite karah ka rawn sawi hman tawh ni se, hun min pek belh avangin ka lawm e.

DEPUTY SPEAKER : Minute 4 i hman belh a ni. Pu Chalrosanga.

Pu CHALROSANGA RALTE : Pu Deputy Speaker, ka lawm e. Pu Deputy Speaker, nimin kan Governor Speech atangin lawmthu sawi tur tam tak a awm a. Amaherawhchu, a hmasa bera ka'n sawi duh chu kan sana a inang lova, kan rawn tlan dawr dawr mai kha chu tlem chuan a hrehawm deuh hlek a, pawh ka ti a. Ani pawh khan pawh a tih thu kha a rawn sawi a.

A hmasa berah Pu Deputy Speaker, NEDP kan tih hi kan Governor khan a rawn sawi a, he NEDP scheme hi tunah hian kan sorkarin a rawn hmang tan leh tawh a. He scheme hi kan hotute pawh in an lo sawi tawh thin angin 'tangte tanpuina' an tihna kha a ni a. Chuvangin vawiinah pawh hian NLUP-a hlawhtling tam takte an awm a, chungte chuan tunah hian he NEDP scheme hmang hian tanpuina an han dawng chho zel tur hi a lawmawm ka ti takzet a.

Helaiah hian a bik takin, nichinah an rawn sawi chhuak tawh a, Vaimim sawngbawlina tur, chhungkaw 500 teh meuh main eizawnna turin tunah hian sorkarin hma an la chho mek zel a. Hengte hi tuna NLUP-a Vety trade-a ranvulh te tan a va

lawmawm dawn em tih hi ka rilru chuan a ngaihtuah a. He NEDP scheme tha tak mai kan hotuten an rawn duang chhuak hi lawmawm ka ti takzet a ni.

Pu Deputy Speaker, Health Care chungchang kan Governor khan a rawn sawi chhuak leh a, lawmawm ka ti takzet a. Hriselna lamah kan ram hian hma kan sawn chho zel a. Kan sorkar chak tak leh a bik takin kan Health Minister zahawm tak te hmalakna hi a ropui ka ti a. Vawiinah chuan central lamah chuan NITI Aayog hman hian sorkar tha leh thalo an tehfung na ber hi Health Department a ni tawh a, kan hriselna lamah hian hma kan sawm em tih hi an tehfung pawimawh ber pakhat a lo ni tawh a. Chuvang chuan kan Governor speech-ah pawh khan kan tih that em avangin sum te pawh kan dawng tam leh dawn tih te a rawn sawi chhuak a, a lawmawm takzet a ni. Small state bikah pheih chuan a ti tha filawr tak kan ni a, chuvang chuan a lawmawm ka ti takzet a.

Amaherawhchu, helaia a rawn sawi loh pawi ka tih em em mai chu kan sorkar leh kan Health Minister ten hma an laknaa Medical College kan neih theihna tura an hmalakna a rawn sawi chhuak lo hi chu pawi ka ti a. Nasa takin, thawkrim takin kan hotuten Medical College neihna turah hian hma an la chho mek a, hei hi North East State dangte pawhin an neih deuh vek tawh a ni a. Tuna kan neih ve theih na tura kan hotuten hma an la chho te hi a ropui ka ti a, a lawmawm ka ti a, amaerawhchu a rawn tarlang lo kha pawi ka ti hle a ni

Power and Electric Department lamah te pawh hma kan sawn chho zel a, a lawmawm tak zet a ni. Tuirial Hydel Project mega watt 60 lai pe chhuak thei tur hmanni lawkah kan Prime Minister zahawm tak khan a rawn hawng tawh a, a ropui hle a ni. Hetiang ang Prime Minister meuhin a rawn hawng thei te hi lawmawm ka ti a. Chuvangin Power and Electric lamah hian kan hotute hian nasa takin hma an la a ni tih a lang Chiang zel a. Tunah pawh Tuivawl te, a bikin Tlawva mega watt 5 tunah pawh hian peih fel a ni tep tawh a, a lawmawm tak zet a ni. Hemi baka kan sawi belh duh chu Pu Deputy Speaker, Ni tha hrui chakna hmanga kawlpheitha kan siam hi a pawimawh ta hle in ka'n hria a, hei hi kan sorkarin tunah pawh hian hma a la chho mek zel a. Hemi kawngah pawh hian awareness te leh hei aia nasa zawka solar energy kan hman theihna tur hian tan kan la lak chhoh zel hi a van ngai tak em tih hi kan sawi belh duh zawk a ni.

Forest leh Climate Change chungchanga kan Governor-in thu a rawn sawi hi a lawmawm ka ti khawp mai a, wawiinah chuan ram ngaw te, nungcha te humhalh a ngai ta tak zet mai. Nakin lawkah kan tu leh fate hian sava mawi tak tak leh ramsa te hi hmuh tur an nei tawh lo ang tih te pawh hi a hlauhawm a ni. Tunah hian hma nasa takin an la chho tih an rawn sawi te hi a lawmawm ka ti a. He awareness programe hi hei aia nasa zawka kan neih leh hi a pawimawhin ka hria a ni. Chuvang chuan wawiinah hian kan Governor zahawm takin a speech a a rawn tarlang hi a lawmawm ka ti tak zet zet a ni.

Chhingchhip Sainik School kan han din chho te hi a va lawmawm tak em! Nakin lawkah Zofate pawhin officer tha tak tak kan nei chho ve tawh dawn a, kan state thenawm, a bik takin kan unau Manipur te, hmun hrang hrangah han kal ila, khawi laiah emawni hi chuan officer lo awm ve hi an awm ve reng mai a ni, state hrang hrangah hian, an awhawm thin em mai a. Chuvang chuan Chhingchip-a Sainik School kan han din te hi a lawmawm tak zet zet a, Zofa te hian kan va tangkaipui dawn em tih hi ka rilru ah hian a rawn lang a ni.

Sport lamah ni se sawi tur tam tak a awm a, sawisen loh a awm tawh a, medal chi hrang hrang gold, silver, bronze, chi hrang hrang national level-ah te leh international level-ah te pawh kan han la chho zel tawh a ni a, a lawmawm tak zet a ni.

Pu Deputy Speaker, kan ram hian industry lian te leh leilung hausakna atanga revenue tur hi kan nei tlem em em a, hemi kawngah hian kan hotute, kan sorkarin hma a lak chhohna zelah hian Tourism Department-ah hian tan a la nasa tih wawiinah hian kan hmu thei a, kan Governor pawhin a rawn sawi a ni. Khaw hrang hrang, ram hrang hrangah chuan Tourism Department hrim hrimah pawh hian revenue la lut tam berte an ni thin a, chuvang chuan kan ram industry te leh leilung hausakna awm loah hian he Tourism Department hian hma nasa taka an la hi a ropuiin a lawmawm ka ti a. Hei hi thangthar te tan pawh nakin lawkah eizawna a awm thei dawn a ni tih a rawn tarlang a, hei hi a lawmawm ka ti tak zet a ni. Tin, ITI kan neih belh zel turte a rawn sawi hi lawmawm ka ti a. ITI hi a pawimawh a, skilled development chi hrang hrang kan zirtirna kawngah te hian tunah hian thalai tam tak ten eizawna chi hrang hrang an han nei te hi a lawmawm ka ti a. Hetah pawh hian Pu Deputy Speaker, han sawi belh kan duh chu kan zirchhuak te leh

employer turte hetiangah te pawh hian training leh awareness programe te pawh hi han nei leh thei zel ila chuan a van duhawm em tih hi ka rilruah a awm a ni.

Pu Deputy Speaker, a tawp ber atan chuan UD & PA hnuaiah basic services to urban poor tia mirethei leh mi harsate tana in sak tanpuina kan sorkarin a lo siam sak te hi a lawmawm tak zet a ni tih hi ka'n sawi leh duh bawh a ni. Pu Deputy Speaker, hun ka la nei tho nachungin kha kha ka sawi theih tawh ni se. Kan Governor speech hi a lawmawm ka ti tak zet a, A rawn move-tu in a rawn move angin ka thlawp a ni e. Ka lawm e.

DEPUTY SPEAKER : Minute nga aia rei hret a awm a, chumi chhunga zo thei tur chu-Pu Ngurdingliana i phar maw, i thei dawn em ni ? Kha kha chu House kan chawlh hun kha dar khat a ni dawn a. Kha kha minute 5 chhunga i zawh theih dawn chuan... theih dawn loh chuan zo thei tur kan awm em ? Kan awm loh chuan kan chawl hma zawk mai dawn em ni ? Kha kha House thu thu, kan pel dawn nge kan chawl hma hret zawk ang, chawl hma mai ang maw? House-in chawlh hma kan rem ti a, kan chawlh hun aia minute 5-a hma in kan chawl hrih dawn a ni.

S P E A K E R : Thu ang u le. Lawmthu sawihona kan chhonzawm ang a. Pathumin an sawi chauh a, a pali-na tur tunge ni ang? Pu Ngurdingliana, sawi rawh.

Dr. NGURDINGLIANA : Pu Speaker, ka lawm e. Chawhma khan ka phar zuai a, mahse hun a tlem avang khan ka inhnukdawk leh a. Ni e, hei Governor Speech, Motion of Thanks rawn puluttu member zahawm tak Lawngtlai East bialtu Pu Zothangliana khan chipchiar deuhin a rawn leipse a. Chuvang chuan kei chuan a zavaiin ka rawn hawl dawn lo va. Keima lo vei ve te kan tarlang duh a. A hmasa in he motion hi ka thlawp a ni tih ka rawn sawi hmasa ni rawh se.

A hmasa berah chuan kan sorkarin hmangchang hre tak leh huaissen takin New Economic Development Policy a rawn duang chhuak a. Chutiang tur chuan ruahmanna felfai tak mai, department-a sum allocation pawngpaw sem ngawt ni lo, project changtlung tak siam hmasa a pawisa sem a nih na ah hian he NEDP hian a tum chu nichina kan ngaihthlak ang khan mi taima, mi hlawhtlingte an hlawhtlin zel theihna tur scheme a ni tih hi a chiang a. Sum engemaw zat a dah a. Chungte chu ka sawi ang khan project, viable project siam te hnenah pe in an mamawh ang tur skill

training te, entrepreneur development atan seminar te, eng eng emaw buatsaihin hma an la hi nakin hnu zelah chuan ram tana ro tling min kawhhuhtu a ni dawn tih hi tun atang hian ka sawi lawk thei a.

Mahni bialah pawh han lut ila NEDP atang hian tunah hian project mumal tak mai Mizoram mai ni lo, ram pawn chawm thei turin item pakhatat kan in sawr bing a. Chutiang tur chuan mithiam te, entrepreneurs te kanrawn a, project te kan siam a. Chu chu a ti hlawhtling tute zing ami tur kan nih avangin NEDP hi kan sawi hmasa duh a ni.

Tin, kan sawi leh duh chu, hei Mizote kan thangharh em em a. Helaia kan Governor in arawn sawi ang a India ram State a State fai ber kan nih theihna kawng a hma kan lak naah hian kei a phurawm ka ti a. Nikum lawkah kan hria a Biate khua in Mizoram a fai khua ber nihna lawman an lak atang te khan miin Biate pawh tlawh an chak a. A lo haw leh te chuan kan khuaah hei hi kan ti ve thei rua em, tia haw tlangpui anni a. Mizote hi a tir chuan pi leh pu atangin intifai vak mi ni lo mah ila, thang lo thar zelah literacy te a san avang te; tin, kohhran inrelbawl dan te a mumal em avang hian faina kawngah hma kan sawn a. Chutiang tur tak chuan sorkarin project hrang hrang an buatsaihah te pawh a bikin PHE lam te, LAD concern te pawh hetiang kawnga an hmalak na hi kan Governorrawn tarlan ang hian ngaihthlak a nuam a, kan hmakhua a eng hle niin ka hria a ni. Chu chu karawn tarlang leh duh a.

Tin, kan sorkar-in Health Care chungchanga a hmalakna hi, central atanga Health Department kaltlanga project hrang hrang anrawn siam kan hria a. Chungte chu nichina kan ngaihthlak ang khan World Health Day kan tih te, World Disable Day kan tih te, World Cancer Day kan tih te hi a hmang tha em em a. Public-ah awareness an siam nasa a. Heng avang hian nichina kan ngaihthlak ang khan Health Index NITI Aayog siam ah pawh Mizoram chu state te zinga a tha berah min ngai a ni, min dah a ni. Hei hi a taka hmutu leh hretu kan nih avangin kan bial lamah pawh namen lovin Health Department hian central atanga project/ programme hrang hrang anrawn siam te hi a taka an tihlawhtlin avanga kan bialah te pawh malaria te, IMI (Infant Mortality) rate hniam te zawng zawng hi vawiina kan Governor-in arawn tarlanah hian department thawh rah a ni in ka hria a. Hengte pawh hi chhuanawm ka

ti em em a. Thahnemngai leh zual a tang sauh sauh turin Pu Speaker, nangmah kaltlangin kan ngen a ni.

Tin, faina leh Swachh Bharat Mission (Gramin) kan tih inkaikawp tlat ODF (Open Defecation Free) kan tih kawnga district tina an hmalakna hi ngaihthlak nuam ka ti a. Tunah pawh district pali bakah Mamit te, Lunglei te, district pali la awm te pawh kha tun atanga reilo teah ODF-a puan theih tur a ni te hi a department ang te leh mipui hmalakna tang khawm a nih avangin ngaihthlak a nuam a. Hma kan sawn zel a ni tih hi a chiang em em a ni.

Tin, hemi piah lamah tui hnianghnar tha taka kan in theihna tura PHE Department-in an fund hmuh ang ang NEC atangte, NLCPR te, NABARD atanga Zoram kilkhawr ber thlenga hnianghnar taka min bun sak tawh te leh tuna min bun sak mek turah te pawh kan Governor-in a rawn tarlan hi ngaihthlak a nuam in chhiar a nuam em em bawh a ni.

Food, Civil Supplies & Consumer Affairs Department-ah hian hma kan sawn a. National Food Security Act kan hman hnu ah kan monthly requirement a lo pung a, a pun rual erawh chuan a leina sum tam tak kan han save thei te pawh hi kan department, kan Minister te, kan department official te hmangchang hriatna niin open market system-in kan han kal chho leh zel a. Rate tlawm taka kan hralh thei a, sum tam tak kan han save thei te pawh hi ngaihthlak a nuam a. Hma kan sawn zel a ni tih hi a lang a, a lawmawm em em a. Tin, hemi piah lamah fur lo thleng turah Zokhaw kilkhawrah te lo in chhekkhawh tura hma an la lawk te hi a ngaihthatawm hle a ni.

Education Education Department hmalakna Governor-in a rawn tarlana ngaihthlak nuam ka tih em em chu hmasawwna, skill development lamah, vocational education lamah te. Tin, NCERT Text Book curriculum-a an zir tawh tur, class VIII, IX, X te, B.Ed khilai DIET-ah te leh Lungleiah te an train theihna tur min han siam sak a. MZU hnuaiah affiliation provisional min han pe thei te pawh hi a lawmawm ka ti a. A chhan chu tunlai chhanah Education Department-in khirhkhana taka B.Ed qualification an nei tur a tih te hi a tha a. Refresher Course piah lamah zirtirtute a thuam famkim a. Tan lakna leh phurna a pek zual avangin khangte kha ngaihthlak nuam ka ti a.

Tin, hemi piah lamah beng tha lo te tan leh mit tha lo te tan Special Education Scheme kaltlanga B.Ed training theihna tur SCERT-a an han ruahman te pawh hi thiltih chi tak, state danga (North East-ah pawh) la tih miah loh tuna Mizoramin a vawikhatna atana kan hman Governor-in a rawn tarlang te pawh hi a department Minister te, official te thahnemngaihna leh hmangchang hriatna a ni a. Ngaihthlak a nuam a, tun aia thahnemngai lehzuala kal zel tura mi state dangte rawn zau lehzuala, chu aia changtlung zawk project te pawh siam belh zel turin Pu Speaker, nangmah kaltlangin ka'n ngen a ni.

A tawp bera ka'n sawi duh chu climatic change chungchang hi a ni a. Kan hria a, tunah hian khawvelin global warming, sik leh sa lo hluar zel hi, khawi forum-ah pawh agenda no.1 ang a ni. Nuclear tih tlem, nuclear proliferation an tih te tunhmaa agenda no.1 a awm thin kha tunah chuan pathumna a ni tawh. Hei hi tunah hian thangthar lo kal leh zel pheih chuan, ram changkangah pheih chuan vei tak te in an vei a. Vawiinah helai Mizoram sorkarin a hmalakna te kan lo ngaithla a, kan lo chhiar a, Central Green Programme te, national programme kaltlanga sum tam tak lo lut te pawh an hmang tangkai hle in a lang a, heng an rawn putluh chu tun aia nasa zuala elementary stage, naupang level atanga awareness campaign hi nasa leh zualin ti se. Tin, hemi kawngah a thawktute indaihlohna Forest Department-ah a nasa em em a, a bik takin field lamah. Heng te pawh hi hna lak belh theih dan kawngte dapin kan ram ngaw neihchhun te tun aia nasa leh zuala an vil hneh theih nan (SPEAKER : I hun i hmang zo aw) Pu Speaker, vawiinah nangmah kaltlangin an than chhohna zel turah an hmalakna ah lawmthu sawi chungin, chu chu kan sawi a ni. Hun min pek belh la chu ka la sawi thei a, amaherawhchu kan duhtawk mai ang e. Motion Governor's speech hi ka thlawp a ni e, ka lawm e.

S P E A K E R : A lawmawm e, hun i hmang thiam e. Tunge sawi leh ang, hun hi pawisa a nih kha, khawhral mai mai tur a ni lo. Awle, Pu Rinawma.

Er.LALRINAWMA : Pu Speaker, ka lawm e. Vawiinah Governor thusawi sawiho leh theihna hun kan nei leh thei a, a lawmawm hle in ka hria a. Ka hmalama member zahawm tak tak te khan an lawmthu lam an sawi a, an lawm tlang viau a nih hmel a, keipawhin a lawmawm lo lam deuhte pawh han sawi kai ka duh tho baw a, lawmna tur tam tak te pawh awm tho turah ngai baw kila.

A hmasaa ka sawi duh ber chu section 1-na a NEDP chungchang a rawn sawi kha, NEDP hi tunah kan kalpui chho mek a, heng a work supervision lampang te pawh hi kan en uluk hi a tha mai awm mang e aw, tih te ka ngaituah a. Tin, allocation lampang hrim hrim hi hna kan va vuah laia te pawh hi chiang lehzualla kan kalpui te pawh hi a tha em tih te pawh ka rilru ah a awm a. Hmun thenkhatah te phei chuan PWD side drain te pawh hna a dah luh tak mai te pawh hi a awm niin a lang a, pawisa kha khaw tan a uihawm a, mipui pawisa te a lo ni a, khatianga PWD-in a telh theih tho si, tangkai zawkin pawisa kha hmun dangah, thingtlangah a bik takin a hman theih ang tih kha a rin theih a. Heng te hi a implementing agency lam te pawhin uluk leh zualin en se a tha in ka ring a.

Tin, Section 1-na ah hian 2016 – 2017 chhungin ₹ 1027 crores kan hmang niawm angin a rawn in ziaa a, hei hi kan ngaihtuah thin a, helaia 2016 – 2017 budget speech-a kan Finance Minister zahawm takin a sawi ah hian ₹ 250 crores kan dah a ni tih hi ziaa lan a ni a, ₹ 1027 kan hman a nih chuan kan budget kalpui dan hian mu leh mal kan va nei dawn lo em! ₹ 250 crore kan ruahman pawha sang chuang chuang kan hman mai chuan tih kha ka rilru ah a awm a. Kan budget hian awmzia nei sela, pawisa a awm tih vanga khatia kan va pawh kan va pawha, khatia kan tih kan tih lai khan pawisa indaihlohnate pawh kha a siam thei ang tih a rin theih a, hei hi ziaa sual palh nge ni a, 2017 – 2018 tih tur nge ni ? 2016 – 2017-ah hi chuan a bu ah hian ₹ 250 vaibelchhia dah a ni a, vaibelchhe sang chuang hman erawh kha chu, tlema han tih pun deuh chu thuhra a ni a, a lutuk mah mah in ka hria a. Chuvangin sum leh pai enkawl na kawngah kan duh angin kan strict tawh lo nge ni, kan duh zat zat kan pawt mai tih pawh kha rilru ah a awm a. Hun lo kal leh tur atan chuan kan budget-a kan dah hi chu en hram hram ila, a tih theih ngang loh hi chu a awm ang, amaherawhchu a tih theih chinah hi chuan, keimahni sum leh pai ruahman chinah hi chuan in khung hram hram i tum ang u tih kan sawi duh a ni.

A dawt leh a ka sawi duh chu section III-ah hian NLUP chungchang a rawn ziaa lang leh a. A rawn ziaa lan ah hian, NLUP vangin jhum area hi 100 zelah 31.37 in kum 6 kalta chhungin a tla thla a ti a. Ka ngaihtuahna pakhat ah chuan tlangram lo neih hi kan pi leh pute atangin kan lo tih than a ni a, vawiina a tla thla ta hi, kan lawmna viau hi enge a chhan ni ang ? Tunlai khua sik leh sa lo danglam zelah a ni turah kan ngai deuh ringawt a. Amaherawhchu thil pawimawh ber zawk erawh chu tun hmaa kan pi leh pute lo tih dan a nih avangin kan kalsan tak tak thei lo vawiin ni

ah hian. Chutihlai karah hetiang a tlakthlak si lai hian agriculture hi eng angin nge a nghawng ang tih hi chu kan rilru ah a awm a ni. Chu chu vawiinah hian thil lo lang ta chu, NLUP kan kalpui hian kan tlangram lo neih tih hmasawna kawnga kan ke pen kan thlah dul tak si avangin chu chuan lo neih lo tlahniamin, amaherawhchu NLUP lama kan hmalakna hian duhthu a sam hleitheik bik si lo a. A nihna takah chuan a hlawhtling ti leh tilo kan awm a; tin, a leh lama ngaihtuah chuan heta budget-a kan pharh ngei Macro Economic Framework Statement pakhat kan Finance Minister zahawm takin budget document a rawn pharh thin kum 2013-2014-a an pharh ah khan Agriculture leh a kaihnawih ten GSDP an thawh chhuah hi 2010-2011-ah chuan 20.16% a ni. Chu chuan thingtlang lam hnathawktu te link road neih loh vang leh thil dang vang te pawh a ni ang, chip ringawt leh thahrui ringawt chuan hnathawh te a lo harsa a, an thlahthla ni pawhin a lang.

Chu chu ka phuachawp a ni lo a, he House zahawm tak ah kan Finance Minister-in a rawn pharh thlap a ni tih hi ka sawi duh a, documents pawhin a en theih a ni. Chuvangin vawin ni ah hian eizawna kawng kan kalpuina kawngah tlangram lo neih a tlahniam tih ngawt hi a dik ber lo a, thingtlangah kan kalsan theih loh avangin link road laih te, tin, duh dan phei chuan NEDP-a kan agriculture link road laih te pawh hi hna tur kan siam hma in Gram Sabha-ah ngaihtuah tir thei phei ila chuan anmahni khua ten fel takin an lai ang, 'hetah hian lai ang' tiin ruahmanna an siam theih ka ring a, chu chuan phur zawkin lo neih lamah pawh hma kan sawn ang tih ka ring a ni.

Ka bial chhung khaw pakhat ah khian fund in hna kan thawk dawn a, an khaw Gram Sabha-in duh a rawn nei tlat mai a, an khaw mipuite khan Gram Sabha-ah an rel a. Chuta an relah chuan link road laih an rawn rawt ta a, an lai ta a. An laih chiah chuan mi engemaw zatin an lo vah sa chu zim an ti a, an vah zauh belh baw a. Ka ngaihtuahna ah khang zawng zawng kha kei hi a hminga bialtu ka nihna ah an inah va leng ila, 'E! lo vah belh leh rawh u, lo vah belh leh rawh u, a la zim e,' va ti ta ila, tumah ka ngen hlawhtlin ka ringlo a ni. Amaherawhchu anmahni mamawh ngei va ti an nih kha chuan 'ti rawh,' tih an ngai tawh lo, anni khan ti khan hma an la mawlh mawlh tawh mai a ni. Chutiang chuan mipui ngaih dan leh duh dan kan sawr chhuah thiam te pawh a tha in ka ring a. Chuti ni lo a keimahni in kan ngaihtuahna tanga mipui suk thlek thlir lo a policy kan zam leh dawn a nih chuan thil hi a buaithlak khawp mai. Chuvang chuan hei tak tak ni maw Ar note te pawh an

sem a, an sem tuk lawk ah ar note lei tur a awm leh nghal a tih te pawh kha ti ti a tam a ni. He lama kan hma lakna hlawhtling tur chuan mipuite duh dan leh ngaih dan kan rawn tlan tha in ka hria a. Agriculture leh a kaihhnawih a kan GSDP-a a thawhchhuah lo tlahniam ta hi a pawl ka ti a, NLUP-in a cover leh lo lai hi chu a zia lo hle a ni. Agriculture leh a kaihhnawih te thawhchhuah lo tlahniam ta hi document chhian takin a hmuh theih a ni.

A dawt leha ka sawi duh chu section 15-na ah hian maintenance of law and order remains a top priority of my government tih a zia a. Tah hian Police lam hnathawh a lan rualin Excise lam niawm zawk tak, damdawi man a rawn zia teuh mai a, hei hi a zia lo hle in ka hria a. Keini hi lehlahmah party campaign in kan kal vel a kan sawi dan ber ah chuan zu zawrh phal lo nita hian damdawi a ti hluar a ni tih hi keima mimal ngaih dan leh ka tan chhan leh dik ni a ka ngaih reng a ni a. Zu kan zawrh tak avang hian ruihhlo zuartu lam in hralh theihloh an hlau a, a man a lo tlawm a, a lo tam ta a ni tih hi kan sawi dan ber a ni, hei hian a rawn nemnghet ni hian ka hria. Heta an man zat zawng zawng hi Pu Speaker, vaibelchhe 46.95 man zet a ni.

Kum 2017-2018 chhunga an damdawi man ringawt hi a rapthlak hle a ni, engzat nge man loh awm ang tih hi ngaihtuah tham a tling a ni. Chuvangin helaia kan man tam zat kan rawn zia h rual hian kan ram chu ruihhlo in min luan a ni tih hi chhian takin a lang a ni. Man loh engzat nge awm ang tih pawh kan ngaihtuah thei tawh lo. Chuvangin hei hi ngaihtuahna ti thui tak a ni, chhuan tur chi nge a nih a chhuan loh chi tur tih ka hre lova, an man chu a lawmawm. Amaherawhchu, kan ram ah drugs leh ruihhlo lo tam tawh zia rawn nemnghettu ah helai bung leh chang hi ka ngai a ni tih hi ka sawi duh a ni.

A dawt leha ka sawi duh chu zu chhiah chungchang hi. Hetah hian vaibelchhe 53 vel bawr kha kum kal mek, tun thla 10 chhunga kan khawl a ni tih kha a lo lang leh a. Helaia a thu tlangkawmna bulthut ah chuan kan Governor zahawm tak hian “I am happy to present before you an outline of the achievements and visions of the Government” sorkarin a tihthat te a rawn tarlang a ni a. Tahchuan zu chhiah tam tak khawn hi sorkar tihthat ah a

puang dawn em ni tih hi ka zawt duh a ni. Zu chhiah khawn tam hi a chhuanawm lem lo! Zu kan zawrh dawna kan sawi ber chu ‘zu tha a awm lo va, zu chhia kan in avangin loh theih loh in kan zuar a ni,’ in ti a ni lawm ni Pu Speaker! Mahse vawiinah chuan a sum lam a rawn ziaak lang a. Chuvangin, kei chuan helaia lang erawh chu keima mimal ngaih dan chuan budget document-ah non tax revenue-ah emaw, tax revenue-ah emaw tih lan a, chu pawh loh theih loha tih lan a tul vang zawk in. Helaia zu chhiah kan hmuh tam zia chhuang awm taka sawi hi chu kan chhuang teuh lo mai tih hi (SPEAKER : I hun a tawp tawh a nia) Pu Speaker, ka sawi duh a. Chuvangin zu chhiah kan lak hi Pu Speaker, tlem te, za a sawmhnih panga vel pawh lo la ta reng pawh ni ila, a vaibelchhe tel tak meuh meuh; tun thla 10 chhungin, vaibelchhe 200 chuang daih a ni ang, khatiang bawr vel kha sum leh pai hi zu man ah kan lo hmang reng mai dawn a ni tih ka ngaihtuah a.

A dawt leha ka sawiduh chu section 5-na hi kan sawi leh lawk ang a. Section 5-na ah hian index chungchanga pakhatna a lak chungchang hi state te zingah a rawn lang a, a lawmawm khawp mai. Amaherawhchu, tukin zingah zawhna ah kan zawt a, kum 2015-2016 chhung hian vaibelchhe 78 Health Care-ah kan hmang a, 2016-2017 chhungin vaibelchhe 115 nikuma min chhanna ah chuan a ni a. Vawiina min chhanna ah hian vaibelchhe 94 vel kan hmang a ni.

Chumi awmzia chu, kumkhat chhunga a punna hi vaibelchhe 16 leh tih kan inenkawl na sorkar mi leh sa te, keimahni te pawh tel in. Chutiang inenkawl na atan chuan vaibelchhe 16 zet kan hman belh a ni kumkhat chhungin Pu Speaker. Hei hian kan ram hi a hrisel lo nge, enge kan dinhmun tih hi ngaihtuah tham tak a ni Pu Speaker. Chuvangin hengah hian ka ngaihtuahna a kal thui khawp mai a, kan Health Care pawh hi tun aia chak zawk leh tha zawka kan thuam chak a ngai a ni tih te pawh ka rilru ah a awm a.

A chhan chu Health Care-ah hian kan pawisa dahkham ang ₹ 500 peka ₹ 1,00,000/-; ₹ 750 peka ₹ 2,00,000/- kan tih te pawh kan bill chhuak leh thei lo a ni. A bik in Durtlang Hospital ah phei chuan RSBY Smart Card hmang in 20% chauh an lak theih avangin Health Care hmang thei tura ngaih

si, mahse leiba tam lutuk avangin tam takin an ti hleithe i lova, chutiang chuan insurance company in empanelled hospital te pawisa tam tak a ba a ni. Hengte pawh hi chinfel vat vat loh chuan reilote ah (Hmanni a District level monitoring committee na ah pawh an sawi chhuak nghe nghe a) mirethei te a thlawna an in enkawl na hi kan tih tawp a ngai mai dawn a ni tih hial te pawh an zia k tawh a ni. Chuvangin Health Care Scheme kan kalpui mek hi kan hlut a, a tha pawh kan ti. Amaherawhchu, chak leh zual zawka ke kan pen a tul a ni tih hi ka sawi duh a ni.

A tawp bera ka sawi duh chu Sainik School chungchang a ni a, ka bial chhungah a awm a, kan lawm khawp mai a. Chutihruah chuan hetiang chen kalpui a nih tawh hnu ah tui hi a la harsa khawp mai a. Tun thlengin motor hian a la phur ve nawk nawk mai a, khing khi chak leh zual zawka hma lak theih ni sela chuan a lawmawm hle ang tih ka sawi duh a. Sawi tur tam tak kar ah khalai kha ka sawi theih ni mai teh se. Ka lawm e.

S P E A K E R : Awle, tunge sawi leh ang. Hun a kal zel a nia. In sawi duh tawh loh chuan, Pu Pianmawia.

Pu R.L. PIANMAWIA : Pu Speaker, ka lawm e. Kan Governor hmeltah tak leh pian nalh takin kan budget session-ah thu lawmawm tak tak a rawn chhakchhuak hi a hmel leh a pianzia nen pawh a inchawih hle in ka hria a, a lawmawm hle in ka hria.

Kan Governor zahawm takin he sorkar hmalakna hrang hrang a then pawh kan hre thei lo tih ang vela tlem a rawn sawi chhuah ringawt pawh hi lawmthu sawina tur tam tak kan nei a. He sorkarin mirethei a ngaihsak zia a rawn tarlang te hi lawmawm ka ti a. NLUP, NEDP convergence chungchangte a rawn sawi a. Link road te a rawn sawi a. Heng hi khawpuia mihausate tan chuan ngaihhlut tlak a awm miah lo tih a hriat a. Amaherawchu, keini thingtlang mirethei te te, maian ringa seilian ho tan chuan a hlu em em a ni. Chuvangin, kan sorkarin hetiang a miretheite ngaihsak a, tih tak zeta hma a lak thu Assembly hmaa a rawn tarlang hi a lawmawm ka ti a. Kan sorkar mai bak ah a sawichhuaktu kan Governor hnenah pawh lawmthu ka sawi tak meuh meuh a. Tin, kan sorkarin thingtlang mirethei BPL leh BPL hnuai lampangte pawhin an nghei loh tur buhfai ei khawp waviin thleng in hun harsa tak kara

min han chhawp chhuah thu a rawn sawi lang te hi a dik em em a. A taka hmutu kan ni a, keini bial phei chu quota hi kuthnathawk kan nih hlawm avangin kan kham lova, kan Supply Minister tibuai ber tu leh Department pawh tibuai ber tu kan niin ka ring a. Zaidawh takin kan Minister leh a ho ten kan mamawh ang ang harsa tak chungin kan kham lohna te pawh min rawn chhawmdawl sak thin a. A bik takin keini bial tan phei chuan Governor thu sawi ah hian lawmna tur hi a tam bik hliah hliahin ka hria a. Tam tak tan chuan buhfai chungchangah pawh ngaihtuahna an hmang hah lo maithei, thingtlang pa chuan bahra te kan lai a, maian te chaw ah kan ring thin a. Chuvangin hetiangah buhfai ei tur kan kudamah min la rawn dah sak thei reng mai te hi a lawm awm a, harsatna tawh miah lovin keini bialah phei chuan kan la awm a, a lawmawm em em a. Khatiang te kan Governor hian a rawn hre kilh kelh aniang kan ka ti a. A thil hriat theihna atang ringawt pawh a lawmawm ka ti tak meuh meuh a ni.

Tin, kan sorkar hmalaknaa lawmawm ka tih em em chu kan Governor thusawiah sorkar building 82 ngawt 2017-18 ah kalpui a nih dan kha a sawi a, a lawmawm hlein ka hria a, a vei awm em em a. Mihring kan lo pian chhuah hian in hi kan phu nghal tawp a, amaherawhchu kan phu rual rualin mahni ina han chen ngawt chu tam tak tan thil a lo harsa a. Mi in hnuai te luahin, mi kawm karah te silpaulin zara khawsa mai mai tam tak a awm theih a. Chutiang deuh chuan kan sorkar department office hrang hrang te pawh hi mi in luahin rem leh rem lo in hun rei tak an lo awm tawh a. Chutianga an rual awhna ngawih ngawih kan sorkarin ruahmanna hun hmasa lama a kalpui tawh bakah, tun 2017-18 chhung mai ah pawh 82 an kalpui mek te hi a lawmawm em em a ni tih kan sawi lang duh a.

Tin, Sainik School Pu Rinawma bialah an dah bik ringawt mai a, a awh awm hle mai a, Pu Rinawma kha lawm lo thei pawh a niin ka hre lo a. Congress sorkar hi chu ani tan hi chuan a tarkun thleng pawhin a theihnghilh ka ring lova . He school hi wawi leh khatah i tih puitlin a har khawp mai a, naute pawh a lo pian hian kut ke kimin piang mahsela chaw barh te a la ngai a, kal zirtir te a la ngai a, khatiang khan hmabak hi a la tam a. Anni pawh rei lo tea kan din chauh kha a ni a, tih puitlin tur tam tak a la awm ang tih a rinawm a.

Tin, ka hriat sual loh chuan India ramah hmeichhia te Sainik school-a an kal theihna tur ruahman hmasakna ber a ni leh nghal a, a lawmawm em em a. Anni ho

zingah Congress-a rawn in pe hmasa ber ni thei sela chu a ti fuh awm mang e aw, tih ka ngaihtuah a. Pu Rinawma tan chuan inngaihtuahna tham a tlingin ka hria.

Tin, infiamna chungchangah kan sorkar hmalakna kan Governor thusawi atang khan kan hmu a. Keini bial, mi te hriat loh, mi hmuhsit bial thin te pawh tunah hian inkhelhna tur field tha tak sorkarin min buatsaih sak a, Darlawnah kan ti zo tawh a, Sakawrdaiah tunah kan ti leh dawn mek a, Sakawrdai hi a la sawi tel lo mah mah a ni. A mamawh zawng zawng kan sorkar hian field hi tih sak a tum a ni tih pawh hemi atang hian a chiangin ka hria a, chuvang chuan field la mamawh te kha chuan sawilan hreh loh ni se, a thain ka hria. Kan sorkarin thalai te hmakhua a ngaihna kawngah hei hi a tangkai em em a ni tih hriain hma a la nasa em em a, chuvang chuan infiammite leh kan thalai lo pawh puitling ho te tan pawh inchhung leh pawna infiam theihna tur thil chi hrang hrang an ruahman a, chung chu inchhunga hmang chiin an hmang a, pawn lama hmang chiin an hman theih tur ang chi ah nasa takin hma a la a ni tih a rawn tarlang hi a chhuanawmin a lawmawm ka ti hle a.

Tin, kan sorkarin mi rethei te tan hma a lakna hi kawng tinrengin a lang tih Chief Minister rural housing scheme atang hian a hriat bawk a. Chawhma lamah zawhna ah khan in sawi tawh bawk a. Miretheite chanvo chi hnih Rural Development atang ringawt pawhin a han awm te hi a lawmawm a. Chu bakah in kang leh leiminin a tih chhiat vanduaiana tawh tan khan DM&R atang leh RD atang hian rangva leh tul dang engtik lai pawha pek tur kan han nei thei ringawt mai te pawh hi han sawilang vek lo mahsela a lawmawm dan k kan hre theiin ka ring.

Tin, kan sorkar hmalaknaah Art & Culture Department in Mizo thuam venhim leh humhalh nachang hria a, kan puanchei leh ngotekherh humhalh a tul a ni tih hria a, dan leh dun fel tak, a vawn himna tur an ruahman thu rawn sawina te hi a lawmawm em em a. Sorkar tam tak a kal tawh a, hetiang tihna hi a lo la awm lo tih hemi atang hian a hriat hlein ka hria a, a ropui hlein ka hria a, a changtu Minister pawh a fakawm ka ti a. Governor rawn sawilan zingah hian thil chhuanawm tak kan rama la tih ngai loh thil ni pawhin ka hria a, a lawmawm tak meuhin ka hria.

Tin, Transport Department in thingtlang te tan, rural te tan DTO office hran ngat mai an buatsaihsakna an tarlang te hi a lawmawm a. A dik tak chuan khawpuiah mi langsar lo tan chuan office tawt tak mai DTO office dawr turin thil tih

zung zung hi a harsa a ni. Chutiang hre reng chuan kan sorkarin DTO office Aizawl District Rural tih kha an hawng a ni, hei hi kan tangkai pui em em a, kan awlsam phah em em a ni. Hetiang sorkar hmalakna lawmawm tak tak kan Governor-in a rawn sawi chhuak hi a lawmawm tak meuhin ka hria a.

Tin, Rural Tourism lamah pawh kan sorkar hmalakna fing tak mai a rawn tarlang hi a lawmawm em em a. Mikhual te thlenna tur chungchangah, Mizo te pi leh pu atangin in thleng thin kan ni a, amaherawhchu kan khawsakna te a inchen loh avangin mikhual thleng tam thei lo te, thleng vak thei lo te pawh a awm theih a ni, chutiang chu vawiin thleng pawhin kan khawsakna a inchen loh avangin a la awm a. Chu mi hre reng chuan Tourism Department ten Home stay ti a thingtlangah Mizo tawng chuan thlen in nuam ti ila a dik mai awm e, ngam taka kan thlen theihna tur an buatsaih a. (SPEAKER : I hun i hmang zo) Pu Speaker, khawngaihin tlemte.

Ka bial Mauchar-ah te, Tinghmun-ah te, Palsang-ah te khian Tourist Lodge kan tih ang chi hi a awm lo reng reng a. A in nei lian deuh khi Tourist Lodge-ah kan puang te a nih loh chuan a tihngaihna vak a awm lova. Chuvangin khilam te pawh khi home-stay ruahmanna, Champhai tlangdunga an tih ang hian keini pawh hian kan ti ve thiam ang tih a rinawm a. Chuvang chuan home-stay thingtlang mite tan mikhual thlen awlsamna tur ruahmanna a siama hi a lawmawm a. Hetiang thil thar tih nachang hria sorkar kan nei pawh hi a lawmawmin ka hria a. Hetiang min han tarlan sak te hi kan Governor chungah lawmawm ka tiin lawmthu ka sawi tak meuh meuh a. He kan Governor thu sawi hi lawm takin ka pawm tak meuh meuh a ni tih ka sawi duh bawk a.

Sawi tur dang tam tak chu la awm bawk mah sela thu pakhat a tawpna atana ka sawi duh chu rawn tarlan tura ka duh em em rawn sawi lan loh a nei a. Kan sorkar hmalaknaa lawmawm em em mai si, tuman tih theiha an rin loh, HPC (D) te nena inbiakremna thu a rawn tarlang lo hi chu a uiawm mang e aw ka ti a. Keini a bial leh a tuartu tan chuan hetiang hi chanchin tha, chanchin lawmawm a va ni tehlul em! Tarlan tlak a va ni tak em! Pu Thanliana te, Pi Awmpuii te nen kan hmel in hmuh hi chuan he thil hian kan hnuk a khawih a ni tih kha hria ula a thain ka hria a. A lawmawm, thil lawmawm tak a rawn tarlan hmaih hlah nia ka hriat avangin kan sawi lang tel a ni, Pu Speaker, ka lawm tak meuh e.

S P E A K E R : Sawi tur kan awm tawh lo a nih chuan. Aw Pu Thanliana.

Pu LALTHANLIANA : Pu Speaker, ka lawm e. Tlemte sawi ve ka duh a. A zavaï chuan sawi ka tum lem lova. A hmasa berah chuan NEDP chungchang hi helaia ziaa hi a tha khawp mai a. NEDP hmalak dan tur te, kalphung tur te, a tira kan han ngaihthlak khan kan Minister-in a sawi pawh khan, ‘A tha dawn mang e aw!’ ka ti a. Tunah hian a tha lo chu ka ti ngam lova, amaherawhchu thawm kan hriat dan in a tir ami ang kha a ang dawn ta lo deuh em mawni aw tih te ka ngaihtuahnaah a awm deuh a.

Bial thenkhatah chuan MLA ten Work Order te an sem a. Khawi atangin nge, NLUP atangin nge NEDP atangin nge, convergence atangin ? Tin, department thenkhatte hian an chang ve lo em mawni tih te ka ngaihtuahnaah a awm a. Hei chu an chang vek kher dawn lo pawh a ni mai thei a. Tin, an project siam thiam dan a zirin an chang tamin an chang tam lo tur angah te pawh sawina a awm a. Helai hi duhthu a sam lo palh ang tih ka hlau khawp mai. A tir atanga tum lawk ang khan a kal lo palh ang tih ka hlau khawp mai a.

Pahnihnaah chuan sanitation chungchang hi chi hrang hrang water supply te, sewerage te leh solid waste management chungchangte an ni a. Mizote hi ka ngaihtuah a, tun hma ang ai chuan bawlhhlawhte hi kan lo ngah ta khawp mai a. Tunhmaa bawlhhlawh nei ngai lo kha bawlhhlawh kan lo ngah ta a, kan fai ta, kan changkang ta a ni tih erawh a tilang chiang khawp mai a.

Amaherawhchu sewerage chungchangte hi kum 2010 velah te pawh khan sawi a ni tawh a. A chak lo hi chu ka ti a ni. Tunah pawh hei term a tawp leh dawn tawh mai si a. Solid waste management chungchangah erawh hi chuan AMC lam ten bawlhhlawh te an han paih a, a tha ka ti khawp mai a, an che tha ka ti a. AMC in veng tinah hian bawlhhlawh ni tin pawhrawn khawn se motorah hian kan thun leng ta lo deuh zel mai chu a ni a. Tun hma te khan kan bawlhhlawh te kha hetiangapaih lo khan engtin nge maw kan lo awm ni. Kawrah te khan kan paih a, kan lo ti vel ve mai mai kha a lo nia.

Tunah chuan hriselna kawngah kan tlan nasa ta hle mai a. Helam zawnga kan hmasawna hi a lang khawp mai a, a lawmawm ka ti a. A lawmawm ka tih dan

phung chu Mizo hrim hrim hian bawllhlawh kan ngah tawh a. Hma kan sawn tawh a, faina lam kan ngaihsak ta tihah hian a ni.

Tin, palina hi kan sawi leh duh a. Vety lam hmalakna hi a tha turah kan ngai a. Family 500 vel vaimim ran chaw atana chintir, suangtuahna nge ni a la puitling chiah lo a nih ka ring a. A tha dawn khawpin ka hria a. Amaherawhchu khawi khuaah nge ni ang aw ka ti a. Ran chaw hi ka lo vei ve a ni a. Ran kan vulh nasa si a, a chaw hi kan intodelh lo nasa lutuk a.

Tunah pawh hian helaia a inzhiah dan chuan per month-a kan demand hi metric ton 480 vel a lo ni a. Hetiang her thei tura khulaia feed plan a awm chuan a tha dawn khawpin ka hria a. Amaherawhchu, an her thina khu a quality tawk lo deuh em ni chu aw ka ti a. Hralh hi a tla lova, vai ta hi kan lei nasa khawp mai a. Intodelhna kawngah chuan ke chu an pen ni chuan ka hria a. An thil tih tum hi a tha viau dawn nain ka duhthawh thilah, a quality lam hi eng ang nge ni ang aw tih kha ka ngaihtuahnaah a awm a, kan sawi lang a.

Tin, heti laiah hian tun hnaia thil thar deuh hlek, kel mai bakah hian sawi lan loh awm chu sakawr kha a niin ka hria a. Amaherawhchu hei a rawn lang ta lo va. Sawi tur a awm lutuk lo nge mawni dawn te ka ti a.

Tin, hei power lam hi keini chu kan sawi tel lo thei lova. 2013-2014 March thla session atang khan MoU hi budget bu ah leh Governor's speech-ah hian kan hmu deuh reng mai a. A ngai reng hi niin ka hria a. Tuna a rawn tarlan, Hydro Electric Project 210 mega watt thar chhuah theihna tur NEEPCO te nena MoU sign tawh hi kha mi kum pawh khan a lang tawhin ka hria a. Hemi chungchangah hi chuan kan rilru chu kan seng tam lo mang e, kan ngaihtuahna pawh kan seng tam lo hle a ni tih a hriat a.

Tunah hian MoU sign pui tawh, project hi pariat vel emaw kan nei tawhin ka hria a. Amaherawhchu vawiinah hian Bairabi te pawh a rawn lang leh ta lo va. Kan ziaak lang tlem ta deuh a. A changtu Minister pawhin hmanni a thusawinaah, "Mizoram hmasawna tur atana pawimawh ber chu electric hi a ni" a tih kha chanchinbu, Zozam-ah khan ka lo hmu a. A ngai pawimawh viau a, amaherawhchu kum khat emaw chauh term hi a awm tawh si a. Chu chu engtin nge ni dawn ni ? MoU kan ti reng mai a, kan ngai pawimawh tawk lo ni hian ka hria a. Tin, nichinah

khan an han sawi a, kan Prime Minister pawh hian min ngaih pawimawh pui niin ka hria a.

A chhan chu hei kan chhiar a, a tira ka lo ngaihtuah dan chuan Tuirial Hydro-Electric Project hi an zo tawh emaw ka lo ti nghe nghe a. Mahse zawh hma khan min ngaih pawimawh pui lutuk a, a rawn hawng a. A chhan chu a hawn mai loh chuan kan zo leh lo mai ang tih min hlah sak em maw ni chu aw ka ti a. Kan ngaihtuah tawh leh lo ang a, hei hi min bat a, zo ngei ngei turin min rawn hawn sak lawk ni turah ka ngai ta deuh a. Heti tal a min rawn tihsak pawh hi kan Prime Minister chungah pawh ka lawm a, lawmthu ka sawi duh a ni.

Tin, buhfai chungchangpariatnaah hian, National Food Security Act te kan han ti a. A tha khawp mai a, sum pawh kan sen tlem phah a. A changtu Minister pawh a tang a, a ti tha viau mai a. A lawmawm ka tih rualin Governor speech-ah te chuan, tun atang chuan buh leh bal ah te kan in todelh ve ta tih a inziahan hun tur hi a nghahhlelawm ka tia. Heng an rawn ziah zawng zawng hi kan mamawh ngawih ngawih an ni chung hian vai buhfai vek an la ni si a. Hmasawwna tur chu kan la ngah ngei mai a tih kha kan sawi tel leh duh a. Tin, hei Construction of Education Center tih te hi Education tih hmasawwna tur atan te hian a that hmel viau in ka hria a, mahse ka hrethiam chiah lo a.

Tin, Mizo te hi kan changkang viau tawh kan tih rual hian sap tawng kan thiam hi a pawimawh in ka hria a, tawng dang hi kan thiam a pawimawh in ka hria. A chhan chu mahni dinhmun han ngaihtuah hian helam hi kan pawimawh in ka hria a. Thil engpawh han ti dawn ila sap tawng hi a lo pawimawh khawp mai in ka hria. Chuvangin sorkar-in medium of instruction pawl sarih atanga English medium a introduce thar tur thu a rawn sawi a, SCERT in a bungrua leh a hmanrua te a ngaihtuah tih ka han hmu a, min ti phur ve riau mai.

Tin, kawng chungchang hi chu kan en a, amaherawhchu contractor ka ni chiah lo a, km khat ah hian formation cutting atan engzah nge mamawh tih kha a soil azir te a lo ni leh ang a. Inchhuanna tur chi nge inchhuanna loh tur chi tuna a rawn ziah lan hi aw ka ti a. Tin, black topping atan ₹ 71.96 crore hmanna km 118.72 te leh km 1-ah nuai 61 vel hman a ni a. Hei hi a tha nge tha lo pawh ka hrethiam chiah lo a, amaherawhchu kan sawi lang ve hrim hrim a. Tin thil thar ni a ka hriat chu Mizoram Forensic Science Laboratory-ah an hlawhtlinna award an hmuhna hi

thil lawmawm tak a ni in ka hria a. Amaherawhchu hmang tangkai ila a duhawm khawp mai a, kan la hmang tangkai zel turah ka ngai a. Thil tha deuh hman tangkai loh, dan tha deuh deuh hman lem loh hi a awm leh thin a. Duhthusam ni chiah lo mahse kan hman thata kan hman tangkai chuan Zoram hian hma a sawn dawn hrim hrim in ka hria a.

Tin, pakhat kan sawi leh duh chu GST hi a ni a. GST hi 2016-2017-ah hian revenue hi ₹ 31,465.01 lakh an hmu a. Tunah January thleng hian tun kumah hian ₹ 27,176.91 lakh a ni a. Thla tina a punna hi 95 lakhs ang vel a ni a. GST hi kan hlawk pui viau em le? A tha viau em le tih leh uan pui chi nge uan pui lemloh tih te ngaihtuah ta ila. Kan rin ang hehu leh a tira kan lo sawi phurpui ang hehu hi a ni em aw tih kha ka ngaihtuah thar deuh a. Hei hi Department te pawhin kan ngaihtuah chian pawh a tul in ka hria. Tin, in zirtirna hi hei aia nasa deuh hlek hian nei ila, IT-a hmasawnlo leh changkanglo tak tan phei chuan kan han sumdawng ve a, hriatloh hi kan ngah leh lutuk a. Hei hi kan mawh chu a ni tho na in a buaithlak ka ti ang reng khawp mai (**DEPUTY SPEAKER:** I hun a tawp) A tawp nan Pu Dy. Speaker, 28-na Training for Disaster Response tih hi, SDRF te leh sikul naupang te leh a hrang hrang ho kha an training a, kan ramah hian lirngching te a tam tawh si a, MLA ho hian training ve ila, mipui hma ah kan ding nasa si a, kan sawi darh ang a, a tangkai phian lo ang maw ka ti a. Public leader kan nih avang hian training hi kar khat vel tal min pe ve se, hre ve vek mai ila. Khaw tam tak ah kan zin a, kan campaign pahin kan sawi thin ang a, a sawt viau awm mang e tih ka ngaihtuah thar deuh a, kan sawi lang a ni. Ka lawm e, Pu Deputy Speaker.

DEPUTY SPEAKER : Pu T. Sangkunga

Pu T. SANGKUNGA : Pu Deputy Speaker, ka lawm e. Kan Governor thusawi hi he House-a tun term-a kan lo luh ve chinah hmasawwna atan a ropui ber tum leh fak tlak niin ka hre tak zet a. Para 2-na atang hian NEDP-a an lut chat mai te hi a pui hi ka ti a. Tun hma in tuma thal ve theih loh tuikhur cheng crore 180 vel kum 10 chhung khan kan hmu in ka hria a. Tunah chuan NEDP-ah hian kum 2 chhung hian crore 750 kan han hmu a, nakum lamah a aia tam kan nei leh dawn niin a lang a. Chuvangin NEDP_a a han lut chat mai pawh hi a awm in ka hria a. Chuvangin kei pawh kan lut deuh chat mai ang a, hun a tawi si a. A hmasa ber chuan thingtlang leh khawiah pawh hmasawwna atana thil pawimawh chu kawng tha leh

eng tha a ni. NEDP that zia chu eng atan pawh a hman theih hi a ni ringawt mai a, hei hi a danglamna a niin ka hria a. Bahhnukte nen hian ka tehkhin deuh hlek a, kawng a that loh emaw, a min emaw pawh khan kan hmang thei a, kawng thar laih dawn pawhin kan hmang thei a, damdawi in building sak nan pawh kan hmang thei a, LAD step rem ringawt pawh hi a hlu tham a ni. East Tuipui constituency angah te phei chuan kum 20 chhungin LAD hnathawh hi ka hmu miah lo e ka ti a. Mahse kil khata ka kalna ah chuan 'step tlem an rem ve a sin' an ti a. Chu chu kum 30 dawn chhungin a tir atanga LAD hnathawh a ni a. Tunah chuan NEDP atang hian khaw te tak te ah pawh step hi a lo awm thar vur mai a ni. Hei hi enge ti ila NEDP a ni vek mai a. Mumang ram te a ni awm mang e han tih dawn chuan a tak a lo ni bawk si a. Hetiang kan han nei chho thei hi ropui ka ti a.

Tin, Agriculture link road thar hi khaw tin maiah hian kan nei a. Ka bial ah phei chuan Tlawva Mini Hydel Project kan siam mek a. A Department officer pakhat in a lo delay avangin NABARD ho in tangka an release duh tawh si lo a, vaibelchhe 50 chuang kan seng tawh bawk si a, a tawp der mai a. Khi Project atang khian fur vang lai taka Champhai District enga chawm phak, thalvaekchar ah pawh East Tuipui constituency chawm phak tura ngaih a ni si a. NABARD khan Fund an release thei tawh bawk si lo a, an dan in a lo kalh si a, vaibelchhe 55 han sen tawh hnu a tawp kha a ni thei bawk si lo a, daihzai NEDP a awm alawm tiin kan han dil a, vaibelchhe 12 zet mai minrawn pe a. Hei hi chuan zo var var tura ngaih a ni. A daihzai zia kha a lo lang in ka hria a. A thawktute khi han chak phei se chuan kumina hawn ngei ngei tur a ni, pawisa a awm a, hnathawktu an nikhua lo ringawt a ni. Chuvangin ka bial phei chuan NEDP hi kan chhawr em em a. NEDP hian BADP atangin rural road nasa takin min laih sak a. PWD-in NABARD hnuai atangin cheng vaibelchhe sawmli leh pariat sengin Tuipui-Khawbung, Khuangleng-Mualkawi road minrawn siam sak leh dawn a, kan chhawr em em mai a. Tin, NEDP hian hmun hrang hranga kan scheme tawp tawh turte puih nan min hman sak a. Agriculture-ah hian WRC-ah ringawt pawh hian hma kan sawn nasa a, a lawmawm tak zet zet in ka hria.

A dawt lehah chuan Vety Department-ah hian hma kan sawn puiin ka hria a, NEDP hi kan chhawr nasa dawn khawpin ka hria. NLUP hlawhtlinna i hriat duh chuan East tuipui bialah kal rawh ti ila a sual ka ring lo a. Ramhnuai in kal phei chuan Se lian pui pui hi a lo awm khup mai a ni. NLUP hmasa ah khan khaw khatah

Sial za te, zahnihte nei an awm nual a. Mahse a hungna barbed wire a awm tak loh avang khan an lo pun zel khan mi huanah leh lo-ah an lut a, lo leh thlai a ti chhia a, khaw thenkhat phei chuan an ti rem ta vek a ni. Tun tumah hian kan Minister zahawm tak nen hian kan in be reng a, NEDP hnuai atang hian barbed wire an rawn lei teuh mai dawn a ni. Khawkhata Se zathum rual awmna khi chu an mangang tan tlat, a hungna a awm loh chuan mi huan thlai leh lo an ti chhe tan tlat. Se sa tui zia leh min an ngaihsan zia chu tunlai Aizawla NLUP kut puiah khan enge zo hmasa ber leh indaih loh ber kan tih chuan Se sa a ni ringawt mai a ni. Tin, inneihna-ah leh lungphuna ah leh krismas leh kumthar hman nan Aizawl lamin Sial an rawn kai nasa a, a pachal khi a awm hman tawh mang lo a. Chutiang khawp chuan NLUP hlawhtilinna hi in hriat duh chuan khilaiah khian han kal ula a lo lang mai ang. Sial vulhna farm ah khan thing a lo len zel chuan (a ek leh zun a ngeih ropui mai si a) chaw pek tur hi a awm lo thuai mai a, chul thar kum hnih, kum thum kal ta vela neihte kha a chaw thatna lai tak a ni a, khalaiah khan va hun sawna va dahte kha a ngai thin a. Chutiang chuan barbed wire a nih chuan khang vah faiahte pawh khan a va sawn mai theih a. Tuna kan Minister-in NEDP hmang tangkai thiama ruahmanna a siam hi kan chhawr em em dawn a. Sorkar chungah leh Vety Minister chungah kan lawm hle a ni.

Health Care lamah hian NEDP min tihhmasawn zia hi a langin ka hria a. Tuna an sawi fo Comprehensive Health Index, NITIAAOG ho-ina an siama state tenau-ah pakhatna kan nih chhan pawh kha NEDP hian a contribute tam ngawtin ka ring. Khawl tha ber ber kan neih theih phah a. Khawl a that loh chuan doctor thiam eng ang pawh ni se a ngaihna a awm lo reng reng. Mi pumna kha zu pawng zai risk theih a ni lo, khawla zuk en hmasak a ngai, a thisen test hmasak a ngai .Chung zawng zawng atan leh tuna Medical College kan tihna pawh hi NEDP awm lo se a tihngaihna a awm lo reng reng a. Chuvangin he bahnukte hi ruling tan chuan a tih mi mai mai mang e aw ka ti a. Thil huatthlala lo tak a ni, han sawi chhe thin mahse ‘ka mit a ti var miao a,’ tih ang kha a ni a. Zawngtetui-ah pawh khian han kal rawh u, ‘NEDP-ah hian enge in thawh’ han ti ula, Khawchhete-ah pawh han kal rawh u, khawiah pawh hian a awm vek ringawt mai a ni. Hetiang scheme tha Khawchhete han tih a khua aimahin khaw te takte tihna a nia. Ka’n tum taka chu khaw pui lo tak khua-ah pawh kal ula ka’n zu tihna kha a ni a. Khangah pawh khan NEDP lang lo hi a awm lo reng reng! Hetiang kan sorkar-in a duang hi a lawmawm ka ti a, a va tawp

hma ve, i en sual a ni lo maw Pu Deputy Speaker? Tawite-in kan ti leh ang a, min lo ngai thiam la, Open Defacation Free, Swachh Bharat Scheme hnuai ami hi ropui ka ti a. Kan naupan lai (thingtlang khua chu han sawi ta lo ila) GM High School Champhai-a kan kal lai pawhin ramhnuaiiah lehkha kan va zir a, tlangsam hnuaiiah daikal a chhuah hi chuan kan inhlum tawp a, tlangsam ro kha kan thliak mai thin kha a ni a. Tunah chuan a district pumpuiin Champhai District-te kha Open Defacation Free-ah a hmasa ber kan ni a, district engemaw zat nichinah kan sawi thluah tawh kha. Khang kha hmasawna ropui niin ka hria. Kan rual u deuh, Pu Hruaia khan a ti a, “Culcutta-ah sport-in kan zuk kal a, kan puan in bulah khan ek pakhat hi a lo awm a, vai ho khan Mizo ek an ti a, keinin Vai ek kan ti a, kan inhnial nasa mai a. Mahse a chungah hian hmawhlte hian a lo delh bal mai a, a e tu zawk chu a hriat khawp mai a,” a ti a. A delh bal tu kha Mizo zingah chuan khawiah pawh a awm a ni. Kha kha an bo duak mai tur hi chu hmasawna-ah leh hriselna-ah hian a tangkai hrim hrim mai a. Hetiang kan han nei te, hemi scheme atanga Tourism Departament-in Hotel hrisel zawk nan chawhmeh ei bang chhung bawh a, lo thleng thar thlenga va suah leh min an hrisel loh pui nasat zia leh a that loh zia te, a chi hrang hrang training an han pe hi NEDP hnuaiia pawisa atang vekin a ni. Nichina Home stay an sawi te nen khan a inzawm vek a. Khatiang kan Governor thusawia a lo lang hi a ropui ka ti a.

Tin, sports lamah infrastructure kan tih nasat zia leh gold medal leh medal chi hrang hrang kan lak tam zia te, sport hi eizawn nana an lo hman nasat zia te, tukin pawh English Newspaper kan chhiar a, Jeje Lalpekhlua’n vawihnih a chhuih goal tih te a lo ni a. Han keu ila Mizoram hmel ti mawitu chu (DEPUTY SPEAKER : I hun a zo daih tawh a nia, tihtawp tum tawh la)

Aw le, a tawpna tak takah chuan zirna-ah lawmawm ka tih em em chu Pu Deputy Speaker, tunlaia an tih thar CCE Examination fail leh pass awm lo a an ti hi ramin a chhiat pui lutuk a, ka kalna apiangah naupangin an zir tha duh tawh lo an ti.

Pu T. SANGKUNGA : Sorkar a tang em em a, India ram pawhin hei hi a hria, an ti tawp tur hi a lawmawm ka ti tak zet zet a. Assam Education Minister phei chuan kum thar atang hi chuan central in an ti emaw, ti lo emaw kan ti tawh lo reng reng ang, fail leh pass awm lo hi a lo pawl lutuk a ti a. Kan Minister te an tang em em a, Science leh Mathematics teacher te min han pek belh a, zirnaah miin hma a sawn loh chuan a tih theih loh. Pawl 6 atanga medium of instruction-a English an

hmang tur ringawt pawh hi a ropui lutuk a, Pu Deputy Speaker, a lawmawm tak zet zet in ka hria. Quality education-ah hian mid-day meal phei chu naupang an hmeltha sawt lutuk! Tunhma (chhun chaw pek hma kha chuan) thingtlang naupang hi an fe fawr mai a nia, chhun chaw an han ei chinah chuan lehkha an thiam mai bakah thingtlang naupang hi an hmeltha em em a ni. Hemi kawnga education hmasawn zia te hi han sawi a chakawm hle na a hun in min daih ta si lo a Pu Deputy Speaker, khawngaihna in tlem min pek belh a, ka lawm e.

DEPUTY SPEAKER : Le, tunge sawi leh ang? Kan hun neih hi dar 4 thlang a ni a, a tawpah khan in inchuh leh ang e. Dr. K. Beichhua i lo sawm ang.

Dr. K. BEICHHUA : Pu Deputy Speaker, ka lawm e. Governor zahawm tak thusawi/speech sawiho theihna hun kan nei hi lawmawm ka ti a. Ka ngaihmayh thenkhat ka rawn sawi ang a, a vaia sawi hman a ni dawn lo a. Pu Deputy Speaker, tun kan session hi session mak dangdai tak a niin ka hria a. Nimin kan han tan kha kan Governor kha a lut hmasa ber a, Speaker-in a zui a, chumi hnuah Opposition-in kan zui leh a, National Anthem kan sak zawhah kan House Leader leh member zahawm tak tak te an rawn lut ve chauh a. Ka rilruah hei hi tuna kan sorkar lai mek tlakna tur silent symptom a ni mai lo maw tih hi a lo lang a ni. Kum tawp lamah sorkar thar a ding dawn tih signal min pe in ka hria.

Pu Deputy Speaker, paragraph 1-naah khan 2017-2018 chhung ruahtui tam zia a rawn sawi a, ruahtui tama chhinchhiah/record pawh tling hial a ni a rawn ti a ni. Chutihlaia ka rilrua lo awm chu nimin lamah chuan chhim lamah ruah a sur nasa mai a, thli te pawh a tleh a, kum kan tan chauh a, a la sur leh a, nikum ang kan nih chuan, ruah hi tam chho zel te phei chu ni se chuan, Mizoramin kawng tha kan neih loh chhan hi ruahtui tam vang kan ti baw si a, kawng tha hi kan va han nei har dawn e tih kha ka rilruah a lo lang a ni. Chuvangin Pu Deputy Speaker, rilruah ngaihtuahna tam tak a rawn sawi atang khan a lo lang chhuak a. Tin, kan NLUP chungchang te pawh kha a rawn sawi a, NLUP has been a substantial contributor that decline of jhum area by 31.37% during the last 6 years a rawn ti a ni. Chutih rual rual chuan ka mitthlaah C&AG Report-a rawn lang ve leh baw a ni. Vawinah hian kan NEDP te, NLUP te a hlawhtling ti tute nasa takin kan au a, a lehlamah thlirna tlang dang C&AG report atanga kan han thlir leh hian Zoram mipui hian khawi zawk hi nge kan pawm ang tih hi question lian tak niin ka hria a ni.

Pu Deputy Speaker, sawi zung zung ta ila, Health Care Service chungchang te pawh a rawn sawi a, thil lawmawm tak te pawh a rawn sawi a, facilities kan neih ang te leh infrastructures kan neih ang te pawh a rawn sawi a, H&ME hnuiaia programme hrang hrang te pawh a rawn sawi a ni. Chutihlaia ka rilrua rawn awm chu vawiina kan ram dinhmun population tlemte, society tha tak tan chuan vawiina kan programme tha tak tak te hi a guideline ang leh right man at right post ang theuh hian a thawktute doctor te hi dah ta ila, India ramah pawh model state kan ni thei a ni tih hi ka dinna a la ni reng a ni. Vanduaithlak takin Mizoram hi eng vang nge HIV/AIDS-a India rama pakhatna kan han ni mai te, nitina mi 5 in a thara kan kai belh reng mai te, cancer vei tam ber hnam khawvel anga kan han ni mai te, Hepatitis kan han vei nasat zia te hi ka ngaihtuah hian kan in bih chian hi a van pawimawh em! Heng hi engnge ni a chhan tih member te hian uluk taka kan in ngaihtuah a pawimawh hlein ka hria a ni. Tin, kum tharah hian NHRM atangin pawisa tam zawk kan dawng dawn tih te pawh a rawn sawi a, pawisa hi a tam zawk dawng ta pawh ni ila, a bik takin Health Department-ah hi chuan department dang ang a nih lohna lai hi a awm a, sorkar hian a hun takah hian pawisa release thin se, K-Deposit-ah emaw, khawiah emaw hian dah mai lo se, a chhan chu department dang nena a inan lohna chu thih leh dam kar thil a ni tlat mai a ni. Chuvangin sorkar hian Health Department pawisa hi a hun takah release zung zung se, programme te hi uluk deuhin kal pui ta ila, achievement tha zawk kan neih ka ring a ni.

Tin, P&E Hydro Electric Project is expected to be completed within the financial year of 2017-2018. Khaw lam hla biala awm kan nih vang nge mawni, Prime Minister lo kal khan kan hawn tir daih tawh emaw ka ti a, unit 1 test programme kan lo hawn tir mai zawk nge tih te pawh kha ka rilruah a lo lang a ni.

Tin, Pu Deputy Speaker, to improve the quality of education at parallax of learning a ti leh ta a, ka mitthlaa lo lang leh chu kan Speaker bial Tokolong Goverment High School-a zirtirtu pahnih chiah an awm te a rawn lang a, chu pawh chu a station-a awm mang lo va pakhat chauhin a High School student 50 chuang a zirtir te a lo lang a ni, a bul lawk Phura-ah, kan Speaker bialah bawk zirtirtu indaihloh avangin khawtlanga mi tlawmngai ten sorkar school-ah a thlawnin zirtirna te pawh an pe thin a ni. Chuvangin kan education-ah hian inen let tur a va han tam em! Mizoram hmun dang dangah pawh hian chutianga indaihlohna sawi tur a tam a ni, kan sawi vek hman dawn lo va, education-ah hian kan inen let a tul hle a ni.

Tin, ka ngaihawh em em maintenance of law and order remains a top priority of my Government tiin a rawn sawi a ni. Vawiinah hian Pu Deputy Speaker, khulai lawk Bairabi-ah law and order kan maintain leh maintain loh chu Zoram mipuiin kan hria. Member zahawm tak Pu K. Sangthuama nen ni 9-ah khan a hmunah kan zuk kal a. Engnge ni khu lai thil thleng tih te zuk enpuin, kan naute dinhmun te kan zuk enpu a, chutah chuan a hmun kan thlen chuan rilru a na ngawih ngawih a ni. Lehlam Assam lam atangin police 500 rual vel an awm a, Magistrate a awm bawk a. An Magistrate nen kan in bia a, ‘vawiinah hian helai tension sang lutuk hi solve dan i ngaihtuah ang u, in police te hi withdraw ta ula, kan nau te pawh hi tha takin kan ngen ang a, kan problem tuna kan situation hi kan solve vat a ngai a ni, chuti lo chu kan police te an lo kal ve ang a, hei aia thil tha lo te pawh hi a thleng lovang tih kan sawi thei lo,’ tiin an Magistrate hnenah ka sawi a ni. An Magistrate chuan, ‘Mizoram police an lo kal dawn lo,’ a ti a ni. ‘Engtinng e i hriat?’ ka ti a ‘Are you sure,’ ka ti a, ‘I am sure,’ Assurance min pe thei em?’ ka ti a, ‘ka pe thei che,’ min ti tlat mai a ni. Mak ka ti hle mai Pu Deputy Speaker, hnuk te pawh a ulh deuh rum rum a ni. ‘A nih leh Mizoram state sorkar nen green signal in in pe reng a ni maw?’ ka ti a, min chhang tawh lo a ni, “aw” pawh a ti lo, “no” pawh a ti lo. Chutiang dinhmunah chuan kan awm a, a tukah khatiang thil kha a rawn thleng zui ta a. Khami niah pawh khan police-ah kan rawn kal a, OC hnenah, ‘vawiinah hian law and order maintain turin sorkarin a dah che u a, saw lai lawkah law and order a fail a, in kut hi in kuangkuaah reng dawn em ni?’ tiin ka zawt a ni.

Law and order a fail a, in kut hi in kuangkuaah reng dawn em ni?’ tiin ka zawt a ni. “Ka pu, ‘ti rawh’, min ti tu tur leh ‘ti suh’, min titu tur, kan nei a, “ti rawh’ min tih chuan kan ti ang a, ‘ti suh’ min tih chuan kan ti thei bik lo a ni” an ti a ni. An rilru pawh a na viauin ka hria.

Chuvang chuan law and order kan maintain ah hian kan in enlet a tul hlein ka hria a. Ni 10 ah chuan khatiang thil duhawm lo tak kha a lo thleng a. Keimahni ramah ngei silaiin min kap a. Duhtawkin min hlap a, zirlai an ni nge, journalist an ni nge thliar hrang lovin keimahni lam kan law and order kengkawhtute khawiahnge an awm tih kha Zoram mipuiin kan zawhna a ni.

Chutiang chuan helaiah hian law and order chungchangah nasa takin he sorkar hi a fail in ka hria a. Tukin lama kan Home Minister hnen atanga thu

lungchhiatthlak deuh kan hriat kha, Kolasib DC in CRPC 144 a puan kha kan Home Minister ngei hian a hre lo a ni. Chu chu engnge ni ta ang? Tun ang thil sensitive tak kan Home Minister hriat lohva kha thil thleng kha engnge ni he Ministry-ah hian awm ta tih te min ngaihtuah tir a ni, Pu Deputy Speaker. Chuvangin he ram rawng kan bawl hi ngaihtuah chian hle a pawimawhin ka hria a ni, Pu Deputy Speaker. Vawiin tlaiah engnge thleng ang kan hre lo. Naktukah engnge thleng ang kan hre lo. Law and order hi chu a fail a ni tih ka sawi duh a.

Tin, drugs leh thil dang kan mante pawh kha a rawn tarlang bawh a. Kha drugs leh ruihhlo dang kan mante pawh kha inchhuanna thil a niin ka hre lo. Iceberg phenomenon ang lek a niin ka hria a ni. Kan man kha tlemte a ni ang a, vawiinah hian Zoram hi drugs bupuih kan siam tawh a ni lo maw? Zan tlai tawh takah helai Assembly House leh Zodin Square inkar lekah hian zu leh drugs vanga rui thalai hmuh tur an tam zia te, hengte hian kan law and order fail zia hi an auchhuak ni ber hian ka hria a ni Pu Deputy Speaker. Chuvangin vawiina kan Zoram dinhmun chu eng dinhmunah nge a awm tak? HIV/AIDS tamna ber India ram state ah kan ni ta. Thla khatah mi 150 hi a tharin kan kai reng a ni. Thlatin chuti zat chu kai chho zel ta ila, Pu Deputy Speaker, he ram hi eng chen nge a daih ang tih hi ngaihtuahna min neihtir a ni.

Chuvang chuan vawiinah hian law and order kan maintain na Dan hi thuneitute hawh u, kan kut tha tichak ila, in enchiang teh ang u. Vawiina zu kan zawrh vang hi a ni lo maw, hmeithai heti em ema kan tam tak? Zu kan zawrh vang hi a ni lo maw HIV/AIDS vawiina heti em ema kan tam tak? Accident-a thi thalai an tam tak em em hi! Y.M.A-in chhiat tawh thu a rawn puan hi ngaihtuah ta ila, pitar putar an awm mang lo. Thalai thi deuh vek an ni. Heng zawng zawngte hi law and order fail vang a ni lo maw? Vawiinah hian MZP ten nasa taka hetia rilru na taka ram chhan nan tia theihtawp chhuaha an pen chhuahte hi law and order fail vang a ni lo maw tih min ngaihtuah tir a ni. Chuvangin Pu Deputy Speaker, sawi tur tam tak ka nei a. Sawi dawn ta ila chuan ka sawi tui tulh tulh mai dawn a, chuvangin ka hun chiah chiahah ka titawp mai ang e, ka lawm e.

DEPUTY SPEAKER : Tunge han sawi leh ang? A support lam kha panga velin an sawi tawh a, lehlamah khan support lo chiah pawh ni lem lo pathum. Pu K. Sangthuama.

Pu K. SANGTHUAMA : Pu Deputy Speaker, ka duhthu ka sam vak loh avangin ka sawi lo mai ang ka ti a. Mahse, tlem azawng chu han sawi ve hram ila a that ka'n ring a.

Kan Governor statement hi kum dang ai pheii chuan a tlem daih mai a. Tin, hengah hian thil pawimawh tak tak sawi loh a la awm nual bawh a. Entir nan kan Medical College tur ang te pawh saw helaiah hian hmuh ka'n beisei ve deuh hlek a. Mahse, kan kal zel dan turte leh vawiina kan progress te leh khatiang ang chi te kha hetah hi chuan (Mizorama kan project lian ber a ni mai a nia, tunah chuan) kha kha in tih hmaih nge ni, a ziaktuten an pek hmaih nge chu kan hre lova. Khatiang te te khan eng eng emaw han sawi awm sawi loh a awm nualin ka hria a. Mahse, chu chu kan sawi seng vek lo ang a.

Hei, GST hi nichinah te pawh khan an sawi a, GST-ah hian kan tlahniam teuh mai a. 2016-17 leh 2017-18-ah hian kan tlahniam hret a, vaibelchhe 42.89 velin kan tlahniam a, chu chu tun financial year hma hian a la rawn cover thei dawn em chu kan hre hauh lova. Engatinge, nikum lam ai khan tam zawk awm tak a ni a, a tam loh chhan hi engnge ni? Hei hi ngun taka en a ngaiin ka'n hria a. Chuvangin kum khat chhunga crore engngemaw zata tlakhniam ngawtna kha an pe tha lo nge ni, GST kan collect dan chungchangah hian kan ram mai ni lovin India ram pumpui mai hi a fail deuh nge ni chu ka hre chiah lova. Mahse, keini helai crore tlemte ah pawh tiang khawpa a tlakhniam chuan GST hi a fuh chiah lo nge tih hi ka rilruah chuan a awm mai mai a. Chuvangin sang zawk awm, hniam zawk te a ni ta mai bawh si a, heng hi. A tha lo khawpin ka'n hria a.

Tin, zirlai chungchangah hian, excursion-a an hman tur ang chi, tun hma kha chuan kan nei a, keini kal ve laite pawhin tlem tlem chu a awm a; tin, tun hnu thleng pawhin a awm zel a. Kumin budget-ah hian in dah nge dah lo kan la hre lova. Hengte hi zirlai harsa zawk Silchar pawh la hmu lo, Gauhati pawh la hmu lo ang chi te hi mi tam tak an awm a, hengah hian Education lam atang hian ngaihtuahna thar hman chu a ngai khawpin ka'n hria a. Tin, kal duh eng eng emaw awmte pawh hi an lo kal ve fo a, kan intanpui tam thei si lova, a huhoa an kalna tur angah khan cheng sing hnih khat te kan lo tih ve theih chuan, chu chu kan tih theih chauh a ni a. Helaiah hian naupangten ram an hmuh zau ve theihna dan ngaihtuah hi kan Finance

lamte pawh khan (vawiina kan ti lo a nih pawhin) hun kal zelah chuan rilruah lo nei se tih kha a thain ka'n hria a.

Buhfai chungchangte hi chu kan budget atang khan a hmasa pawhin a hriat vek a. Tin, pawisa saving hi ni e, awm tur a ni hrim hrim. Food Security Act an tih atang khan kan buhfai dawn dan hi, mi nuai 7 vel khan kg ah ₹ 3/- in kan dawng a ni mai a. Central sokarin hetiang hian arawn ruahman a, ₹ 15/- a la hi chu mi tlemte an ni a. Chuvangin central scheme a nihna ang hian pawisa chu saving chu a awm hrim hrim tur a ni a. Tun aia tam mah te pawh hi saving la awm thei turah kei chuan ka ngai a. Chuvangin heng kawngah pawh hian sorkarin tan a lak zel chu a ngai hlein ka hria.

Tuna kan thenawm state te nena kan buaina tlem tlem awm hi naupangten an tawrh loh theih dan ang bera kan ngaihtuahpui hi a ngai a. A dik chiah chuan kan sorkar pawhin khutlaia an Chawlbuk sakna ah hian tlem chuan kan ngaihthah deuh niin ka hria a. Khuta kan zu kal pawhin kan Home Minister zahawm tak hi a phone theihna hmasa berah ka phone a. Kan MZP te kan deal dan hi ngaihtuahna tak tak hmang teh u, hetia duh duha invuak mai emaw, hetia ngamlo deuh maia awm hi kei chu tha ka tih ve zawng a ni lo a.

Tunah pawh kan kal a, engpawhnise anmahni dinhmun leh an awm dante zu en ve kha kan tih theih a ni mai a. Chutihlaia MZP 'lo sa ngei ngei rawh u, chawl rawh u,' tih kha chu keini zu tih tur pawh a ni lo a, kan ti bawh lo a. Chuvangin a tira ka rilrua awm dan chuan kan Home Minister khan huaisen takin police kha dah thla ve tawp mai se chuan an inkah em em pawh ka ring lo a, police leh police kha chu. Khati khan rem siam a awl viauin ka hria a, mahse kan lo ti lo zo tawh a ni a. Tun hnuah hetiang thil thleng a awm leh pawhin zam miahlo in, state lian zawk an nih avanga zum mai lo a kan tih kha chu a ngai a ni.

Hetiawng kawngah hian politics thilah tumahin kan la lo. A ram pum, engnge ni, party party pawhin kan la chuanglo. Chuvangin a ram pum tanho a ngai a, kan tanrual theihna hi ngaihtuah a ngai khawp mai. Khutlaia Pu Ch. Chhunga rama an han sakna khu kan sorkar lai khan khulai khu Pu Rammawia Agriculture Minister a nih lai khan rualremlo deuh mai a ni a khulai khu. Leilet pawh a tih vak hleihtheih pawh a nilo.

Tichuan Agriculture lamin min laih zawlsak ani Pu Ch. Chhunga ram zawng zawng khu. Mam tha takin an siam a, tunah pawh mam takin a awm a ni mai a. Khang lai kha chuan a dik chiah chuan an rawn tibuai chiam lo tun ang khuan. Tun tumah hian leh kan nauten khutlaia in an sak tak vang khan anni hian hetiang hian an rawn ti ta mai a ni a. Hun kal zelah engemaw a awm a nih pawhin inthlahrung miah lo in kan sorkar hian ti se kan zavaia in kan tang dawn alawm.

Khalai kara tangrual tur khan kan awm ang a, tumah indem hman kan ni lo, ram tan tak tak kawngah chuan. Chu chu kan rilruah awm se ka duh tak tak a. Tuna Chawlbuk sakna atanga km engemawzat khu Mizoramin kan claim a la ni a. Khu khu kan ramri chiaha kan ngaih pawh a la ni lo ang a. Khami atang khan thui deuh kha a la awm ta a. Chu chu thenkhatin khulai chin emaw lo ti leh mai tawh te pawh an awm thin a. Helaiah hian ngaihtuahna thuk tak kan hman zel hi a tha in ka hria. Ti lo chuan dawih aw zawka kan sorkar leh mipui kan tan chuan min rawn luh zel ang a, hetah an la rawn ti mai dawn a ni.

Chuvangin IR pawh kan ngah bawh a, Armed Police te pawh kan ngah ve bawh a, a awm tawh ang hi chuan zamlo turin vawiinah hian kan hrilh duh che u a. Kan zavaia mipui nen kan tanrual a ngai a ni, kan ram hum tur khuan. Pu Deputy Speaker, vawiinah hian, engnge ni, nizan lamah te khutlaia kal thla lo a sa lo turin an lo ti leh nge chu ka hre hauh lo a. Vawiin hi sak an tum lehna ni kha a nia, nge ni kan inkhap dai leh mai dawn nge ni tih te pawh kha ngaihtuahna siam ila.

Inner Line Reserve ah hian Chiang deuhin a awm vek a, a dik chiah chuan. Hman kuma kum 2012 vela khutatanga an lehkha rawn thawng zawng zawng atangte pawhin kan ram hi a dik chiah chuan Dholai-ah khuan boundary phun tam tak a awm a. Chu chu an pawt a, an duh duhna ah an ti mai a nia. Chu chu Dholai chiah khu hmanlai keini pian ve hma daih atanga ramri a an ngaih a ni a. Chuvangin helai hi Chiang takin zia a awm vek a. Mahse kan ngamloh deuh thin avang hian tihian an rawn tawh an rawn tawh a, Vairengte thleng dawnin kan ram te an rawn ti a. A dik chiah chuan a ram hi chu, boundary hi chu thu ringawta sawifel a har lutuk.

A har em em mai a, Nagaland pawh kum 70 independent an sual tawh a. Greater Nagaland te hi vawiin thlengin an la ti a, an la hlawhtling chuanglo a ni. Chuvangin dawih miah lo in kan ram ni a kan ngaih chin khu huaisen takin awm ve tawp mai ila. Central sorkar hian naktip nakthai mai ah hian ramri hi a rawn kham

chuanglo ang. Ramri harsatzia chu kan zavaia hria kan ni a. Chuvangin khuti chin khu hauh ve tawp mai ila. Chutah hei ziaak tam tak a awm a, ziaak tam tak ah hian central sorkar khuan min tan lemlo a nih pawhin hei ziaak a awm a, kan hmuh ve ang a, tichuan kan ram china kan ngaihah khuan kan sipaite pawh awm ve tawp mai sela. A mipui khan kha kha chiang ila kan tih tur niin kei chuan ka hre ve thin a. Engpawhnise tuk hnih khatah chuan a sawifel theih mai loh a.

(DEPUTY SPEAKER : Hun a tawp e.)

Pu Deputy Speaker, minute khat chauh. Thenkhat chuan MNF demna ang zawng zawngin, ‘engatinge in inremna ah khan in ziah fel loh a, in thiamloh a ni,’ an rawn ti a. Khutilaiah pawh min zawt a, TV-ah khan ka rawn sawi a. Hei hi MNF thiamloh a ni hranlo a, kan pute khan District Council sawta mi leh ramri chungchang hi chu hemi tello chuan kan inrem thei lo ang an ti a. Mahse hemi in tih loh chuan kan inrem thei lo ang, Chakma District Council pawh tunah kan thiat ngawt theilo. Chuvang chuan heng kan tihloh avanga inremna hi a tih theih dawn loh a nih chuan kan ti lo mai ang an ti a.

Tin, Pu Deputy Speaker, tuna ramri kan inchuh fo a pawh khu ramri hi tifel ila, he ramri tihfel loh hi chuan chhuah pawh hi kan chhuak lo mai ang e ti hialin an inbia a. Mahse central sorkarin ramri chungchang hi tuk hnih khata sawifel mai theih pawh a ni lo ve, engpawhnise lo dawh hram hram ula, hei hi chu nakinah in chhuah a hnuah sawifel theih alawm an ti a.

Chutih rualin hetilaiah pawh kan hmu vek ang a, 1986 kumtir lam leh March-April vel bawrah hetilaiah zirlai tam takin chaw an nghei a, kan zavai khan kan buaipui a ni a. A kohhran ang pawhin Pu Deputy Speaker, kan zavaiin ramri khu kan buaipui a. Chuloah engngeni, tunah lo chhuak mai ula, heng hi a tih theih loh a nih pawhin in lo hawn ang ang hi kan lawm tawk, kan pawm vek. Party zawng zawng pawh kan tel kha, kohhran a tel a, YMA a tel a.

Mipuiin an duh si a, chuvang chuan khami ramri tuk hnih khat leka sawifel mai theih ni lo, ram pahnih pathum Assam atanga indang kan lo awm a. Khang zawng zawng nena inrawn khawma tihloh chuan a theih loh a. Inrem phawt ila, chumi hnuah kan tifel dawn nia tih a ni a. Amaherawhchu Pu Deputy Speaker, hemi kawngah hian, ramri tihfelah hian a thuphung hrim hrimin awlsam taka tih theih a ni

lo a, kan ram china kan hriat hi kan zavaiin House-ah pawh lungtual takin, mipui ah pawh lungtual takin tlanhhe aw lo in awm ila.

Chuvangin vawiiinah hian hauh ve tawp mai tur a ni. Kan ram khu hauh tawp ila, chu bak chu tih theih kan nei chuang lo. Chu chu Pu Deputy Speaker, chulai kawngah chuan sipai pawh hi dahthla ula, khulaiah khuan awm tawp mai se an tlanhhe bik lo ang. Kan police te hi an dawih lo hrim hrim. An dawih chuango hrim hrim a dik chiah chuan. An hnungah hetilaiah kan awm a ni tih hriat ni sela. Sorkar a awm ve bawk a ni tih an hriat chuan an tlanhhe duai duai lo ang.

(DEPUTY SPEAKER : Hun i hmang pel duai tawh a nia. Tawp tum rawh aw.)

Hmanni pawh ka ti a, Mizo sipaite hi huaisen tak in ni vek a. Chuvangin sOrkar hian order chu rawn chhuah se sawlaiah sawn in awm ngam vek. Chuvangin inkah pawh ti sela in tlanhhe bik tur a ni lo te kan ti a. A dik chiah Pu Deputy Speaker. Kha kha ka sawi theih tawh ni mai rawh se, ka lawm e.

DEPUTY SPEAKER : Tunge sawi leh ang? Lt. Col. Z.S. Zuala.

Lt.Col. ZS ZUALA : Pu Deputy Speaker, ka lawm e. Kan Governor khan address a pek dawn khan a phur hle ni tur a ni. Minute 5-a advance khan a lo kal a. Tin, kan opposition te pawh kha an phur aniang keini aia hma khan an lo awm thei a, a lawmawm hle mai a, chuvangin a thusawi hi a sawi hma pawh khan kan approve tlangin ka hria a ni. Tin, a han sawi hmasak ah khan NEDP kha a han sawi tlat a. NEDP kan hotuten an han tichhuak hi a tha khawp mai a. A wording te pawh hi an phuah thiam viauin ka hria a. Improve the ease of doing business in the state a ti a. Thiltih kha a awlsam em em mai a ti a ni, kan Governor hian. A dik chiah a, hemi zarah hian NLUP-a kan harsatna hmun tam takah hei hian min pui a, min thuam sak a. Tin, chulo chu kan sorkar hmalakna a rawn sawi Housing Scheme an han tihchhuah te kha, mirethei te tana awmna tur in an han siam sak, weaker section a han tih tak te hi a tha a. Tin, a phur awm leh na pakhat chu cleanest state in India nih kan tum tih hi, tumna a awm chuan kawng a awm, kan ni mai dawn.

Tin, Agriculture hmalakna link road te hian nasa takin kan agriculture hi a improve a ni. Chubakah kan settlement atan hian agriculture link road hian nasa takin min pui a ni. Hemi outskirts Aizawl area chhungah pawh hian agriculture link road hi kan chhawr nasa khawp mai. Kawng han tihtlangna ah hi chuan in hmun hi a

let eng emawzat hian a to chho sawt sawt mai a, ram neitu tan pawh agriculture mai bakah hian ram hralhna kha a to a, khang te kha a thatna em em a ni.

Tin, hei Health Index an prepare ah hian pakhatna kan ni tih hi chu a mak ka ti khawp mai. MLA te kan nia, mi hrisello hian min dawr nasa khawp mai a, engtinng Health Index-ah pakhatna kan nih hi a department ho hi an fng hle niin ka hria. Engpawhnise, hetiang hian hma la chho zel se.

Tuirial Hydel Project kha chu sawi ngai lovin kan hawn a hma in kan hotute khan minrawn phur pui a, a lawmawm a. Tin, buhfaia thlatin crore khat deuh thaw kan save thei ringawt pawh hi a department te hi an fakawm hle in ka hria a. Tin, buhfai te pawh hi a tuilo leh thil bawlhhlawh a tam an tih te pawh kha kan ei ve reng a nia, khatiang kha chu keini chu kan tawng lo chu a nia. Hei hi checkup pawh a chakawm khawp mai a, buhfai thalo hi chu keini chuan kan la lo. Chutiang bawkin monsoon stock te pawh kan ti a, a tha hle mai a.

Tin, pakhat lehah chuan Tobacco Control Society te hian nasa takin kan state hi min pui a. Kan hriselna ah pawh hei hian min pui dawn niin ka hria a, a lawmawm hle a ni. Tin, Legal metrology hi an ti changkang a, kan bukna te leh kan gas te pawh hi tunah hi chuan a buk tling ta deuh niin a lang a.

Tin, kan sawi duh pakhat chu nichin khan member zahawm tak te khan law and order ah an fail a ni a tih kha, kan sorkar hma khan law and order kha eng ang nge ? Aizawl khaw chhungah khan kidnap leh khitilai Vanapa Hall bul vela in thah tih angreng vel te kha a awm a ni. Khang kha sawi nawn a ngaiin ka hre lo.

Tin, tunhma in Bru hel in khawthlang lam ah kan mite an kidnap a, anmahni chhanchhuah nan pawisa an duh zat zat an chhiar a, kan sorkar hmasa te khan theih ang tawkin khang te kha an lo la chhuak tih kan hria. Kan hun lai pawh khan engemaw zat kidnap chu an han ti ve a, amaherawhchu kan hotuten hma an han la a, Home ministry level atangin Bangladesh lamp te an dawr a, kan border hnaiha hel tawmna tam tak kha kan hotute request avangin an tihchhiat sak a ni. Vanneihthlak takin tun hnaiah hian Bru in mi an kidnap, sumdawng mi an rawk tih te khawthlang lamah chuan a reh a ni.

Tin, kan hre reng a, kan hotute, kan MLA team te pawh an lo ambush a nih kha, kan sipai ten an thih phah kha a ni a, tunah hian kha kha a reh tawh a ni.

Vanneihthlak takin tunah HPCD te nen pawh peace talk te kan nei a, heng ah te hian nasa takin kan Chief Minister leh kan Home Minister te hmalakna azarah muanna tha deuh kan nei tawh a ni. Kei ngei pawh hi a tuartu ka ni a. Kan in te pawh kha min bomb sak a ni a, khang hunlai khan a ralmuang lo hle a, zingah a ri dur a, tu in emaw an bomb tih kha a ni a. Tunah chuan kha thil thleng kha chu a reh hmak tawh a ni. Law and order ah hian kan hotute hian hma an la nasa hle in ka hria a ni. Tunah incident pakhat a awm a, mob rule-in thil a kal a, hei hi keimahni mi leh sa te tih a ni a, isolated case a ni a, khami a handle thu ah kha chuan duh angin action kan lo la hmanlo a ni maithei e, mahse hei hi chu law and order an fail e, tih incident chu a la nilo deuh alawm! Mi pathum, sipai te an thihna ang chi kha chu a la thleng lo a ni. Vanneihthlak takin a thleng lo turah pawh ngai ila, chuvangin law and order an fail e, han in tih tawl mai kha chu sipai bang tan phei chuan tawrh chu har deuh a ni, minlo hrethiam ula.

Hostel han sawi takah chuan kan bialah sawn Girls Hostel te an ti a, khatiang zawng khan thingtlang mi Aizawla awmna tur neilo, lehkha zir ngai si tan te khan kan sorkar hian nasa takin hma hi a la a, hei hi kan Governor in a rawn sawi lang te kha a lawmawm a.

Tin, NRHM tih hi han sawi ka duh chu, kan health insurance hi awareness hi a tha tawklo emaw ni chu aw, tih tur in thingtlang mi leh a kilkar mi deuh te hian an hre tawklo niin ka hria a. Kan titha hle tawh a, titha ber pawh kan ni a, mahse hei ai hian a la improve theih ngei chu ka ring a ni. Mi tam tak chu hospital-ah an han lut a, a treatment na tur chu sorkar-in a lo buatsaih a, amaherawhchu damdawi leina te an nei ta thin lova, hetah hian kan buai ta thin a. Chubakah voluntary organization te emaw, entirman, Ambedkar foundation scheme tih angreng vel atang te in tanpuina te a awm a, hengte nena tih hian sorkar hnathawk lo, re-imburse ve thei si lo te tan hian nasa takin tanpuina sorkar hian a siam a, a lawmawm hle in ka hria.

Tin, Sainik School hi an sawi a, a lawmawm a, hei hi kan Chief Minister zahawm tak hmalakna kan han sorkar phat, term hmasaa hmalakna kal zel, a sorkar chhunga hawn, tuna kal mek a ni a. Heng hi kan hriat angin an tan a, an kal chho zel ang a, an improve chho zel ang a, kum 5 hnuah chuan khita tang khian Plus 2 in an pass out thei turah ngaih a ni in ka hria a, improvement khi a la awm zel a. Khi khi kan sorkar pawhin a en chhoh zel

chu a ngai in ka hria a. Khimi chungchanga ka sawi duh chu kan sawi fo tawh thin a, a ram khi Chhingchhip mipuiten man loa an donate a ni tih khi a ni. Hmun dangah khawi laiah emaw project development kan han ti dawn a, 'ka ram, ka ram,' an ti a, compensation an demand a, a hna an demand a, hna a sukuk thin. Khatiang khan anni chuan an ti miah lo. Chuvangin khitilai khua leh a mipui te khi an fing hle a, an tha a, a bialtu Pu Rinawma pawh hi ka lawmpui a ni tih kha ka'n sawi duh a ni. Hei hi a tha khawpin ka hria a ni.

Chubakah chuan sawi loh theih loh thalai te khawvel hi he kan sorkar hian a din tak meuh niin ka hria a infrastructure lamah hian. Hei hi chu sawi ngai lo in a result leh an trophy rawn lakah te hian kan hre mai awm e. Kha kha ka sawi theih chu a ni e. Sawi tur chu ka ngah a, mahse ka duhtawk mai ang e.

DEPUTY SPEAKER : Kan hun neih hi dar 4:00, dar 4:00 PM kan pelh dawn chuan House remtihna a ngai a. Motion neitu leh House Leader-in sawi duh an neih chuan chung chu hun la pek ngai an ni bawh ang a. Chumi hre reng chuan minute 15 a la awm a, tunge sawi ve duh kan la awm em? Pu Lalruatkima.

Pu LALRUATKIMA : Pu Deputy Speaker, ka lawm e. Nimin lama he House-a Governor-in Address a rawn neih chungchang sawina hun tha tak kan nei hi lawmawm hle in ka hria a. Ka hun hi a laklawh zel dawn a, minute 15 chu nei mai turah ngai a, nichin khan minute 15 kha ka demand deuh char char a, mahse ka hun ka hmang zo thei ang nge thei lo ang chu ka hre chiah lo a.

Tunah hian kan hriat angin kan Governor hian a thusawi bul tan nan NLUP, NEDP-in bul a rawn tan a. NEDP hi kan hriat angin Comprehensive goes Strategies a ni a, sum pawh kan dah tam a, amaherawhchu kan hman dan te hun kal tawha sum allocation han en hian department te hnena allocation pangngai ang kha a nihna chen a awm lo thei lova. Chuvangin han sawi vul chuk emaw, han phurpui hlui tur emaw hranpa kha a awm lo a ni. Mi thenkhatte phei chuan NLUP nen an ngaih pawlh avangin dawn thleng te an lo dawh a, mimalah grant-in-aid ang ten an lo ti a.

Amaherawhchu department thenkhat hman ve dan chu treadmill lei nan te an lo propose emaw ni, khatiang te kha a ni a, NEDP hian a huam zau viau mai a. Kan pawisa zawng zawng hi NEDP-ah hian kan vawm khawm a, a vum thur mai a, sawhchiar bela a sati tha emaw, a thau te han suak palh thei department ho kha chu an mawm viau mai a ni. Chuvangin mipui riltam ruaithenhna senso ah kan vote duh vang hian kan hmang emaw ni chu aw tih theihin ngaihtuahna a awm thei a. Nakinah a result hi chhe deuhin a lo chhuak palh ang tih ka hlau ta hle mai a. A bik takin a changtu Minister te an awm a, vawiin thleng hian tu ber nge nodal department tih pawh hriat a ni lo va Planning Department hi ni turah kan ngai a, mahse sorkarin a notify miau lo va. Kan allocation of business and transaction-ah te khan engmah a awm si lo va, in siam that, in enlet a ngai hle in ka hria a.

Tin, khawpui chhung urban area tih hmasawwna turin Central Sector hrang hrang panga a rawn tarlang a, heng te hi tute pawh ni se tih hlawhtlin ngai thil a ni a. Chuvang chuan Khawpui, uraban areas ami ten hmasawwna nasa takin kan neih ka beisei a. Chutah chuan a bik takin November 29, 2017-ah hon'ble President of India-in project pakhat, mirethei in kan tih mai a rawn hawng a. Amaherawhchu, a luah tur kan awm chiah lo nge ni tun dinhmunah chuan kan la luah khat zo lo a ni a.

Tin, faina chungchangah te hma kan sawn khawp mai a kan ngaithla a. Fai hi hmasawwna a ni a, tan lak zel pawh a tul a. Aizawl khawpui ah hian ka sawi fo thin a, hmanlai Shillong ang mai in thirban ah te leh bang remchang ah te chinai kan la tat var nasa khawp mai a, hengte hi chu in enlet a tul in ka hria a.

Tin, Aizawl khawpui chhunga tui lakna chungchangah te, bawlhhlawh leh solid waste management chungchangah te UDB puihna in cheng vaibelchhe 698 leh nuai 17 zet mai, han ngaihtlak kha chuan a phurawm a, hmalakna erawh chu tunah tak chuan kan la hmu chiah lova.

Han kai zar zar ila Pu Deputy Speaker, NLUP hi Agriculture and Allied Sector – ah hian kum 7 kan vahvaih puina, hma kan lakna a ni tawh a. Flagship programme a ni a, a sawi uar deuh phei chuan Pathian programme lam a ni kan ti a. Chutih lai chuan C&AG report kan han keu a, kan han

hmu a, ‘a hlawhchham a ni,’ a rawn ti leh lawi bawk a. Chumi ti Chiang tur chuan emaw teh reng ni nimin lawkah nodal department hi sorkar-in kan tichiang thei chauh a. Khang ang chi kha tute nge Finance Department in sector allocation chungchangah direct-in line Department-ah a pe hmiah hmiah a, nodal department kan lo awm mumal si lo te kha engnge kan awmzia aw tih te ka ngaihtuahna ah a awm a, tun hnu ah chuan fimkhur phah nan hmang ila.

Tin, jhum cultivation a lo tlak hniam avangin hmasawwna nasa tak kan thlen a ni a ti a, a lawmawm khawp mai a. WRC chungchangah te hmasawwna kan hmu a, chutih lai chuan buhfai ah hian Supply Minister zahawm takin a sawi tak ang khan buh kan thar ang kan report ang hi, kan statistic neih ang hi dik se chuan Supply Department hian buhfai kan lakluh a ngai lovang tih he House zahawm takah pawh hian a sawi tawh a nih kha. Chuvangin kan statistic hi a dik chiah em tih hi vawiin thleng hian ka zawhna a la ni. Chutih lai chuan NLUP Input Purchase Board, April ni 12, 2013-a din ah khan bungrua lei nan ringawt khan cheng nuai 10,364 leh sang 4 man an lei tawh a. Hetiang hi kan dinhmun a ni a, nimin lawk ah khan NLUP Kutpui kan hmang a, zupui leh zufang te kha eng trade nge ni dawn ni, a ngaihna pawh ka hrethiam lova, a lun viau mai an ti a. Kan thil thar chhuah kan hmasawwna leh kan hlawhtlinna kha kan entirna hmun turah ka ngai a. NLUP-ah khan trade hrang hrang kan han ti a. Khawthlang lama kan thian pakhat chuan, “kan thenawm pitar chu Department pakhat office-ah a va kal a, a NLUP dawn ve tur an han en a, ‘Ka pi, i NLUP trade chu Workshop Mechanic a ni an lo ti e,’ a ti a. Pitar Workshop Mechanic trade han pek kha a intu lo a ni. Bekang um han tih te kha a that viau laiin khalaiah khan tute nge a line department te pawh kha hriatthiam a har duh viau mai a ni.

Chumi bakah chuan software mi tam tak kan pe a, Japan-a zirna turah te kan pe a, an rulh leh dan tun thleng hian hriat a la ni bawk si lova. Tin, kum 7 kan kal chhung hian kan hlawhtlinna hi nasa tak a ni tawh tur a ni, marketing hi buaipui tham a awm tawh tur a ni tih hi Pu Deputy Speaker, ka ngaihdan a ni a. Amaherawhchu, a hralhna lam buaipuitu tur MAMCO te chu contract hna KVK emaw, JNV emaw, contract hna kha kan buaipui tir ta daih mai a, kan thiat a ni deuh

ber mai a. Chutiang chuan kan trade thenkhat ZOHANDCO te pawh kan thiat chu a ni deuh ber mai a, chungtiang chu kan tun dinhmun a ni a.

Kan hriat angin GAD hian February ni 6, 2018 khan 'NLUP line department chu Agriculture Department hi ni rawh se,' tiin order a chhuah chauh mai a ni. Chungtiang chu thil awm dan a nih avangin keimahni theuh hi in enlet ila.

Tin, sa lama intodelh hi sorkar hmathlir a nih thu tarlan a ni a, a lawmawm khawp mai a. Sa hi kan ei nasa ta hle mai a, chungah chuan tan lak lehzuat pawh a tul a ni. Vawkte kan sem chhuah ringawt atang pawh hian intodelh a hun tawh a ni. Mahse vawksa man chu a to tual tual a, Inrinni tuk leh bazaar tukah chuan vawksa sera eizawngte hmelhriat nih chu inchhuanna tham a tling emaw tih turin kan zing bazaar boruak chu a ni a. Chuvangin kan la intodelh lo hle, hma kan la sawn lo hle a ni.

Tin, vantlang hriselna lamah National Programme 8 zet kan kalpui a, hma kan sawn zel ang a, natna te a lo awm belh zel a ni a, chungah chuan PHC te, CHC te leh District Hospital hrang hrang ten tan kan lak hle a tulin ka hria a.

Pu Deputy Speaker, warning a ni bawk a ka la tlang law law ang a. MIMER kan han tih kha vawiinah hian engmah rawn tarlan a ni ta lo hi pawl ka ti a, a hrilhai thlak a, enge a awmzia aw ka ti a.

Tin, Tuirial Hydel Project kha thar chhuah tur a awm thuai tur thu tarlan a ni a, kan ta tur emaw kan tih laiin hemi PPA (Power Purchase Agreement)ah hi chuan kan ta a lo nih loh thu tarlan a ni bawk a, chutiangte chu kan dinhmun a ni a.

Pu Deputy Speaker, MLPC Act avangin cheng vaibelchhe 53 leh nuai 3 leh sing 4 zet tax kan hmuh tawh thu tun current financial year-ah hian tarlan a ni a. Hetah hian tax heti zat kan hmuh lai hian state pawnah engzat nge luang chhuak ang a, mi engzatin nge an hriselna chhiat phah, mitthi engzat nge MLPC Act avang hian awm phah tih hi kan ngaihtuahnaah inzawt nawn teh ang u.

Tourism lama hmasawna tarlanah Ministry of Tourism atangin Suresh dharshan atanga hmasawna rawn tarlan kha Pu Deputy Speaker, nikum lama House addressed-naah khan tarlan vek tawh a ni, thil thar a awm lo. Engatinge rawn tarlan nawn leh kher a nih aw ka ti a. Tin, khulai Bung Bangla ami pawh kha tarlan zawh

tawh a nih thu a rawn sawi a, tunah hian zawh a nih thu a rawn tarlang leh a, khatiang kha kan ni a. Chuvangin, heng ang hi kan in enlet a tha in ka hria a.

Tin, Sainik School chungchangah khan ni e, Sainik School kan nei a, a lawmawm khawp mai. Kan hriat angin hmeichhia te tan Sainik School a hmasa ber tur kan ni kan tih laiin national ah, ram pum huap 26 ah Sainik School hmeichhiate tan buatsaih a nih tur thu kha a sawi a ni, chungte chu ka'n sawi lang duh a.

Soil & Water Conservation-ah khan hmunphiah hi a let 220-in a thang tih a ni a. Hemi chungchangah hian ka sawi lan duh chu Pu Dy. Speaker, helai ka zawhna 2016 March 31 chhannaah hian hmunphiah thar chhuah zawng zawng hlutna hi 2014-15 thleng khan vaibelchhe 25 nuai 79 zet a ni tawh a. Chuti a nih chuan beneficiaries ah 8402 an ni a, chuti a nih chuan kum khat chhunga an income chu ₹ 36,095 a lo ni ta a ni. Chutiang zela han chhut chuan thla khatah 2557.96 an hlawh chhuak tihna a ni a, hei hi hlawhtlinna-ah kei chuan ka ngai lova, chuvang chuan kan inen let a tul hle in ka hria.

Sawi tur tam tak a awm ang a, Pu Deputy Speaker, a laklawh tho a, minute 2/1 lek hun min pek belh theih chuan. Sawi tur hrang hrang han tarlan zingah khan NEEPCO nen Tuivai Hydel Project sign a nih tawh thu kan hria a. Chutah chuan kan sign-na kha booth category a ni a, mute on operate transfer a ni, NEEPCO hnenah ram kan pe leh dawn tihna a ni a, Central Sector tur tihna a ni leh mai a. Campaign lai khan kan campaign au hlaah 'Tuivai hi kan khuap ang a, viability gap funding hmanin kan khuap dawn a ni,' tih kha kan han sawi uar viau a. Mahse waviinah chuan booth hmanga khuah tur a lo ni leh ta a, chungte chu ka han sawi lang duh a.

A tawp berah chuan Pu Deputy Speaker, kawngpui tha kan mamawh a, kawngpui tha kan duh a, mipuite leh sorkar te pawhin kan harsatna tawh te kan hmu tlang vek awm e. Chutah chuan kawngpui tha hi economic development ti thangtu a nih thu tarlan a ni a, tun dinhmunah chuan kan kawngpui chhiat ber kum niin ka hria. Chuvangin lei dawh hlawhtlinna te kan han tarlang a, lei chim leh kawng chhia hi mumangah chang daih tawh se tih hi ka duhthusam a ni.

Pu Deputy Speaker, Bairabi Zophai hmunah law and order a chhiat lutuk avangin tun hi kan dinhmun a lo ni zo ta a. waviinah Ralthuam leh ruihhlo heti zat kan man thu kan ngaihthla a, a lawmawm hle mai. Chutih lai chuan engzatnge man

loha awm tih hi ka inzawt thin a, tunlai kan boruak han thlir hian sorkar hi kan awm ta lo mai emaw tih turin mipuite hi chhan ngai, ram hi ven ngai a nih laiin vawiinah chuan kan sorkar ber hi a in kuanguahin a muthlu ta mai niin a lang a. Nimin piah boruak kan han thlir khan khang zawng zawngte kha top priority hlawhchham a nihna chen awmin ka hria a, top priority rawn ti kher lo sela chuan a hriatthiam theih deuhin ka ring a, chungte chu ka han sawi tel duh a ni e. Ka lawm e.

DEPUTY SPEAKER : Ngawi ru aw, hei dar 4 a ni a, dar 4 hi kan pelh dawn chuan House remtihna a ngai a, kan kaltlang ang nge kan chawl ang a kan lut leh ang. Kan la pass si lova, wind up te pawh a la ngai a. Kal tlang mai ang maw ? Pu T. T. Zothansanga.

Pu T.T. ZOTHANSANGA : Pu Deputy Speaker, ka lawm e. Ka hma a member zahawm tak Pu Ruatkima khan rawn thai nawn te kha a rawn sawi a, amaherawhchu development tha tak si rawn thai lan loh ka'n sawi thung ang a.

Hmanni February ni 27 khan vaibelchhe 9 leh nuai 51 (kei hi chuan vaibelchhia hlir ka sawi dawn a nia, a ai ka awh khan vaibelchhia a uar baw a) in Champhai Govt. College kan hawng a, kha kha ziah lan a ni lova. Tin, nikum kum tawpah khan Zotlang stadium vaibelchhe 23-in grass, eight track lane khi kan hawng baw a, chu chu helaiah hian ziah lan a ni lo baw a. Tin, tunah hian Champhai mipuiten kan nghahhlelh em em Champhai Govt. College thlang lawk ruama Keilunglian kan tih khi khuap turin vaibelchhe 19-in ruahmanna kan nei mek baw a, tender mek a ni baw a. Khatiang kha helaia rawn tarlan ni si lo, development tam tak a la awm a, ka rilrua a rawn luh dan tak chuan development hi a tam lutuk a, kan hotute pawh hian an tarlang seng lo a niang a! ka ti a, kan hawng deuh zut reng mai a ni, khalai kha a lawmawm em a, ka'n sawi duh a.

Tin, Pu Deputy Speaker, ka sawi duh chu sports lam chungchangah hian ropui tih deuh mai ka nei a. Kan nauten medal hi an lo la tam khawp mai a, hei hi fak an phu in ka hria, kan sports person te hi a hranpa in hna tam tak thalaite kan pek theih loh laiin international leh national leh regional ah hian Gold an lo la hnem khawp mai a, hei gold medal ringawt pawh kan en chhin a 80 international-ah 24, national-ah 40, regional-ah 16. Tun term chhung ringawt pawh khan regional leh national leh international-ah mi 218 zet in gold kha an han dawng kha a ni a. Kha kha a lawmawm khawpin ka hria a, kan naute kan thalai tunlaiin ruihtheih thil tam

takin min ti chhia emaw kan tih lai khan, a lehlam phak kan han keu va, mi duhawm tak tak kan hnam a tha zawnga min tarlang tu leh flag pawt pharh thei kha an lo awm zel hi a lawmawm ka ti a, ka kan sawi duh a

Tin Pu Deputy Speaker, kan member zahawm tak Dr. Beichhua khan “right men in the right post hi chu ni sela chuan India ah hian kan model thei hial awm e” tih kha a rawn sawi deuhin ka hria a, kha kha ka rilru ah a lo lut thuk deuh hlek a. “HIV nitin 5 kai belh, cancer vei an tam, hepatitis lah an tam, thih leh dam kar a ni” a rawn ti a. Kan ram hi a mak khawp a, kan kawng chhiat chungchang te hi han sawi ila, engineer ten Asembly-a thut kan tum tlat mai a, damlo enkawltu tur ten Assembly-a thut kan tum tlat mai a, a pawimawh zawk kan kalsan thin hi a fel lo a ni. Chuvangin anmahni tih tur tak tak hi chu ti se chuan helaia awm hi an tum tlat tur a ni lo. Chuvangin amah hi bang sela, Saiha District velah va awm sela, model chu kan ni mai ang. Khangte kha ka rilruah a rawn awm a, hei amah hi mithiam tak, a va chawlh nikhua pawh a zai dam mai thin a ni leh nghal a, a lawmawm ka ti.

Tin, hmannah member zahawm tak Pu Sangthuama te khan an rawn sawi zeuh zeuh a. Khulai thil thleng tlem han hrut deuh hlek kan duh a, tan ho a ngaih thu kha an rawn sawi uar khawp mai a. Helai kan Asembly-ah mi zawng zawngin min thli a ni tih an hre chiang a, tan ho tul zia kha an sawi uar em em a, a ropui ka ti a. Amaherawhchu, ‘thil serious deuh ngaihtuah a ngai e,’ tiin kan Chief Minister-in meeting a koh vawi hnih ngawt ah an party an han kal duh miahlo mai kha chu an dem awm ve thoin ka hria, kha kha min lo chhinchiah sak ula. Tin, ‘zamlo turin kan duh che u’ tia min fuihna tha tak tak te kha kan lo hre reng ang, zam pawh kan zam lo ang. Amaherawhchu in hriat ve a kan duh chu June 27, 2007 khan MZP te khan “ZO RUN” an lo zu sa tawh a, chutah chuan a satu te pawh Aizawl an thlen leh hmam keimahni IR ngei mai te khan an lo va thiah sak leh a, JCB an man ni ni 29 kha. Engpawhnise khami ni khan keimahni IR kan sorkar-in a advise te khan an va thiat a ni. Khami ni JCB an man ni pawh khan nia i rawn sawi takah chuan

DEPUTY SPEAKER : Khatin direct-in inhniallo ula, an sawi lai khan tumahin an ti buai lova, ani pawh han sawi sela, sawi ve leh hun te pawh in la nei ang chu.

Pu T.T. ZOTHANSANGA : Pu Deputy Speaker, an rawn sawi takah chuan tlem han sawi thui zawk ka duh a. Member zahawm tak Pu Sangthuama khan ‘JCB

te pawhin an va lai a, engmah an ti sual lova, tih vel khan a sawi khan ka hria a. Mahse amah ngei khan ‘JCB an man ni a nih kha’ tih te kha a rawn sawi a, khami tum khan Assam Police 500 vel khan Pu Ch. Chhunga hnathawk te kha an va man a ni. Mi 4 an va man a, chutah chuan Pu Lalduthlana kum 22, Pu Kapchawla Samlukhai JCB Operator te leh a thawhpui mi 3 te kha Assam khan an lo man a. Tichuan keimahni Police Addl. SP te leh kan SDO(Sadar) te khan vai ramah an zuk bail nghe nghe a ni. Kha kha kan sawi duhna chhan chu, ‘huai rawh u, huai rawh u,’ min ti min ti a, anmahni hun lai pawhin kan mite an zuk man a, an zuk bail zawk a ni. Vuak chu sawi loh, vaw turin student pawh kha an zuk kal thei tawh lo reng reng, kan zirlaite rilru a na ringawt mai a ni khatih hun lai khan. Khangte kha a police case nen lam a number ka nei vek a, in lo hriat duh chuan ka pe thei ang, an man a a case no. te chu ka pe thei ang, in duh chuan a dan a kha a hriat mai ang, Police case no nen lam ka nei. Engpawhnise keimahni police ngei tena khami tuma an thiat kha chu zirlaite rilru kha a na ngawih ngawih a. Zirlaite phei kha chuan ‘Biri rim hlau te khan Assam Police an hlau leh pek a mi’ min ti mai a ni.

Tin, pawl kan tih deuh mai pakhat a la awm, inremnain ramri a rawn nghawnglo kha pawl kan ti! March 1984-ah kan hruiatu zahawm tak Pu Laldenga London-a awm tum khan, kan hruiatu ni bawk ex MLA Pu Lalduhoma, kan member zahawm tak nen an zuk ti ti naah khan point 17 kha inrem nan chhawpchuah an tum a. Chu point 17 zinga an chhawpchuah tum zingah chuan ramri hi a tel a. Helai Mizorama kan hruiatute pawh khan tel ngei se an ti a, an beiseina a sang em em mai a, helaia kan sorkar neih mek pawhin an lo sawi ri ve feih feih a. Mahse tute emaw khan, ‘Kan salu hawn tur hetiang min lo tih khalh ten a dik nang, hetah hi chuan in kut lo titawi rawh u,’ an ti a. Chuvang chuan helaia kan hruiatute khan kut kha an rawlh ngam ta lo hrim hrim a ni. Kha kha min lo hriatpui kan duh a, kan ex MLA pakhat phei chuan ‘Lal an chak tawh lutuk a, an puan pawh an la hmanlo a ni’ a ti Khatiang khawp khan kan boruak kha a ni a, tunah hian dawih chan chang ni awm takin FB-ah te leh whatsapp-ah Mizoram sorkar beihna hi a tam a. Kan sawi duh erawh chu kum 10 hma lam kalta tawh ami kha tunlai kan thalai duhawm tak tak te hian kan history kha an hre tawh si lova, anni thiltihusual neilo ni awm takin huai tak takin an tawng leh a, helai hi chu hrechiang ve se ka duh, history ah a awm vek. Tin, ‘Khawnge kan IR te kha an dah tak, an dah tawih vek dawn em ni’ tih te pawh hruiatu thenkhat atang chuan a ri a ri. Tih tak takah te chuan ramri ngai pawimawh

te chu ni sela IR Batallion din tirh khan ramri ah batallion pahnih pathum te chu lo dah tur alawm. Engatinge helai khawchhung ah leh Khawzawl-ah leh Kawnpui-ah te, ram laili apianga IR an lo dah mai ? Hei hi paw ka ti tawp theilo a ni. Kha kha kan sawi tel hram duh a nih chu. Vawiin ah hian i vei lam ami te hian ramri chungchangah hianin min puhmawh dawn a nih chuan kg 2-in min puh mawh sela kg 4-in mawhphurhna an neih belh zel a ni. Kha kha min lo hriatpui kan duh a.

Pu Deputy Speaker, kan sawi leh duh chu niminah khan Tourism Minister zahawm takin Rural Home-stay Berawtlang-ah a hawng a, kha kha a lawmawm ka ti khawp mai. Hnahlan-ah leh Chawngtlai-ah, Vaphai-ah, Dungtlang-ah, Vangchhia-ah. Zokhawthar-ah te hian Tourist Lodge te chu han awm mahsela, mimal han kalte tan khan Tourist Lodge te kan lo maintain tha hlei thei lova, tikhan anmahni in bulah in mikhual thlenna tur kha in tha deuh deuh mai a awm a, khatianga han zin duhte tan kha chuan Tourism Department atangin a number te kha a lak theih vek a, mumal takin khing lai tlang kal turte tan zalen deuhin system thar a rawn siam a. Goa-ah te leh India ram hmun tam takah te chuan private angin khatiang rural home-stay kha an lo nei tawh thin a. Mizoram-ah erawh chuan India rama a hmasa ber ni turin kan Minister-in niminah a hawng a, lawmawm ka ti a, kal duhte kan awm a nih chuan harsa lo takin nuam takin a thlen ve theih ta a ni. Tichuan sawi tur tam tak a awm a, ka bawh pelh bik lo ang a, vawiin ah kan Governor thusawi hi ka rawn thlawp e. Ka lawm e

DEPUTY SPEAKER : Sawi tur in la awm em ? Kan sawi hnem viau tawh ania, Pu Vanlalzawma.

Pu VANLALZAWMA : Pu Deputy Speaker, ka lawm e. Hun tha tak kan han nei hova a lawmawm ka ti a. Amaherawhchu tun tum session hi a bul atangin rilru khawih deuh thil hi a awm nghal ngawt mai a, rilru dekh deuh kan sawi hmasak ber duh chu he House hi a zahawm a, a mawi teh lul nen kan Governor amaha a lo lut nawlh mai lai kha tu mawh nge tih hi kan ngaihtuah a tulin ka hria a. A engemaw zawngin kan ngaihtuah a, ‘a phur lutuk,’ te kan han ti a, a nih pawh ka hre chiah lova. Ka ngaihtuah dan pakhtah zawk phei chuan a Delhi kal tur hi a hmanhmawh lutuk a ni lo maw, khatia a lo lan nawlh tih kha ka ngaihtuahnaah a awm a. Tunah hian Delhi-ah a lo awm leh daih tawh a, nichinah kan han bia a, ‘nimin lamah a liam nghal alawm,’ an lo ti a. Engpawhnise a mawh phurtu hi an

awm ka ring a. He House zahawm tak nihphung tur a ni lovin ka hria a. Kan Governor a rawn lut hmasa ber ringawt mai a, keinin kan zui lut a. Hnam hla play lai pawha kan awm mumal ta lo lai kha mawhphurtu an awm chuan ngaihtuah a, heti ringawt lo deuha kan kal hi a tulin ka hria a. Chu chuan rilru hi a kap viau a, nimin lam te, nizan lam te pawh ka ngaihtuah ka ngaihtuah a. Hei hi engtia tih chi nge? Assembly lam nge, tuna sorkar lam nge, khimi Governor Secretariat lam mawh tih lai hi ngaihtuah a tul mang e aw ka ti a. A chhan chu he House hi a zahawm em em a. Member te, kan hotute in fel em em a, tiang hian mawi takin, entawn tlakin a kal mek laia khatia nawi teh nuaia kan tan ringawt mai kha. Kan hre vek a, Governor hi kum khatah vawi khat dan angin helaiah hian a lo lang thin a, session hmasa berah hian. Khami kan lo dawnawn dan kha fel lo hle in ka hria a, chu chu kan sawi hmasa duh a ni, Pu Deputy Speaker.

Point tam tak ka sawi lo ang a. Eng eng emaw han sawilan leh kan duh chu, chawhma lamah pawh kan sawi tawh a. Vawiina kan sitting tur hi nizan te khan ka ngaihtuah ka ngaihtuah a. Engtinng e ni ang? Khulai Zophai-ah zirlaiten Zofate Chawlhbuk sak an tum leh mek si. Engtinng e kan awm dawn tih keima mimal angin ka lo ngaihtuah ka lo ngaihtuah a. Amaherawhchu, tukin zing kan han thawh chuan WhatsApp te kan han en a, hma an la dawn hrih lo ve, an chawl lawk dawn tih te kan han hria a, a lawmawm khawp a. Chutih mek lai chuan nizan ka mut dawn lama officer pakhat pension tawh, chinchang hre takin min rawn phone a, a thu rawn sawi te pawh hi sawi chhuah tulin ka hria a, Zophai chungchang tho a ni a. Nichina kan ngaihtlak tawh ang khan ni 11.3.2018 Chawlhni tlai lamah Congress Legislature Party resolution a lo chhuak a. Chumi ang chuan kan sorkar hi a kal ringawt em ni ? Hei hi dan a ni em ni tih mi rawn zawt a. Sawi chhuak teh a rawn ti a. Min rawn hrihlthu pa phei chuan, 'ka pension na a rei tawh a, mahse tunah hian Congress party-ah chuan ka la awm ve a, adviser-ah kan unit-ah te phei chuan min hmang a. Hemi in lek chhoh ngawt dan hi a dik lo a ni lo maw tih remchang i neih chuan rawn sawichhuak the,' a ti a. Chu chu kan hotuten in hre zawkin ka ring a. Chief Minister office atanga tih mai ni se a dik thei a. Tin, Cabinet-in pawm ni se a dik leh thei a. CLP-in hetia a ti a kan lek zui vak mai hi thil nihphung a ni lo deuh lo maw tih hi mi rawn phone a. Kan hotuten chu pawh chu in ngaihtuah a tha in ka ring a. A nih phung a ni lo a nih chuan Congress Legislature Party resolution, kan Secretary-in a sign a, chu chu thupui ber, hlapui bera kan neih a ni a. He thil hi a kalphung a ni em

aw tih kha ngaihtuah ngaiin ka hria a. Nichina sawi tawh ang khan Chief Minister Office atanga rawn tih mai ni se, Chief Minister order-in a theih tho a. Tin, Cabinet-in en leh zeuh ni se, Cabinet thu anga kal ni se a dik leh thei a. Kan hriat angin Legislature Party te chu inthlan zawh hlimah Leader te, House Leader tur te, Chief Minister tur te thlangtu an ni a. Helai thu chuh chungchangah hetiangah tih hi thil fello a ni e, tih min rawn phone avangin chu chu Pu Deputy Speaker, kan sawi chhuak a. Keiin ka hre thuk em em lo na chungin. Chungte chuan rilru te chu a tihah viau lawi a.

Tin, tukin zingah helaiah kan lo kal khawm a, Zophai chungchangte loh theih lohin sawi a lo ni a. Zofate Chawlhbuk sak chungchangah kan Home Minister thusawi khan rilru a khawih leh hle bawk a. Engatinge Home Minister hriat lohin Section 144 te puan a nih ngawt? Hei hi a bul engnge a awmzia? Khulam atangin an rawn tih tir nge tih te pawh hi vawiin ah hian he House-ah hian sawi chhuah loh theih loh niin ka hria a. Dik tak chuan nizanah ka ngaihtuah ka ngaihtuah a, ka rilru kap em em chu, kei pawhin ka ngaihtuah ve tho a. Legislature Party in ti hian resolution an siam a. Chutih mek laiin kan Deputy Commissioner ten Section 144, mi panga aia tam awm khawm phal loh min han puan hnan leh lawi hi engnge maw a awmzia le? Sorkar lam mawh nge, tunge a mawh phur ber hi, ngaihtuah chian a va ngai em! Heti teh nuai hian kan ram a kal a nih chuan a va zahthlak em tih te ka ngaihtuah naah a lo awm a.

Tin, ka ngaihtuahnaa awm reng chu lo ti lui ta se, kan zirlaite, kan chanchinbumite khan vuak an tuar leh mai thei. Thisen te pawh a chhuak leh ang a, silaite pawh a puak ang a. Chhe tak te pawh hi kan thleng leh mai thei tih ngaihtuahna kha a awm a. Chung zawng zawng ngaihtuahna atang chuan rilru hi a hah em em a. Tin, hmannah Pathianni khan kan zuk kal ve zawk a. Khulaiah kan zirlai hruaitu pakhatin min lo hrilh te chuan rilru a ti na em em. 'Kan rilru natna chu chulai min lo vua leh min lo ti piaah lamah Bairabi-ah kan lo tlan lut a. Police Station-ah kan han tlan chho a, thil awm dan sawi turin, tumah Police hmel kan hmuh loh avangin. Mahse kawngka an lo kalh tlat a, a chhungah an committee an ti a, tumah kan au chhuak zo lo a. Kan ang tawn tawn a, tihngaihna a awm lo, tumah an lo chhuak lo, kawngka an kalh tlat. A, chuti chu let leh phawt ang, kan thiante kha khawiah nge an awm? Engtinngge hliamte an awm hial em? Thi te kan awm hial em tiin kan va ngaihven let leh a. Mahse chutiangin hliam na lutuk leh thi te an lo

awm lo hlah a, kan lo let leh a. Chuta kan lo let lehah chuan Police Station gate pui hi min lo kalh hnan tawh a ni,' a ti. A gate pawh an lo kalh tlat tawh a, a kawngkhar chu sawi loh. Khatiang khan a compound chhungah pawh kan lut thei tawh lo. Chu chu kan zirlai ten an dawn a ni. A rapthlak lutuk, kan ram chhungah takngial pawh khatiang khan kan Police Station kalh tlata a awm te kha a va zia lo em! Pu Dy.Speaker, i ngaihtuah thiam mai ka ring a.

Keini pawh a hmun va thlen ve hram kan duh. Police Station-ah te kan kal a, thil awm dan te kan zawt a. 'Min va hruai thei em?' kan ti a. A hmingin MLA te kan ni a, Er Rinawma a tel bawk a. Tin, kan Aizawl Municipal Corporation Mayor Pu Hmingtea a tel bawk a. Tin, kan Minister hlui zahawm tak Pu Saikapthianga a tel bawk a. 'Chulai chu va en ve hrim hrim pawh kan duh e a, kan zirlai ten Chawlhbuk an sak tum na hmun chu,' kan han ti a. 'Min hruai thei em?' kan ti a. 'A! kan hruai thei lo ang che u,' an ti a. 'A nih engemaw kawng min kawhbmuh tur tal min pe ta che u,' kan ti a. Kan hriat lai ngeiin, 'kan Constable pakhat hian va hruai che u rawh se, bike a nei a,' an ti a. Mahse, kan hriat lai ngeia instruction a pek chu 'Bairabi lui leihlawn kha chu pel suh,' a ti a. Khami thleng khan min hruai a, min kir san leh a. Khata tang khan Zofate Chawlhbuk an sak tum na hi a la lang pha lo deuh a. Ni a sa a, kawng a khu dawn tih a hriat a, a vaivut phei dup a, tuma hmel a lang pha lo a, a hla deuh hlek a lo ni a, kilometer 1 dawn hi a lo ni a. Chutah chuan a hminga a hruaitu deuh niin phei hi nge dik ang, phei loh tih ka ngaihtuah nasa khawp. Mahse i phei ang, engnge kan va tawh dawn tih kan hre lo. Kan Police te pawhin min escort thei tawh si lo. Hma pawh min hruai sak thei tawh si lo tiin kan va tlanphei ta tho a. Kan va thleng phei a, an Chawlhbuk sak tumna hnai bawr meter 200 vel a ni ang tihah khan, Police an lo tam em em a, CRP an lo tam em em bawk a. Min rawh hual nghal tuau tuau a. Mahse, vanneihthlak deuhin Hailakandi lam ADM, Asst. Deputy Commissioner an tih ang chi kha a lo awm a, a lo fel phian a, kan in dawngsawng a, thil awmdan kan in hriih nghal a. Tichuan, a sak tumna hmun ngei te pawh kan va tlawh thei ta nghe nghe a.

Tin, kan zirlai hoten an sawi pakhat, kan bungrua leh thawmhnaw zawng zawng pawh an hal darh vek tih te pawh kha han en kha dikan kan hria a. Kan in nuai palh dawn tih hriain kan handset te pawh bag-ah kan dah a. Kan thuamhnaw neih ang ang te pawh kan Chawlhbuk ti a silpaulin kan zar kang te pawh chu kan han en nghal a. Tahchuan handset kang te, thawmhnaw kang bang te, buhfai kang

ang deuh nial nual te kan va hmu a. Khatiang hmun kha kan va hmu a ni. Chumi kan sawi kual duah nachhan chu, khang zawng zawng kha Police Station-a kan kala kan zawh pawh, ‘In va kal leh tawh em? Saw laiah sawn engnge thil awm dan in hmu em, chinchang min hrih thei ang em?’ kan ti a. An lo la kal reng reng lo a tukah khan. Chung zawng zawngah chuan zirlaite pawhin na an tih ber vawiina kan sawichhuah duh lai chu, sawlai thleng an va ti thei lo a nih pawhin, khatia silai te a rik a, vuak an tawrh a, an tlan darh chum chum tawh hnu khan, keimahni lam atangin engnge thil awmzia ti a va kal an awm lo lai kha zia lo hle in ka hria a, vawiinah he House zahawm takah hian sawi chhuah ka duh a. Chulaiah chuan kan hotuten thil awm dan te pawh a nihna tak zirchian a tha awm mang e tih kan sawiduh a.

Point dangah kan kal leh daih mai ang a, khati lam chu ka duh tawh mai ang a. Point hnih khat lek han sawi ka duh lai a awm a. Nichinah pawh kan hotute, kan member zahawm tak tak ten an sawi tawh a. Thil pakhat chu mi harsa zualte tan leh a bik takin urban area-a harsa zualte tan in sak kan nei a. Ka bial lam Lawipu-ah khuan in sak a awm a, chhungkaw 400 lai luah theih tur a awm a. Engemaw zat an lut tawh a. Mahse an luah phat khan harsatna an tawh nghal a. Current a awm mumal lo va, tui a awm mumal lo bawh a. Khungte khu tam tak chu an in thiar let leh a, an bungrua an dah ringawt a, an kir leh daih tih te a awm a. Tunah khuan engemaw zat chu an kir tawh a, khung te pawh khu Pu Deputy Speaker, ngaihpawimawh ngei ngei atan kan sawi lang ni sela. Tin, chubakah chuan kan Governor thusawia kan sawi leh lawk duh chu, zu chhiah kan lak tam em em , kan sorkar-in kan lak tam em em ₹ 5334 lakhs hi kumin chhung ringawt, January thla thlenga lut, heng te kha a chhuanawm loh mang e aw! Mahse a rawn sawi lawi si a. Heng te hi a tlem thei ang ber hi hmu ta zawk ila tih kha kan ram tan hian a tha a , mi tam takin an buai phah a, chungkaw tam tak an buai em em a, chutichung chuan chhuang awm taka helaia lo lang te kha lang lo mahse a pawilo mang e aw, te chu ka ti a. ₹ 5334 lakhs kumin January thla thlengin kumin financial year chhungah hian a lo lut tihte kha thil chhuanawm tak a ni lo in ka hria a. Tin, January ni 15,2015 atanga hman tan bonded warehouse 3 kan neih thu te, vendor license 56 kan neih thu te pawh kha a rawn ti lang a. Governor hian thil pawimawh takah a ngai chu a ni maithei a, khang te kha thil chhuanawm loh tak, amaherawhchu helai lo

lang te pawh kan sawi lan ve a awmin ka hria a, thil tam tak sawi tur a awm ang a, engpawhnise hun tha tak min pe a, ka lawm a, lawmthu kan sawi a ni. Ka lawm e.

DEPUTY SPEAKER : Awle, kan sawihona kan duhtawk dawn tawh ang a, kan House Leader in sawi duh a nei em? A neih chuan kan sawm ang a.

Pu LAL THANHAWLA, CHIEF MINISTER : Pu Deputy Speaker, member zahawm tak tak ten a lehlam lehlam atangin an thil hmuh dan leh awmdan te an sawi a, a ngaihnaawm viau a, engemaw in chirhtheh tumna deuhte awm mahsela a tlangpuiin kan sawi hmang kha a tha ka ti a.

Governor in address a pe a, hei hi sawiho tur a ni a, dan kal pangngai in kan sawi ho a, member te eptu lam an ni emaw, treasury bench an ni emaw an sawi hmang atang khan han sawifiah tur emaw, han chhan tur emaw hranpa a awm lo in ka hria a, chuvangin a lawmawm ka ti a. Tin, han lak ulh emaw, hriat thiam loh luih emaw pawh kha a awm lo a. Amaherawhchu Governor address meuh kan han sawiho a, vote of thanks te an han propose takah chuan tlemte han sawi ve lo thei lo ah ka in ngai a.

A hmasa berin Pu Deputy Speaker, tukin zingah khan Finance Minister leh Planning Minister ni bawh khan helai kan growth indicators leh kan achievements tam tak kha a sawi a, khami atang khan khawvel khawi hmunah pawh kalpui sela he sorkar hian growth rate lamah leh thil dangah chuan a ti tha hle a ni tih a chiang em em a ni. Entirnan, heng tuna khalaia kan Finance Minister zahawm takin tukina a rawn putlul kha chu keimahni siam a ni pawh lo ti ta sela, nichina a rawn sawi tam ber kha chu NITI AYOJ kan tih ten inkhawlna pawimawh tak anmahni estimate an rawn tih kha a ni a. Entirnan, central-ah GDP 8% pawh a tlin loh lain, 7 something a nih laiin keini kha 9% kan ni a, chu chu India rama state growth rate tha ber pali Tripura, Jharkhand, Gujarat te zingah kan tel ve a ni. Chu chu tu tu te emaw khan eng ang pawhin lo report mahsela, sorkar thanguang leh ti tha an tehna chu kha kha a ni ber a ni.

Tin, per capita income-ah national average aiin kan sang hle a ni. Entirnan, national average kha ₹ 93,450 /- vel lo ni ta sela, keini kha ₹ 94,450/- ang kan ni a, chutiang chuan a figure kha ka spot diklo mai thei, mahse chutiang chu kan ni. Tin, India ram state zawng zawngah hian malnourishment tlemna ber, hniamna ber state

kan ni. Chu chu keimahni state sorkar Economic department emaw in an tih nilo in, NITI AYOOG leh central lam amite tih a ni a. Tin, tunah hian Ministry of Finance-in kan growth rate min forecast danah chuan tun current fiscal hi a lo zawh chuan ten digits a ni ang an ti, 10% aiin a sang dawn an ti a ni. Chuvangin hei hi thil chhuanawm ve tak a nih avang leh khawvel pumpuiin growth rate leh sorkar performance tha leh tha lo teh fung ber a nih avangin sawi chhuah loh theih loh ah ka ngai a, Finance Minister zahawm tak sawi kha kan thual a ni.

Tin, power lamah kan hria a, vawiin ah hian 1998-ah khan lo tla lo ila chuan power hi kan surplus ang a, a lo berah megawatt 170 vel chu hralh tur kan nei tawh ang, Pu Deputy Speaker. A chhan chu 1998 August thla velah khan Tuirial Megawatt 60 pechhuak thei tur khu a lung min phum tir a ni, Overseas Economic Development of Japan, tuna JICA an tih tak hi a nih ka ring a. Chutihlai chuan tuna kan thawhna tura sum leh pai kha hmanni a Japan Prime Minister Shinzo Abe a lo kala kan Prime Minister zahawm tak Pu Modi nen Ahmedabad atanga Bombay Bullet Train an hawna rulh ngailo tur leh a interest pawh a lem ang deuh, a hming mai mai, khatiang chi chiah kha a ni a, Japan-in min tanpuina tur kha. Chutih laia kan Power Minister zahawm tak chu Pu C.L. Ruala, tuna kan MP hi a ni. Tichuan Tuirial kha kum li chhungin zawh tur a ni a, khami lung min phumtir ni khan Japan ho chuan, “Ka Pu, tun ang hunah hian Tuivai Megawatt 210 pe chhuak thei tur hi i phum leh thei ang, chutiang chuan tan kan rawn la mek a ni” min ti a ni. Tin, khatia lung kan han phum kha NEEPCO an tih hian an thawk nghal a, an inla lut nghal vek a ni, mahse kha kha a pam tul ta a ni. A chhan chu khatia kan han bun tirh khan Kumpinu hun atanga lal lal lai thlenga compensation la thei tur huan ro nei kha chik takin chhut a ni a, a diklo a awm lo tur a ni, kan ti a. Tichuan a tawpah chuan 48 a niin ka hria (ka ti diklo maithei a) ah kan tla thla ta a ni. Tichuan chhungkaw 48 chiah kha compensation la thei tur an ni.

Tichuan notification kan chhuah a, hemi bak hi tuman helai specimen area-ah hian huan emaw, pass emaw engmah pass an nei tur a ni lo kan ti a. Mahse, khatihlai Revenue Director, ASO ten mi 12 hnenah an lo pe leh a, chu chu kan hriat veleh kan suspend a, prosecution kan neihna tur na taka an draft laiin keini kha inthlan ah khan kan tla a. Tichuan, kum khat pawh a tlin loh chhung khan khulai Tuirial kan pi leh pu hun atanga lal lal lai leh khami hunlai thlenga compensation la thei tura kan han ruahman, a dik thei ang bera kan

hriat 48 atang khan 1000 chuangah a pung ta a. Champhai ami te, Hnahthial ami, khawi khawi ami emaw khan Tuirial awmna pawh hre hleilo te khan huan/lo an lo zuk nei thluah a. Compensation ah khan a kal ral ta a, chuvangin Tuirial kha a pamtul ta a ni. Tin, Tuivai phei kha chu lipuia thlak ang vang vang a ni. Tichuan, Pathian khawngaihna leh mipuite zarah 2008-ah kan lo kir leh a, kan hotuten an umzui char char a, a bul an tan leh a, sum kan neih loh avangin NEEPCO te nen MoU tha tak sign in tiang chuan min phalsak a. In hriat angin hmanni lawk ah khan hawn theihin zawh a ni a. Engkim test vek a ni a, engkim a tha a. Chu chu kan Prime Minister-in rawn hawn a duhte kha kan lawm tak zet a. Prime Minister meuh in hawn a rawn chak khawpa helai kan hotuten, kan sorkarin Power Project (kan ramah chuan a lian ber la ni rih tur) megawatt 20 pe chhuak thei tur a rawn hawng duh kha kan lawm tak zet a ni.

Keini lama kan hotuten an ruahman dan chuan, a hmun ah kan hawng ang a, Pathian hnenah lawmthu sawi pah in tia kan lo in puahchah laiin Prime Minister meuhin rawn hawn a duh kha a lawmawm kan ti a, tichuan min rawn hawn sak ta a ni.

Tichuan, 1998-ah khan kal chho zel ila chuan, Tuivai megawatt 210 pe chhuak thei tur kha kan khuap tan leh thei tur a ni, kum 5 a zawh tur a ni. Tichuan tunah hian megawatt 210 leh 60 chu 270 a ni a. Vawiina peak load-a (kan duh tam lai ber) kan power hman hi a tlangpuiin 85, 90 te a ni a, 100 hi kan la thleng chiah lo a ni, a tul zawng zawng kan tihnun a, kan han hman hian. Chuvangin a lo ber ah khami ah khan lo kaltlang ila chuan kan state hian Hydro Power-ah ringawt megawatt 170 excess power hralh tur kan lo nei tawh tur a ni. Chu chu vawiin-ah hian he House zahawm tak kaltlang hian Mizo mipui ten min hriatpui se ka duh a, chu chu power lam ah a ni.

Nichin ah khan member zahawm tak pakhatin MoU sign hi a tam a ti a, a dik a ni. Bairabi kan tih te leh kan rama lui tam ber hi chu company hrang hrangte nen tunah hian MoU sign niin survey & investigation tih a tul avangin, kha kha min tih sak vek a, an peih deuh vek tawh a ni. Lungreng phei chu megawatt 800 chuang pechhuak thei tur a ni a, chutiang chuan tunah hian a awm deuh thup a. Amaherawhchu, MoU sign ringawt, engmah

thawh awm silo tih kha a dik a ni. A thawh nan hian sum kan mamawh a, kan sorkar hian sum hi kan neih loh zawng tak a ni. Chutiang chu a ni.

Chuvangin, Tuirial te pawh NEEPCO-in min thawh sak sela kan ti a, tichuan min thawh sak a. Tunah hian a power tariff per unit cost hi a san deuh avangin DoNER-in min rawn subsidise sak se tiin kan ngen a, anni hian an rawn ti dawn niin kan hria a. Chuvangin tlem zawk tak in a neitute hian kan neih theih kan beisei a ni. Tin, a free power pawh 12% (za a sawm pahnih) chauh a ni dawn a ni. Chuvangin MoU sign pui kan ngah khawp mai. Amaherawhchu, a thawhna tur sum leh pai a mamawh a, chuvang chuan tunah hian kan la thawk theilo a ni.

Amaherawhchu, kan intodelh leh zual nan tunah hian Tuirini megawatt 42 pechhuak thei tur hi 25 kan state power chin ah rek bung thla ila, khuah dan ngaihtuah ang kan hotuten an ti a, GRIDS atangin loan kan dil a, an process-na a rei tawh a, Ministry of Finance, Economic Affairs Department pawhin min support a. Tiang chuan min recommend a, tun thleng hian a result kan la hre lo a, kan beisei hle a.

Hmanni lawka Prime Minister a lo kal a, hemi a rawn hawn pawh khan kan remind a, 'min rawn bawhzui sak rawh,' kan ti a. Tin, kan power Minister Pu R.K. Singh a lo kal bawh a, chu pawh chu kan lo hrilh a ni. Chutiang chuan tunah hian 42 pechhuak thei tur nimahse 25 keimahni state power chhungah tihniam thla ila. Tin, GRIDS atanga loan kan dil hi kan hmu lo a nih pawhin NABARD hian vaibelchhe 500 chuang loan min pe thei a, chungte pawh chuan a khuah dan a awm dawn lawm ni tih te pawh ngaihtuah mai a tul ang em tih hi a tul anga ngaihtuah turin kan hotu ten an dah a ni.

Tin, zu chhiah tih kha chhuan vanga sawi a ni lova, he House-a kan member zahawm tak te hian sorkar kalphung tam ber hi an hriat ve a tha a; tin, an hriat atangin a tha lo lai sawisel in, a siamthat dan te pawh min fin chhuah te kan beisei a, chutiang avanga zia chu a ni a. Tin, kan sum hmuhna tlangpui hi he House hian a hriat ve a ngai a, tin, a luhna lian pawl tak a nih avangin, thildang ah revenue kan neih tam loh avangin ziahlan tel a ni tih hi member zahawm tak ten in hriat dan ni se a tha in ka ring.

Chutiang chuan kan Governor zahawm tak khan a address-ah khan a rawn telh a ni.

Tin, hei kan hriat angin Kalodyn Multimodel Rural Transit Project hi a kal mek a. U.P.A sorkar a ni emaw, NDA sorkar a ni emaw, min phurpui em em vek a ni. Kan hotuten he project hi an ngaihtuahna kum 25, 20 kal ta vel tawh khan a ni a. Amaherawhchu, keimahnia bul han tan mai theih a ni lova, survey and investigation kan tihna chu a rei tawh a ni. Tichuan, tunah hian India sorkar laipuiin min phurpui hle a, kan lawm tak zet a. Lawngtlai atangin Burma border-ah keini lamp chuan kawngpui kan sial tawh a. Amaherawhchu, he hnam hi sum ngaina hnam ah kan tlu lut em aw tih te ka ngaihtuah thin a, sum ngainat hi sual tinreng bul a ni tih Bible-in min hrihlh a, Bible chu a dik si a. Chu sual tinreng chuan tunah hian sual dang tam tak zingah duhamna sual te a rawn hring lut a, tichuan chu duhamna sual chuan kuttlingloa sum lak pawisak lohna a rawn thlen a ni. Entirnan, Tuirial ang te kha kuttlingloa sum lak pawisak loh avangin a sukuk ta a ni.

Chutiang chuan hemi kawng kan laih mek ah pawh sawn a diklo fe fe a ni tih hriat tam tak a awm a, mahse tun thleng sawn buaina an siam reng a. Chungte avang chuan kan sorkar pawhin Magisterial Enquiry tih mai zawk tur emaw ni le tih te pawh a ngaihtuah mek a, chutiang chu nimahse, chuti chen kawngpui chu border thlengin sial tawh a ni. A lehlamah Burma unau ten an sial ve tur a ni a, sum pawh India sorkar-in a pe tawh a. Eng chen nge hma an lak kan hre lo. Amaherawhchu, kan va tawmpui tur Lawngchawlhna Sittwe Court-ah chuan kan hman tur, hemi a operate huna commission a nih hnu a kan hman tur hi (Pu VANLALZAWMA : Pu Deputy Speaker, khawngaih takin kan House Leader-in a hriat ka ring tho a, khami Mizoram border atanga Palur thleng road project kha MEA khan tender a chhuah a, contractor an thlang fel tawh em tih kha kan zawt duh a) an thlang fel tawh tih min hrihlh a, tin sum pawh kha kan Prime Minister zahawm takin a ngaih pawimawh avangin min pe an ti a, chu chu kan hriat dan a ni a. Amaherawhchu, tunah hian eng chen nge a nih kan hre lo a, hmanni khan House Committee khilama han kal tawh te hnen atangin Sittwe Lawngchawlh hmun ah chuan kan hman tur kha chu ruat fel a ni tawh tih min hrihlh a. Tin, helamah kawng lo kal dan te leh lui lo kal dan te ka hre lo va, a kal tawh ten min hrihlh a, a ngaihnawm khawp a, amaherawhchu tunah hian ka hre seng ta rih lo a

ni. Engpawhnise hei hi kan thenawm ram te pawhin min phur pui khawp a. Kan University neih chhunah khuan seminar vawi 2/3 an rawn ruahman tawh a, chutah chuan a changchuan Bangladesh te pawh an Minister hovin an rawn kal ve a, Burma te, Nepal te, Bhutan te thlengin. Chuta a tlangpuia an subject chu Mizoram gateway for trade and commerce with ASIAN countries tih a ni a, an phur tlang hle tih erawh chu kan hria a ni. Chu chu tunah hian Mizoram-in ram dang atanga tangka sum tam tak a lak luh theihna tur atana hmalakna pawimawh tak te zing ami a ni a, ram dang te nen an in tlawhpawhna tur. Tin, kha kha a nih avangin tunah hian rail kawng Bairabi atanga Sairang thlenga kan lak hi, tunah hian Sairang ah a station tur acquire a ngai a, compensation tur sum pawh kan nei a, tunah hian hma lak tum mek a ni. Tin, khuta tang khuan Kawrhpuchhuah, Bangladesh nen border trade kan neihna tur hmuna keimahni ram chungah lak leh kan tum a, survey investigation hi an zo vek tawh a ni. Tin, chuta tang chuan Lawngtlai-ah lak chhoh leh tum a ni a, tun thal chung hian survey investigation min zawh sak theih a beisei awm. Hmanni khan an hotute an lo leng a, chak taka hma min laksak turin kan ngen a ni. Heti a nih chuan Mizoram gateway for trade and commerce a nih tak tak dawn avangin changtlung zawka hma kan lo lak a ngai a.

Tin, transportation ah hian rail hi lui leh tuipui tih loh ah chuan a man a tlawm ber a, chuvangin railway helaiah hian kal se tih duhna kan nei a ni. Chuti a nih chuan Kawrhpuchhuah atangin Lawngtlai thlenga kan lak chuan keimahni ram chauh ni lovin pawn lam atanga rawn hmangtu te tan pawh a ziaawm ang an ti, tih te pawh ngaihtuahna a awm a ni.

Tin, Dr. Beichhua, member zahawm tak ten an hria a, min hriatpui a, khatiang kha a nih dawn avangin chhim lamah sawn thlawhna tum hmun pangai tak awm ve se tih te ngaihtuahnaah a awm a. Kan zawnna a rei tawh a, MNF sorkar hmasa pawhin an zawng tih kan hria a, mahse kan hriat theuh angin hun remchang avang a ni.

Tunah erawh chuan khatih laia Minister zahawm tak Pu Hiato min kawhhmuhna in Latoth tlang saw a tha ang an ti a, Mara ram chung a ni a. Chu chu kan mithiam te pawhin an en tawh a, member zahawm tak Dr. Beichhua a han kal ve em ka hre lova, an va en tawh a, tunah hian a tih tlak dawnin kan hria a, DPR te an buatsaih mek niin ka hria a. Chutiang chuan ram dang te nen kan inpawh nan leh

ram dang pawisa a tam thei ang ber a kan lak luh hi kan ram tan tha tak a ni ang tih kan hotuten an rin avangin chutiang zawng chuan hma an la mek a ni.

Chutiang chuan wawiin ah hian Pu Deputy Speaker, kan hotuten hmalakna kawng hrang hrang an siam a, road network chu kan hria a, kan sawi tawh a, tukin zing lamah pawh kan hria a, chutiang chu a ni. Tin, tui tlan tur hi a pawimawh a, wawiinah hian project lian tak tak peih mek te la khalpui mek te a awm a. Tin, PHE Department kan insuangtuah angin hmun tam takah a awm a, Phaileng-ah te leh khawpui lian deuh deuh ah te a awm a, chutiang chuan tunah hian kan hotuten hma an lakna rah kan hmang mek a. Tin, project hawn mai theih te, la peih loh deuh te, hawn tawh te leh la thawh mek te, chutiang chu ram zawl dung leh vangah te hian a awm a ni. Kha kha a tlangpuiin kan hotute han sawi atanga a pawimawh deuh te chu a ni a.

Tin, border hi mimal hmalakna leh a huhova sawi rem theih a ni lova. Tin, hmanna kan sawi tawh angin India hmarchhak state ah hian Arunachal nen a naupang ber kan ni a. Kan hmaa state lo ni tawh te Assam nena ramri buai sawifel ngai nei lo hi an awm reng reng lo a ni, chutiang chu an ni deuh theuh a. Chuvangin keini pawh hi tupawh sorkar se la, chuti taka awlsama an sawifel mai hi a rinawm loh theih a. Amaherawhchu hetiang hi a nih avanga politics hmanrua inchirh theihna tur atan chuan kan hman tam poh leh kan thenawm te an fin phah ang tih te pawh a hlauhawm zawk a, chutiang chu a ni.

Synod hotuten election campaign an rawn launch khan Zarkawt kohhranah a follow-up ah khan pastor senior takin thu a rawn sawi a. Chutah chuan a rawn sawi pakhat chu, 'ramri buai te hi kan sawi a, ramri te kan sawi kan sawi a; Naga ramah ka zuk awm tawh a, Naga chu phai kilah pawh an awm peih a, Dimapur te khu Silchar ang bawka ram lum, ram hrehawm a ni a. Mahse an awm tlat mai a, chuvangin midang tan tih ngaihna a awm lova. Keini hi dik tak chuan ram lum hi kan ngam lo deuh hlek niin ka hria,' tih hi fimkhur takin, inthlahrung takin a sawi a, chutiang deuh chu a ni. Merapani te khu Assam-in an claim thin a, mahse an va luh tam poh leh Naga khua ah khan, Merapani-ah khuan an tam zawk thin a, tihngaihna chu an hre ngai lova, chutiang chu a ni a. Keini pawh hian a luah lam te pawh hi kan taihmak deuh a tul dawn em tih te thleng hian a ngaihtuah theih deuh a ni. Tuna Bairabi-a harsatna kan tawh hi, thahnem ngaia political party zuk kal te pawh hian

hamthat nan leh insawitheih nan hman lo se tih hi an duh dan ber niin ka hria, chutiang chu an sawi dan a ni. Tin, CLP resolution tih kha Congress Legislature Party-in ngun takin an ngaihtuah a, resolution an siam a, chu chu sorkarah an thehlut a. Tin, emergent leh immediate a nih avangin Chief Minister-in a approve a, he sorkara approve a ni a, a that dan leh a remchan dan ang angin kalpui nghal ni rawh se tih a ni. Tin, khuta thil thleng kha a vanduai thlak khawp a, a pawl khawp a, chung te avang chuan central-ah pawh kan zualko vat a, thil an tih dan te Central pawhin tha a tih danin (remthu ti mai ang) ban an rawn phar a ni deuh ber a, chutiang chuan hma an rawn la a ni. A hmuna awm theuh theuh version pawh a inang lo khawp mai, tu version ber nge awihawm ang tih te pawh a hriat theih lova, police pawh kha keini pawhin company 2 lai kan dah a ni. Tin, anni an lo tangkai leh tangkai loh dan kha a situation a zir kha a ni ve thei a.

Tute emaw puhmawh nan ringawt hman kan tum chuan a puhmawh dan tam tak a awm ang tih ka ring a. Chuvangin hei hi chu tun ang boruakah, ep kan neih laite hi chuan keimahni ram pawn ami thenawm state te, keimahni tualchhungah chuan chan that nan leh chanvo tihlen nan hman loh chi a ni dawn lawm ni? Kan fate kan zilhnaah hian thenawm fate an lo fíng zo ang tihte pawh a hlauhawm thei lawm ni tihte hi ngaihdan awm ve thei a ni a. Chu chu tun hunah hian kan sawi chhuak a ni.

Tin, kha ni e, drugs a tam ziate leh khang kha a dik a. Hei hi khawvel kal mekin a rawn chhui a ni a. Hun hnunhngah chuan tih Bible-a kan hmuhah khang khatiang zawng zawng rawn pung tur kha a chuang vek a ni. Sual a lo pun tur te, Krista der lo awm dan tur te, lir a nghin a nghin dan tur te. Chuvangin mihringten theihpatawpin dan an tum ang. Amaherawhchu kan dan zawh loh engemawzat a awm ang. HIV/AIDS positive nei ngah ber han nih te hi thil zahthlak tak a ni. Mahse a thleng miao si a, chuvangin sorkar hian theihpatawpin dan tumin a bei a. Chutiang chuan a ber nihna hi zahthlak tak tak, chhuanawm lo tak tak kan nei teuh mai. Cancer te pawh a ngah ber kan ni a, Aizawl phei chu cancer capital te min han tihel khum a, sap chanchinbu ziaktuten, a hreawm khawp mai. Ringtu, Pathian hnam thlan inchhal ngam kan ni lehngal a. Khang atanga han en chuan thil hreawm tak a ni, a chhuanawm loh a ni. Chuvangin hetah hian inpuhmawhna tur chi a ni ang em aw tih ka ngaihtuah a. Thahnemngai tak tak chuan tawngtaina nen theihpatawp chhuaha tan lakna tur a ni zawk dawn lawm ni tihte ka ngaihtuah a ni. Inpuhmawhna

avanga reh thei chu ni se kan inpuhmawh vak vak tur a ni a, kan au vak vak tur a ni a. Kawthlerah te pawh khuang nente pawh kan vak kan vak tur a ni a. Mahse khang khan a reh dawn si lova.

Eng tin nge a reh ang tih kha, khawtlang nun siam that a, chumi atanga kohhran nun siam that a, khatiang zawnga um reh chi a ni dawn lawm ni tihte min ngaihtuhtir a. Vawiinah hian sualna hi kan Pathian hian khawvel atanga lak bo a tum lo a ni awm mang e aw tihte ka ngaihtuah a. A chhan chu uirena sual te, tual thahna te, drugs te, zu te hi a awm reng dawn niin a lang a. Chuvangin lak bo lohin, mahse khami kha kan tih lohna turin a fapa Isua Krista tlawm takin Kalvari tlangah a thih tir a. Chumi thisen leh chu Kraws hmang rim thiam apiangte leh chu Kraws nei leh amah nei apiang hi an him dawn, kan him dawn tihna ni awm tak a ni.

Isarel sal tangte Mosia hmanga Aigupta atanga hruai chhuah an nih pawh khan rul chuk na mite a tipung a. Isarel fate inchhira an han au pawh khan a la bo mai lo, a tithi mai lo, a tipungtu kha chuan a tithi thei vek ang ka ring. Mahse Mosia hnenah dar rul siam la, khai kang la, a en apiang an dam ang tih kha a zuk hrilh dan a ni. Chutiang chiah chuan he hnam hian a tam thei ang ber hian Lal Isua Krista hi en ila, a thisen Kraws ami kha kai ila. Chumia dam kan tum chu kan tih tur a ni zawk dawn lawm ni! Chutiang zawng zawk chuan heng kan harsatna, HIV/AIDS kan tih te, HIV positive kan tih te, thil hrang hrang cancer kan tih te hi kan do dan tur ni awm tak a ni.

Amaherawhchu, “In nun hi fimkhurpui hle rawh u” a tihte kan ni a, kan fimkhurpui a tha. Vawiinah hian Mizoram kristiante Setanan min bum retheihna ber pakhat chu awlai te, vaihlo zuk leh hmuam, kuhva khawr, chinai hi niin ka hria. Chuvangin heng lakahte hian kan fihlim a tha. World Health Organization chuan khawvelah hian zu leh sa avang te, accident te, mei avang te, tui tla te, hetiang zawng zawnga thi ai hian vaihlo zuk leh hmuam vanga thi hi an tam zawk daih an ti a ni. World Health Organization sawi a ni a. Kan awih dawn leh dawn loh chu thu dang ni se.

Chuvangin, vawiinah hian drugs te hi, tunah khuan Delhi hlei hleite khuan an buaipui, School atanga metre tlem te teah a awm a. Punjab-ah phei chuan hman deuhte phei kha chuan an Minister thenkhatte pawh kha addict an nih bakah a smuggler an ni awm e ti te pawha inpuhna kha a awm a ni. A dik leh dik loh chu

keini tehlulin kan zuk hre phak lo a. Chuvangin heng soal lo pung zelahte hian Bible-ah a chuang vek a, heng laka kan fihlim dawn a nih chuan tan kan lak dan tur chu khawtlang nun siam thaa theihpatawp chuah tlana, chumi atanga kohhran nun siam thaa khami huang chhunga inkhalh luh dan kan zawnte hi a ni dawn lawm ni tih hi ka ngaihtuahna a ni a. Chungte avang chuan thalaite khatiang zawng atanga lak hran nan, distract nan games and sports lamah te pawh kan hotute hian hma nasa takin an la a. Infrastructure lamahte pawh sum awm leh awm loin theihpatawp an chhuah chho a ni.

Tin, vawiinah hian NLUP te hi sawi chhe thin mah se, CAG-in eng ang pawhin zia mah se, heng kan growth indicator tam bera a contributing factor lian ber chu NLUP hi a ni Heng kan growth rate rawn tisangtu hi NLUP dawngtuten rinawmna, dikna, taihmakna leh Pathian tihna nung nena an lo dawn a, an lo hman vang a ni a. Tin, kan sorkar hnathawkte pawhin, a bikin NLUP line Department ami te leh Department dang ami te pawhin theihpatawpin ram leh hnam tan an thawk a. Kan sorkar hnathawkten kan kut hnathawktute an kaihruai a. Chumi kan tan tlanna leh an tan tlanna atang chuan kan growth rate-te hi a lo sang a, India rama a titha ber state pali zingah te kan han tel thei te hi sorkar hnathawkte hnenah pawh lawmthu ka sawi rualin kut hnathawktute rinawmna, dikna, taihmakna leh Pathian tihna nena lo dawngtute hnenah lawmthu ka sawi a.

Tin, Pu Deputy Speaker, chu mai a ni lo. Bangalore-ah khuan mi thiam rual IAS retired te, Chief Secretary lo ni tawh thinte, Economist te, High Court leh Supreme Court Judge te, khung awm khawm khu body lian tak an awm a ni. Chu mite chuan hemi result an tihchhuah dawn hian kan Chief Secretary kalta kha tel turin an rawn sawm ve a. Chutah chuan a zuk kal a. An hming chu Public Affairs Centre, Bangaluru tih a ni a. Chuta an puipa ber pakhat chu Dr. C.K. Mathews, IAS pension a ni a, hetah hian member chu mi lian tak tak leh mi thiamte an ni. Chutah chuan large state, state lian deuh 7 an thliar a, state te 12 min thliar baw a, kan vaiin state 29 kan ni. Focus point 25 an rawn siam a, chu focus point chhungah chuan indicators hrang hrang an han thlang leh a. A vaia indicators an thlan chu 68 a ni. Chutah chuan a tawi zawngin sawi ila, state te 12 zingah khan khang focus point 20 chhunga indicators 68 vel lai chhungah khan keini state, state te hi a tha ber lawr lak, pakhatna kan ni. Health Care lamah chuan tukin lamah kan ngaithla tawh a. Chutiang chu a ni a, Pu Deputy Speaker, kan NLUP-te, kan NEDP-te leh thil dang

dang hi eng ang pawhin rawn sawiin CAG te pawhin chuti khati rawn ti mah se, ‘Ka mit a ti var miau a’ tih ang khan kan than phah miau a. India ramah a berte zingah kan nih theih phah a. State te zingah chuan a ber kan nih phah a. Chutiang chu a ni.

Chuvangin, kan Governor-in heng thil, hmalakna tam tak zinga engemaw tlem te chauh a rawn sawi kha vawiinah hian Zoram mipuite zingah a zawnga za leh a chipchiarin puang chhuak lo mah ila, a tlangpui a rawn sawi kha a lawmawm kan ti a. Kan member zahawm takin hemi lawmthu sawina resolution a rawn pulut pawh hi kan thlawp a. Chuvangin tunah pawh hian khatiang zawnga a thusawi kha ka thlawp a ni tih ka’n puang duh a.

Tin, member zahawm tak leh Opposition group leader pawhin a rawn sawi kan tan tuka hun awm dan kha a pawh khawp mai. Keini kha kan la thu muangchang deuh hlek a, khuta tanga kan room-a kan lo kal pawh minute 2 pawh a tling lo, minute 1 ah kan lo thleng thei a ni. Chumi hisap chuan kan lo thu a, mahse helai thawm kan hriat takah chuan kan rawn tlan chhuak chho a. Kan lo thlen chuan kan Governor te, kan Speaker te pawh kha an lo thu tawh a, chutiang chu a ni a, pawh kan ti khawp mai a. Responsibility in fix a tul phei chu ka hre chuang miah lo a, amaherawchu kan Governor zahawm tak leh kan Speaker zahawm tak te an lo awm tawh ah khan, kan hma ah khan Opposition lam atangin tlem te an lut ve dam dam a. An hnungah khan sorkar leh tur hi kan rawn lut ta huk a, kha khan a rawn ti ropui ta a ni. Ka lawm e.

DEPUTY SPEAKER : Tunah chuan motion neitu member zahawm tak Pu H. Zothangliana sawm ila, rawn wind up pahin adopt rawn dil nghal se a tha ang e.

Pu H. ZOTHANGLIANA : Pu Deputy Speaker, ka lawm e. A hmasa berah chuan kan Governor zahawm tak thusawi phak no. 1-a NEDP hnuaiah crore 1027 kum 2016-2017 chhungin dah a ni tih kha chhut sual palh a ni in a lang a. A chin hre tur awm anga ngaih te kan han zawh chian in kum 2016-2018 tih tur zawk ni awm tak a ni tih kha ka sawi tur a ni em tih ka hre chiah lo na in a pawimawh tlata ka hriat avangin ka’n sawi hmasa zawk a ni.

Thil tam tak sawi belh tur a awm tawh chuang in ka hre lo a, amaherawchu Pu Deputy Speaker, NLUP a hlawhtling tawh lo tih thu te pawh opposition member

lam atangin sawi rik a awm a. Kha kha Zoram mipui te hian thutak tluantling emaw an lo ti mai ang tih hlawhthawn awm deuh lai point 1 te chauh a awm a, chu chu han sawifiah zawk ka duh a ni. Chuta member 1-in a sawi chu NLUP avangin Agriculture lamah pawh hlawhtlinna kan hmu chho a ni ruling party ten an tih lai hian GSDP-a Agriculture contribution hi a tla hniam zel si a, heihi a dik thei dawn em ni, a dik lovang a, NLUP a hlawhchham tihna a nih hi tih zawng khan a rawn sawi a. Thlir na kawng khat atang chuan, Engineer lam thlirna atang hrim hrim chuan thil ni thei pawh a ni mai thei a, amaherawhchu Economics dan lam atanga thlir ve thung erawh chuan GSDP-a Agriculture emaw, primary sector kan tih in contribution a neih a tlak hniam zel hi thil pawl lam a nilo tlangpui a. Economy a than chhoh hian primary sector contribution hi a pumpuia teh chuan GSDP ah hian a tla hniam hret hret zel a. Secondary leh tertiary sector te contribution hi a rawn sang zawk thin a ni. A awmzia ta chu GSDP-a Agriculture sector contribution a percentage wise-a a tlak hniam avang hian hlawhthawn tur a ni lo a. Kan sawi tawh ang khan Agricultural production hrim hrim hi chu jhum area a tlak hniam mek reng lai hian a production hrim hrim hi chu a pung chho ve zel a. Chutichunga a pumpui thua a percentage a hniam thla sauh mai hian a entir zawk lawmawm tak a awm a, chu chu secondary leh tertiary sector- sector dang te hian nasa leh zualin hma an sawn tihna a ni zawk mai a ni tih kha kan member zahawm tak te leh Zoram mipui te pawhin min lo hriatthiampui atan thil pawimawh tak niin ka hria a ni.

Tin law and order-ah tun sokar hi a fail a ni lawm ni han tih thawm te kha a awm a, kha kha chu sawi ve mai mai, inpuhna satliah ang deuh ah te pawh a ngaih theih in ka hria a, sawifiah thui vak pawh a ngai in ka hrelo. Sorkar hmasa 2006-2007, 2008 chho vela law and order situation kha han ngaihtuah let thuak ila, tuna kan dinhmun te nen hi chuan a inthlau em em a, hman kha hremhmun, tun hi vanram tih zawngin sawi ila a fiah mai in ka hria. Hmanah kha chuan 2006, 2007, 2008 chho ah te kha chuan inruk bo, inthah mai mai, bank rawk, in pawngsual tih te, nawrh nuai nuai tih te, lungawilo au thawm te kha a ri ring a, a ri nuai nuai mai a. Kuthnathawktute leh pawl tinreng mai kha an in nawrh siak emaw tih tur kha kan awm dan a ni a. Khang zawng zawng karah khan thil tisualtute, mawhphurtu te man chhuaha hrem, dan ang taka hrem tumah an awm hlei thei lo reng reng a ni. Khang hun lai ah khan law and order chu a fail Chiang zawk em em a, chu mi avang chuan 2008 kum lai hawl atang phei kha chuan ram mipui te hrim hrim piaah lam ah

kohhran ho meuh pawh an mangang a. Kan ram ah hian Pathian thil tih theih mak ropui tak mai a lo in lar a, a lo lan chhuah a, change a lo thlen a ngai a ni tiin kohhran mipui te meuh pawhin tawngtai in Pathian an au a. A uar zual te phei chuan ni 40 leh zan 40 chhung ngawt chaw nghei in Pathian an kar phah kha a ni a. Khang hun lai ah khan a ni law and order chu fail zawk ni. Tun sorkar hun ah chuan stray incident engemaw hnih khat te chu khawvel a nih chhung chuan a awm ve ang chu tih mai a ni zawk a ni.

Tin, a dang leh ah chuan kan opposition te hian sorkar leh hi chu an chak em em a Pu Deputy Speaker, ‘inthlan leh hunah chuan kan sorkar ve tawh ang,’ hi an han ti thin a. Amaherawhchu an sorkar chhan tur an han sawi dawn hian sawi tur mumal an nei lova, tun tumah pawh Governor sana hma deuh bik avang a member te thut hmaa Governor leh Speaker lo thu lut hmasa te kha an sorkar ve tawh tur zia entirna chhinchhiahna ah an hmu ta ngawt mai a nia an dinhmun hi chu a awhawm vak lo a ni. Engmah zirchianna pawh nei bik vak loin ‘zu avang hian drugs a hluar a, hmeithai pawh an pung sawt,’ te a an han ti ngawt a. Upa ten Chhura umpui mu hriat an tih hi ka hre ri ai ruai a, hetiang a in puhmawh ngawt mai hi chu Chhura Umpui Mu hriat an sawi tluk pawh ni ah ka ngai lo, chaw tak khuka khuk pui tlak a awmin a rinawm lo a ni. Hetiang a an sawi hi an rilru chhiat vang hrim hrim leh an rilru kawih vang pawh a ni lem lo a ni tih Pu Deputy Speaker, kan hriatpui a. Politics-ah min khel h vete an tih tur niin an hre si a, sawi tur a vang si a, churang chuan min han puhmawh ve a ni mai a. Zoram mipui pawhin a dawn sawn dan tawh hi an thiam ang tih kan hai lo a ni. CAG Report-in NLUP hi hlawhchham ti sateh mahsela Zoram mipui hian a hlawhchham lo tih hi kan hria a. Kum 2008 Pu Lal thanhawla sorkar khan a buaipui chho char char a, kum 2013 inthlanah chuan mi tam takin Congress ho ngei ngei pawhin member 32 hi Congress party atang ringawt hi chuan in lo chhuak tawh bik lo ang an tih lai khan, Zoram mipui-in NLUP hi a that zia, hlawhtlin zia an hriat chian avangin 32 ni lo-in MLA 34 min thlang chhuak ta a nih kha. A ziaka zia lam a ni lo; a nihna dik tak chu Zoram mipuite rilru leh thinlungah hian a awm a, a hun takah hetia hmet hian an lawm zia an rawn show leh mai dawn a ni.

Aw le Pu Deputy Speaker, sawi tur a tam mai, amaherawh chu a tlai lam deuh tawh si a, a tlangpuiin rilru-ah chuan ka khaikhawm dan a awm a. Kum 2013 kum tir lamah khan Chakma Autonomous District Council lamah inthlanna neih a ni

a. Khami tumah khan vawiina an inchhuan theihna tur tak thu dik awm chhun pakhat opposition rau rau-ah chuan opposition party lian ber kan ni ti mek MNF party hruaitu tam takte nen, an President hote nen khan Chawngte lamahte campaign beih pui thlak a ni a. Keini ho tete pawh hi kan hotuten nangmahni lam deuh a nih avangin va kal ve teh u khai min tih avangin kan kal ve a. Chutih lai chuan kan boruak chu a pui a, a nuam ang reng khawp mai. Anni-in sorkar ngei ngei turah an in ngai a. Chakma ho lah khan an lo bawl thiam narawh a, parthi tam em em mai an awrh tir a, an duh aia tam tam kha an awrh luih tir a. A then phei chu a awrhute kha an palian teh chiam bik si lo a, keimah tiat te te leh a then te phei kha chu keimah aia te deuhthe pawh an ni a. An han awrh fual tir em em mai khawp a, ke a an kal te hi leiah parthi kha an hnuk dulh dulh mai a. MNF an sorkar ve ngei tawh dawn a ni tih tur ang khan boruakah chuan a lang a ni. An party hotute kha Chakma unau te khan an zawn a, sang tak takah an vawr a, an lo chawimawi em em ni hian a lang a. Tichuan vote kan thlak ta a, Chakma Autonomous Distreict Council seat 20 awmah MNF party ten seat thum lai an la ta a. Congress party chu Seat 17-ah kan tawp tek a ni. Chuti chuan engemaw a awmzia si le kan ti a. Chakma unaupa-in min chhan dan chuan, “A hmuai awh a mumanga SEDP cheng nuai thum ai hi chuan Pu Lal Thanhawla kan pu in a tak rama NLUP cheng nuai khat a tih hi kan duh zawk fe a ni mai ni,” tiin min chhang a ni. Aw! a lo ni maw, SEDP cheng nuai thumte chu a duhawm vei nen kan ti a. Chakma unaute pawh khan an hriatreng chu min han hrilhfiah zui danah chuan hmanah khan Mizoram Intodelhna Project an tie maw ni, an rawn zuar, an sawi tlawr thiam si a, khabe an sep sual si lo a, kan lo awih em em mai a.

Tichuan kan sorkar tir a. Chakma-ah meuh pawh MNF MLA te kan vawrh chhuak a. Nimahsela kum 10 an sorkar chhung khan an intiam angin MIP (Mizoram Intodelhna Project) kha an kal pui reng reng lo mai a. Kan hriat reng dan chuan ₹ 70000-in kuthnathawktute min tanpui an tum a, an tiam a. Kum sawm an sorkar chhung khan dawng a lawi kan awm lo a. A dawng awm chhun pawhin ₹ 3000 atangin a dawng tam ber ten kum 10 chhungin ₹ 7500 an dawng kha a ni a. Chuvangin hawina lam apianga tiam zet zet an tih ang deuha awlsam taka tiam a awlsam taka bawh chhe leh mai thinte ai hi chuan thu leh hla-ah tlak tlawr thiam duah lo mahsela (kan Pu-in min lo hrethiam se la) Pu Lal Thanhawla hian, “Kan hotute’n an ti dawn a ni,” a tih hi a taka a hlenchhuah mai thin avangin zui zel mai hi

keini chuan kan tih tur dik a ni kan ti a ni an lo ti bawk a ni. Chutiangte chu thil awm dan a nih avangin Zoram mipuite hian Pu Lal Thanhawla leh a hote chuan an intiam angin thil an ti mai thin tih hria-in hmanah NLUP hi a tawp hunah pawh mawlmang takin a tawp ringawt lo ang a, awmze nei takin chhunzawm a ni ang an tih ang tak khan vawiinah chuan NLUP chhunzawmna ram leh mipui ten an tangkaipuia an hlawkpui zawk tur NEDP (New Economic development Policy) an kal pui tan mek reng a nih hi. MNF hruiatu thenkhat ten kan sorkar hunah chuan kum 2019 Budget hmasa berah SEDP-ah cheng vaibelchhe sangkhat leh zanga aia tlem lo kan dah dawn a ni an tih te hi Congress sorkar hian a takin an kalpui nghal mawlh mawlh a. NEDP hmangin Zoram min tuam dam mek a, min khai chhuak mek a, kawng tha leh dik zawk min zawhpui mek a nih hi an ti ang a, tichuan kum 2018 kum tawp lama MLA inthlanah pawh khian Congress Party hi a sorkar leh ngei ngei dawn a ni tih wawiina kan Governor thusawi kan chai lai mekah pawh hian Chiang sa reingin ka hria a ni, Pu Deputy Speaker. Chuvangin kan Governor zahawm tak Lt. Gen. Nibhay Sharma-an he House zahawm tak mai a address a a thusawi te hi lungrual taka kan lawmthu sawina Motion of Thanks hi member zahawm tak te hian min adopt-pui turin ka ngenin ka sawm a ni e. Ka lawm e, Pu Deputy Speaker.

DEPUTY SPEAKER : Awle, Motion neitu in a rawn wind-up a, Governor thusawi lawmthu sawina Motion wind-up thlum ber a la ni awm e. Adopt a rawn dil bawk a, kan buk ang a, Governor thusawi chungchanga lawmthu sawina Motion of Thanks that the members of the Mizoram Legislative Assembly assembled in this Session are deeply grateful to the Governor for the address which he has been pleased to deliver to the assembly on the 13th March, 2018 hi adopt remti apiangin “Remti” ti rawh u le. (MLA : Remti) Remtilo kan awm chuan “Remtilo” ti ula. Remtilo kan awm lo va, House-in lungrual takin Motion of Thanks hi kan adopt ta a ni.

Pu H. ZOTHANGLIANA : Pu Deputy Speaker, ka lawm e.

DEPUTY SPEAKER : Awle, wawiina kan business kan zo ta a, kan chawl tawh ang a, naktuk ni 15.3.2018 Ningani zing lam dar 10:30 A.M. ah kan thu khawm leh dawn nia.

Sitting is adjourned.